

ԳԱՐԵԳԻՆ ՆԺԴԵՅ

ՅԻՇԻՐ ՊԱՏԵՐԱԶՄԸ

Բ. հրատարակություն

Հրատարակիչ՝ «ՀԱՅՐԵՆԻՔ» ակումբ

Երեւան – 2013

**Խմբագիր՝ պատմական գիտությունների թեկնածու
Խաչատուր Ստեփանյան**

Գարեգին Նժդեհ, Յիշիր պատերազմը: Հրատարակիչ
«Յայրենիք» ակումբ: Երևան, 2013, 101 էջ:

Բուստոնի «Յայրենիք» օրաթերթի 1930թ. մայիս, հունիս
ամիսների համարներում հայտնաբերված Գարեգին Նժդեհի
«Յիշիր պատերազմը» հոդվածաշարը գրքույկով հրատարակվում
է առաջին անգամ. այն դուրս է մնացել ցայսօր հրատարակված
Նժդեհի երկերի ժողովածուներից:

© «Յայրենիք» ակումբ

ԵՐԿՈՒ ԽՈՍՔ

Յայ մեծանուն գործիչ Գարեգին Նժդեհի մտավոր հարուստ ժառանգության մասին բազմիցս է խոսվել: Նա իր հրապարակում-ներում անդրադարձել է հայ ժողովրդի կենսական շահերին առնչվող տարաբնույթ խնդիրների՝ առաջարկելով խելամիտ և արմատական լուծումներ:

Նժդեհի մտավոր ժառանգության հայտնաբերումն ու ամբողջացումը շարունակական են: Այս գործում, թերևս, մի համեստ ներդրում է մեր կողմից Բոստոնի «Յայրենիք» օրաթերթի 1930թ. մայիս, հունիս ամիսների համարներում հայտնաբերված «Յիշիր պատերազմը» հոդվածաշարը, որը, ինչպես Նժդեհի մյուս աշխատությունները, առանձնանում է իր այժմեականությամբ:

Այստեղ հեղինակն իր գրելու և դաստիարակելու ուրույնությունը անդրադառնում է հայ ժողովրդին սպառնացող ներքին և արտաքին վտանգներին ու խնդիրներին, ինչպես նաև դրանց լուծման ուղիներին ու միջոցներին:

«Յիշիր պատերազմը» հոդվածաշարը գրքույկով հրատարակում է առաջին անգամ. այն դուրս է մնացել ցայսօր հրատարակված Նժդեհի երկերի ժողովածումերից: Միաժամանակ նշենք, որ այս աշխատության որոշ հատվածներ տեղ են գտել նաև Նժդեհի հրապարակած այլ գործերում, մասնավորապես «Յայ դասական արիությունը» հոդվածաշարում և «Յեղի ոգու շարժը» գրքույկում:

ԽՄԲ.

ՅԻՇԻՐ ՊԱՏԵՐԱԶՄԸ

*Իր ցեղի ձայնին չհնազանդելով
ժողովուրդը պատժում է մահուամբ:*

Տարիներէ ի վեր իմ մտածումը կը դառնայ մի հիմնական հարցի շուրջը. ճիշտ այնպէս, ինչպէս կալանաւորը անվերջ կը դառնայ այն սիւնի շուրջը, որին շղթայուած է ինքը:

Իմ «Բաց նամակներ հայ մտաւորականութեան» յօդուածաշարքը մի վճռական փորձ էր՝ հայ քաղաքական միտքը ներգործօն կերպով զբաղեցնելու մեր ժողովոյի ֆիզիքական ինքնապաշտպանութեան խնդրով: Իսկ «Որդիների պայքարը հայրերի դեմ» իմ գիրքը մի անհանգստացուցիչ աղաղակ էր հայութեան վտանգուած ապագայի մասին:

Այդ երկու աշխատութեանց մէջ ցանցնուած մտածումներս կարելի պիտի լիներ բիւրեղացնել հետեւեալ հատուածի մէջ.-

«Չնայած որ հարեւաններէդ մահուան ես դատապարտուած, հայ ժողովուրդ, բայց եւ այնպէս մահուան դատավճռից խուսափելու բազում ճամբաններ ունիս»:

Ահա այդ մահէն խուսափելու միջոցներէն մէկը հայութեան ցոյց տալու համար է, որ ձեռնարկում եմ այս նոր աշխատութեանը՝ «Յիշիր պատերազմը»:

I ԿԱՅ ՄԱՐԴԸ՝ ԿԱՅ ՊԱՏԵՐԱԶՄԸ

Մարդն ու պատերազմը միաժամանակ են յայտնուել մեր երկրագնդի վրայ: Այսպէս է վկայում մարդկային ցեղի պատմութիւնը, որը չունի մի հատիկ էջ, որ գրուած չլիներ արիւնով:

Մարդը աշխարհ է եկել սեղմուած բռունցքով, որ իր առաջին գէնքն է եղել՝ միշտ պատրաստ յարձակուելու, հարուածելու, ոչնչացնելու այն ամէնը, ինչ որ սպառնացել է իր գոյութեան:

Նա իր թշնամին է համարել այն բոլոր ոյժերը, որոնց գոյութեան փաստը այս կամ այն ձեւով ու չափով փորձել է սահման դնել իր տարամերժ «ազատութեան»: Եւ եթէ մի օր միանալով իր նմաններին, մղուել է վարելու ցեղային՝ եւ ապա դարեր յետոյ պետական կեանք, դա եղել է ոչ թէ գոյութեան պայքարին վերջ տալու ցանկութեամբ, այլ այդ վերջինը աւելի հեշտ եւ արգասաւոր դարձնելու նպատակով:

Առաջին կազմակերպութիւնը, որին ծնունդ է տուել մարդը, եղել է զինուորականը. ինչպէս եւ առաջին արուեստը, որ նշակել է նա, եղել է ռազմարուեստը:

Բնագդական մարտիկ էր մարդը, երբ մենակեաց էր՝ դէմ յանդիման բնութեան ոյժերին: Սոյնն է մնացել եւ այսօր, որպէս անդամ հասարակութեան ու պետութեան:

Մարդը պատերազմ է վարել իր բարեշրջութեան բոլոր աստիճանների վրայ: Մշտական կրուի մէջ էր, որ նա ստիպուած էր ապահովել իր սնունդը: Այլ բան չէր նրա թափառիկ, վաչկատուն կեանքը: Մի օր էլ, երբ իր նստակեցութեան հետ ծնունդ առաւ սեփական հողի գաղափարը՝ պատերազմը բորբոքուիլ սկսաւ եւ հայրենիքների շուրջը:

Այսպէս, արիւնն է գծել եւ դեռ արիւնն է գծուն մարդկային ցեղի ուղին: ճիշդ է, ժամանակի ընթացքում, բնաշրջման ճամբով փոխուած են միջցեղային պայքարի գէնքերն ու ձեւերը, բայց դրա էութիւնը մնացել է նոյնը:

Մարդկային ցեղի գոյութեան ձիգ տարածութեան վրայ չի եղել մի ժամանակաշրջան, որ նրա մեջ գազանն աւելի ուժեղ չլիներ, քան` նարդը: Քաղաքակոթութիւնը սպանելու փոխարէն միայն թշնամացրել է գազանը մարդու մէջ: Նա երկարէ սանձեր է դրել մարդու անասնական հակումներին՝ դարձնելով աւելի զուսա, բայց ոչ այլասէր:

Մեր պատմութեան ծանօթ Ալանները կը պաշտէին մերկ սուրը՝ թաղուած գետնի մէջ՝ ճշմարիտ անձնաւորումը իրենց վայրագութեան:

Էապէս փոխուած չէ ռազմական պաշտամունքի առարկան եւ այսօր: «Անյայտ զինուորի» գերեզմանն այլ բան չէ, եթէ ոչ սրի պաշտամունքը, անշուշտ, աւելի գեղարուեստական ձեւի տակ:

Թշնամու գանկերը կը կազմէին տօնօրեայ զարդն ալանների: Այսօր ջախջախուած թշնամուց խլուած թնդանօթները, դրօշակները և այլ ձևի աւարներն են զարդարում յաղթականի թանգարանները:

Յին ժամանակ, որպէս արիանալու միջոց կը պատռէին կրուում ընկած առաջնորդի կուրծքը եւ երկիւղածօրէն կը վայելէին նրա սիրտը: Եւ որեւէ հերոսի սիրտն ուտողը կը համարուէր անպարտելի: Արիութեան եւ ռազմական խանդավառութեան աղբիւրների կարիք ունի եւ այսօրուայ մարդկութիւնը, որն իր հերոսների սիրտը ուտելու փոխարէն դաստիարակչական ճիգեր չէ խնայում՝ նրանց մարտական ոգին տեղափոխելու նոր սերունդների սրտի մէջ:

Միկադոյի հայրենիքում¹ ամէն տարի, երբ խորհրդանշական բալենին փթթել է սկսում, ճապոնական հայրենապաշտ ժողովուրդը իր հանդիսաւոր ուխտագնացութիւններն է սկսում դէպի իր անմահների՝ իր փառքի եւ մեծութեան ճամբին իրենց արիւնը թափած ռազմիկների գերեզմանները, եւ նրանց ամենամեայ ոգեկոչումով իր մարտնչող սերունդների հոգու մէջ հրահրում է պաշտամունքը հայրենի երկրի: Ահա՝ թէ ո՞ւր է գաղտնիքն այն հրաշագործ ոյժի, որ ռազմադաշտերում քաջաբար ընկնող ճապոն մարտիկների շրթունքներին դնում է ժպիտ եւ աստուածային արհամարհանք դէպի մահը:

Օրուայ մարդկութեան պաշտած սուրը մերկ չէ Եւ թաղուած չէ գետնի մէջ, ոչ էլ հրապարակի վրայ է: Նա թաղուած է ժողովուրդների հոգու մէջ:

Կայ ամենակուլ Եսականութիւնը, ատելութիւնը, նախանձը, կայ Եւ այդ չար ոյժերի տարերային պոռթկումը ինչպէս անհատների, այնպէս էլ ազգերի Եւ ցեղերի միջև:

Չկայ մի ժողովուրդ, բացի հայութիւնից, որի հանճարն այսօր չծառայէր աւելի պատերազմի քան խաղաղութեան գործին, որի մի ձեռքը եթէ քրտնում է խաղաղ շինարարութեան մէջ, միւս ձեռքը գէնք է կռում թշնամու համար, որը հակառակ նիւթական զինաթափութեան մասին այնքան յաճախ լսուող խօսքերին, շարունակում է զինուիլ միշտ աւելի կատարելագործուած գէնքերով:

Կայ, վերացած չէ երբեք արտաքին վտանգը Եւ ժողովուրդները տենդօրէն կը պատրաստուին՝ վաղը յաղթական կամ նուազ պարտուած դուրս գալու համար ճակատագրական բախումներից:

II ՉԽՐԱՏՈՒՈՂ ԺՈՂՈՎՈՒՐԴԸ

«Ոչ երիվարիս զրահ հագուցի,
ոչ էլ մարտիկներ սպառազինեցի,
որ կարենայի ծակատ յարդարել»:

Նարեկացի

Սողոնն իմաստունը, ըստ Թալմուդի, մի մատանի կը կրէր, որի վրայ փորագրուած էր Եհովայի անունը: Եւ ամէն մարդ, դէպի որը նա կը դարձնէր մատանու խորագրութիւնը՝ կը հարկադրուէր ասելու այն ամէնը, ինչ որ կը մտածէր այդ վայրկեանին:

Նման մի կախարդական մատանի ունի եւ պատերազմի գիշտիչ աստուածը, որով նա հարկադրում է պատերազմի բռնուած ժողովուրդներին ցուցահանելու իրենց հոգու լուսաւոր թէ ստուերային բոլոր կողմերը, իրենց ողջ էութիւնը իր բացարձակ մերկութեանք:

Այո՛, ճիշդ է ասուած, թէ ծշմարտութեամ օրեր են պատերազմի օրերը, երբ ժողովուրդները մատնում են իրենց ինչ եւ ինչպիսին լինելը, երբ անհատին ու հաւաքանութեան չէ յաջողուում կեղծել:

Պատերազմը՝ քննութիւնն է, դատաստանը ազգերի, երբ քննիչի եւ դատաւորի անաշառանքը անկարելի է դարձնում խարեւութիւնն ու կաշառքը: Չբաւարարեցի՞ր քննիչիդ՝ կորած ես. չկարողացա՞ր պաշտպանուել այդ անողոքելի դատաւորի առջեւ՝ դատապարտուած ես:

ճակատամարտ չէ շահուում յաջող ռազմարուեստով միայն, ոչ էլ զինուորի անձնուիրութեամբ եւ ռազմավարի հանճարով միայն, չնայած որ այդ ազդակները կռւում կատարում են վճռական դեր:

Արդիական պատերազմը, որն այլեւս կոպիտ ոյժերի բախում չէ, պահանջում է ժողովուրդների բովանդակ նիւթա-բարոյական մշակոյթը, ինչպէս եւ նրանց մշտական ու չնւազող սպասարկութիւնը: Նա պահանջում է, որ մարտնչող ժողովրդի բովանդակ ոյժերը լինեն խստօրէն ներդաշնակուած եւ առանց մնացորդի

դրուած ի սպաս բանակին: **Կազմակերպչական ոգին** է միաւորող ու ներդաշնակող այդ կարողութիւնը, որն աճեցնելով ու տնտեսելով ժողովուրդների ոյժերը, հանդիսանում է որպէս ամենավճռական ազդակը յաղթանակի:

Այդ հրաշագործ ոգու շնորհիւ միայն Յօնմը ժամանակին հասաւ իր հզօրութեան ու փառքի գագաթնակէտին: Կազմակերպչական տաղանդին կատարելապէս տիրապետել են այն բոլոր ազգերը, որոնք յաջողել են պատմութեան մէջ անջնջելի հետքեր թողնել:

* * *

Յայերս, ինչպէս եւ երեկուայ մեր բոլոր բախտակից ժողովուրդները ունինք ապստամբասէր հոգեբանութիւն՝ արգասիքը մեր հայդուկային ազատագրական շարժումների: Մեր հայրենասիրութիւնը տարիներով իր հոգեւոր սնունդն առած է մեր նորագոյն ապստամբական պատմութիւնից: Վիպապաշտական է եւ մեր ազատասիրութիւնը:

Երեկ, մեր քաղաքական զարթօնքի արշալոյսին դա հասկանալի էր եւ ներելի, իսկ այսօր դա չունի արդարացում: Դա վտանգաւոր է մասամբ: Լաւերի հետ դա ունի եւ իր վատ կողմերը: Դա պէտք է սրբագրուի, լրացուի եւ ազնուանայ: Վիպապաշտ հայրուկի ազատասիրութիւնը պէտք է դառնայ զինուորի եւ քաղաքացու զգաստ ազատասիրութիւն, գերծ անիշխանական գունաւորումից՝ ստեղծագործ, խոհուն, կարգապահ:

Կարգապահութիւնը ոչ ժխտում, ոչ էլ սահմանափակում է անհատի ազատութիւնը, ինչպէս հասկացել է հայը: Դա կանոնաւորիչն է ծշնարիտ ազատութեան: **Առաւելագոյն ազատութիւնը, ինչպէս եւ հասարակական մօստաւոր արդարութիւնը, հնարաւոր է առաւելագոյն կարգապահութեամբ միայն:**

Յասարակութեան ամեն մի անդամ յարաբերօրէն եւ տէր եւ ծառայ է միաժամանակ, որին պետութիւնը – որպէս այդպիսին – ոչ թէ դիմագրկում է, այլ լրացնում: Այդ տեսակէտից չափազանց ուսանելի է գերման ժողովոյի պատմութիւնը: Գիտենք, որ նախարարկեան գերմանը ամենաշեշտուած ներկայացուցիչն էր անհատապաշտութեան: Սակայն, տունն ու դպրոցը, գործարանն ու զօրանոցը տարիների ճիգերով վերադաստի-

արակեցին գերման ժողովուրդը՝ կարգի ու կարգապահութեան զգացումը դարձնելով գրեթէ բնազդ նրա մէջ:

Թո՛ղ չի խարի նեզ համաշխարհային պատերազմի ծանօթ վախճանը: Յաղթանակը տարուեց հաւաքական ծիգերով, եւ անարդար կը լինէր պնդել, թէ չափուող ժողովուրդներից ամենա-կենսունակը գերմանը չէ: Չի կարելի պարտութիւն բառով որակել գրեթէ ամբողջ աշխարհի դէմ ճակատ յարդարած ժողովրդի անյաջողութիւնը:

* * *

Հայութեան հաւաքական գոյութեան օրուայ ամենամեծ չարիքը թրքական վտանգն է երկրի մէջ, աստիճանական ապազգայնացումը՝ արտասահմանի մէջ:

Կայ Մեծ Զարիքը, որ ճակատ է յարդարել հայութեան դէմ, եւ որ մահուամբ կը սպառնայ մեզ: Չկայ, սակայն, իր ամբողջութեան մէջ կազմակերպուած, յաղթաշունչ, չարիքը դիմագրաւելու պատրաստ եւ կարող հայութիւնը:

Մեր շուրջն ազգերը – մեծ թէ փոքր – տենդօրէն զինւում, պատրաստում են հաւանական վտանգի դէմ, առանց հարցնելու՝ ո՞վ է թշնամիս, ո՞ւր է թշնամիս: Զրահներ է, որ փոխում են նրանք, առանց մի օր իսկ անգէն մնալու: Իսկ մե՞նք: Սօսալուտ վտանգի հանդէա մենք միայն անզօր ճիշեր ենք արձակում, - ճիշը սարսափի ու շուրջումի մատնուած անզօր զոհի եւ ոչ թէ ահազանգը կռուի պատրաստ ռազմիկի:

Թմբկահարել գալիք վտանգի մասին եւ ոչինչ չանել ժամանակին այն չեզոքացնելու կամ կասեցնելու եւ կամ նրա հարուածը մեղմելու համար, կը մնայ ամենահայկականը հայ յատկութիւններից:

«Կա՞յ այն ժողովրդին,- ասել է ժոմինին², - որը զինուորական գիտութեան վրայ նայում է որպէս մի աւելորդ բեռի եւ որը չէ ընթանում նրա կարեւորութիւնը: Այսպիսի ժողովուրդը պիտի հարկադրուի ուսումնասիրել այդ գիտութիւնը, եթէ միայն այլեւս ուշ չկայ»:

Այո՛, հայութիւնը ճակատագրօրէն պիտի հարկադրուի յիշելու պատերազմի գործին ծառայող գիտութիւնների մասին, հենց որ հնչէ ինքնապաշտպանութեան չարաշուք ժամը:

Ին կարծիքով, երեք են այն ուժերը, որ հայութիւնը պէտք է լծի իր ինքնապաշտպանութեան ու բախտի կառքին՝ յետ այսու, որպէս ազգ, ապրել կարողանալու համար: Այդ փրկարար ուժերն են՝ ռազմարուեստ, ցեղային ինքնածանաչութիւն եւ ցեղային բարոյական:

III
ՈԱԶՄԱՐՈՒԵՍ
(ՅԱԿԱՏԱՄԱՐՏԻ ՀՈԳԵԲԱՆԱԿԱՆ ԿՈՂՄԸ)

Մեր օրերում այլեւս ոչ ոք է ժխտում պատերազմի հոգեբանական կողմը, ինչպես եւ ոչ ոք է ընդունում, թէ զինուորը աւելի չէ քան մի կենդանի մեքենայ:

Նուաճումների մասին երազող սպան պիտի սովորի նախ նուաճել իր զինուորների սիրտը, իսկ այդ բարոյական յաղթանակի համար՝ նա ընդունակ պիտի լինի, տարրական ռազմարուեստ ուսուցանելուց զատ, դեկավարել գիտնալ նաեւ նրանց ներքին, հոգեկան կեանքը:

Չկայ աւելի սխալ, բարբարոս եւ բարոյազուրկ կարծիք քան այն, թէ պատիժներով կարելի է ուղղել մարդը. ինչպես աւելի միամիտ կարծիք քան այն, թէ ձեւական օրենքի ուժով կարելի է ստիպել զինուորին նետուելու նահուան գիրկը:

Անհատն ուզում է գիտենալ, թէ ինչո՞ւ է մեռնում, թէ ինչո՞ւ պիտի զոհաբերի իր կեանքը: Դա մեռնողի սրբազն իրաւունքն է, որ պետք է յարգուի իր դեկավարների կողմից:

Զօրքը, որպէս ազգամիջեան պայքարի գործիք, հոգի ունեցող հաւաքական մարմին է եւ ոչ մեռեալ մեքենայ:

Սպայ եւ զինուոր պետք է լրացնեն զիրայ, նրանցից ամէն մէկը կատարում է ազգային ընդհանուր պարտականութեան իր բաժինը:

Յրամայել ու հնազանդուել՝ երկու համարժեք երեւոյթներ են, հաւասարապէս անհրաժեշտ բանակի գործառնութեանց համար:

Մէկը հրամայում է, զոհաբերութիւն պահանջում մի գերագոյն հեղինակութեան անունով, միւսը հնազանդում է յանուն այդ միեւնոյն հեղինակութեան:

Այսպէս անձնական չէ պետի իշխանութիւնը, ինչպես եւ զինուորի հնազանդութիւնը:

Ասել է՝ կայ մի երրորդը, որի անունով մէկը հրամայում է, միւսը ենթարկում:

Ցեղն է այդ երրորդը, որի համար զինուորն ու զօրավարը՝ եթէ հաւասար ուժեր չեն, ապահովաբար արժեքներ են, երբ կը զոհաբերուին:

Զինուորը, որն երեկ գրեթէ ծառայ էր, այլեւս պէտք է համարուի սպայի ինքնազիտակից աշխատակիցը:

Նուիրապետական ստորադրելիութիւն ասելով այլեւս պէտք է հասկանալ աշխատակցութիւն եւ ոչ ծառայականութիւն:

Սիա՞ թէ ո՞ւր է զինուորական ծառայութեան վեհութիւնը:

Ռազմական Դաստիարակութիւն

Ոչինչ արժեն օհւեղէն ամրութիւնները մի երկրի համար, եթէ նրա որդիների սրտերը բարոյական բերդեր չեն:

Եականը ժողովուրդների քանակը չէ, այլ նրանց որակը, նրանց ոգին:

Խօսքերիս վկայ՝ մեր անմահ Վարդանակերտը, ուր մի բուռ հայերի անպարտելի արիութիւնը սրբեց թշնամու հազարեակները եւ թափեց Երասխը: Վկայ՝ Մարաթոնը, ուր հազարի չափ յոյներ ծառացան պարսից բանակների դէմ եւ յաղթանակեցին. Վկայ՝ Ֆրիդրիխ Մեծի³ վարած ճակատամարտը Լաուտէնի մօտ, ուր թուապէս հինգ անգամ նազ ոյժերով նա ոչնչացրեց աւստրիական բանակը: Յապա լեհական մանգաղաւորնե՞րը, որոնք յաճախ անգէն բազուկներով լռութեան կը դատապարտէն ռուսական հրետանին: Յապա Պիոն-Կոպի դէ՞պը, ուր բուրերը եօրնիցս նուազ ոյժերով յարձակուեցին անգլիական մի զօրամասի վրայ եւ ոչնչացրին այն:

Բայց ինչո՞ւ շարունակել ծաղկաքաղը հերոսական օրինակների: Աճապարենք հարցնել, թէ ինչո՞ւմն է մէկը՝ եօրին, հարիւրը հազարին յաղթելու գաղտնիքը:

- Դա պէտք է փնտռել յաղթականի ռազմական, անձնուելը ոգու մէջ:

Յաղթութիւնը ժպտում է ռազմիկին, որ գիտէ աներկիւդ աչքի գալ մահուան հետ:

Յաղթութիւնը ժպտում է նրան, ով գիտէ ժպտադէմ մեռնելու աստուածային գաղտնիքը:

* * *

Ամէն մի առաջնորդ այնքան է պահանջում իր զինուորներից, որքանի ընդունակ է ինքը: Միայն այնքան անվեհութիւն եւ

անձնագործութիւն, որքանի ընդունակ է ինքը, եւ ոչ աւելին: Եւ ուր վերջանում է լաւ առաջնորդը, այնտեղ սկսում է վաստ զինուորը:

Իր կաշուի համար դողացող անարին մահուան երեսին ծիծաղող արի զինուոր չի ունենայ:

Ինչպէս կարելի է ապրել, երբ հայրենիքոյ եւ վայրկեանը իրանայում են մեռնել:

Ինչպէս կարելի է անձնապէս վայելել այն կեանքը, որը զլացար զոհաբերել աստուածներիդ՝ հայրենիքիդ եւ ազգիդ: Փոքրոգուրեան չափ յիմարութիւն չէ՝ փախցնել երջանիկ առիթը, երբ կարող էիր օրերի կեանքիդ զոհաբերութեամբ անձահութիւն ծեռք բերել: Դժբախտութիւն չէ՝ չհասկանալ, թէ մի օր ոչնչի համար մեռնելուց գերզնտրելին մի քանի համար մեռնելն է: Անմտութիւն չէ՝ կարծել, որ եթէ չընկար կռւուն, մի օր, մի ժամ, գուցէ եւ մի վայրկեան յետոյ չես մեռնի կռուից դուրս «խաղաղ պայմաններում»:

Գիտցի՞ր մեռնել, երբ կարիք կայ, երբ պէտք է մեռնել: Եղի՞ր տէրը կեանքիդ, որը չգիտես տարինե՞ր թէ վայրկեաններ պիտի տեւէ:

«Լաւ է մեռնել՝ ապրելու, քան թէ ապրել մեռնելու համար»:

Յայ սպայ, սրիդ վրայ գրիր իմ այդ խօսքը, որ նրա ոգով դաստիարակես զինակիցներիդ, քանզի միայն հայրենապաշտ եւ արիացուցիչ դաստիարակութիւնն է, որ ոյժ պիտի տայ քեզ եւ զինուորիդ՝ ուրախ լինելու եւ մահուան հանդեպ, յաղթելու եւ մահը:

Արուեստից Արուեստը

Կայ արուեստից արուեստը, որին անծանօթ զօրավարը միայն դիպուածով կարող է դափնիներ շահիլ: Մարդկային սիրտը ճանաչելու եւ այն վարելու արուեստն է դա:

Զուտ հոգեբանորէն վերցրած ծակատամարտն այլ քան չէ, եթէ ոչ ինքնամարտ: Յրամանատարը ինքնաղեկավարութեամբ է ղեկավարում իր զօրամասը: Ղեկավարելով ինքն իրեն, իր ներքին հոգեկան աշխարհը՝ նա ղեկավարում է եւ իր զօրամասը: Պայթեց առաջին գնդակը՝ իրական վտանգի թագաւորութիւնը թեւակոխելու առաջին վայրկեանից մինչեւ ռազմագործողութիւնների

դադարը, մինչեւ հաշտութեան կնքումը՝ ղեկավարն ունի մի հատիկ անելիք - արի եւ խանդավառ վիճակի մէջ պահել իր զօրամասերի հաւաքական սիրտը:

Առաջնորդը կենդանի խորհրդանշանն է յաղթանակի եւ պարտութեան, փառքի եւ անփառունակութեան, աղբիւրը խանդավառութեան, հոգեբանական գինովութեան, ինչպէս եւ յուսաքրումի:

Թերթեցեք անուանի ռազմավարների կեանքի եւ գործերի գիրք եւ պիտի համոզուէք, որ այն բոլորը, որոնք պատերազմի վարպետ անունը եւ արնոտ հետքեր են բողել պատմութեան մէջ՝ եղել են հանճարեղ հոգեբաններ:

Յաղթելու գաղտնիքը

Մա՛րդը, նրա ստեղծագործ միտքը, նրա կամքը, նրա ոգին է դէպի իրեն թեքում յաղթութեան նժարը:

Նիւթական, գէնք, ամրութիւն, յաջող դիրքեր միայն այնքան արժէք ունին, որքան միտք, կամք, ցանկութիւն է դնում մարդը նրանց գործածութեան մէջ:

Մա՛րդն է իր յաղթութիւնների եւ պարտութիւնների պատճառը: Եւ յաղթում է նա, որն արդէն յաղթել է իր կենդանական բնագոր, իր եսը, իր վախը, երբ արդէն յաղթել է իմքն իրեմ:

Պարտում է նա, որ արդէն պարտած է ինքն իրենից, իր վախից, իր բնագրից, իր եսից:

Վախն է իրական թշնամին:

Դա աներեւոյք թշնամին է, երրորդ ոյժը կրուաղաշտում:

Պատերազմող երկու կողմերը եապէս կրում են երրորդի դէմ, իսկ այդ երրորդը՝ երկուսի էլ դէմ: Թշնամի կողմերը եապէս ճգնում են պարտութեան մատնել իրենց սեփական վախը, իրենց սրտի մէջ նստած յամառ թշնամուն:

Զարդելով, խորտակելով իրար, նրանք, միաժամանակ, զինաթափում, գերում են իրենց սեփական վախը: Եւ ապահովաբ յաղթում է նա, որն աւելի շուտ է իմքնայալթութիւն ստանում, որն աւելի առաջ է յաղթում իր վախը, իր սարսափը, կեանքին կառչած իր կենդանական բնագոր:

Վախը, դա ինքը, մարդ-կենդանին է, որը սիրում է կեանքը եւ ապրելու կոյր ցանկութիւնից մղուած դիմագրաւում է իրեն

սպառնացող ամէն մի վտանգ: Եւ որքան կոյր, այնքան ուժեղ է դա, որ պարտութեան է մատնում բազում ուժեր, յաղթում, սակայն, մի հատիկ ոյժից:

Մի քան աւելի քան կեանքը, կեանքից աւելի ուժեղ, աւելի խանդավառուն սիրելն է այդ միակ ոյժը:

Մահն արհամարհել կարողանալն է այդ ամենայաղթող ոյժը, որի առաջ լայնօրէն բացւում են ոսկէ դրները յաջողութեան տաճարի:

Իսկ, այդ «աւելի քան կեանքը» մէկի համար եղել է, միւսի համար է, երրորդի համար շարունակում է մնալ հայրենի երկիրը, ժողովուրդը, ազատութիւնը, փառքը, ծշմարտութիւնը եւ այլն:

Ասել է՝ մեր զօրքին մահն արհամարհելու մղելուց առաջ պէտք է կարողանաք նրա պաշտամունքի առարկան դարձնել անձնական կեանքից աւելի քաղցրը, աւելի արժեքաւորը, աւելի ցանկալին: Պէտք է կարողանաք մեզ հետեւողներին ներշնչել այն վսեմ համոզումը, թէ մեր կեանքն եւ անմահութիւնը՝ մեր հայրենիքն է, ժողովուրդը, մեր գէնքի փառքը:

Կարողացա՞ք անել այդ, կարողացա՞ք գեղեցկացնել, քաղցրացնել, ցանկալի դարձնել մահը, կարողացա՞ք ժխտել մահը, ձեր զինուորների համար՝ եղէք վստահ, նրանք զարմանք ու հիացում պատճառող խոյանքներով կ'ապահովեն ձեր գէնքի յաջողութիւնը: Զկարողացա՞ք՝ միամտութիւն մի՛ ունենաք յաղթանակի յոյսով պատերազմ ու ճակատամարտեր վարելու:

Զկարողացա՞ք – պատրաստուէք լիուվի զգալու պարտութեան դառնութիւններն ու նուաստացումները, պատրաստուէք՝ նուաստ եւ խոնարի դիմաւորելու յաղթական թշնամուն, որն ազատ է յարգելու փոխարէն եւ թքելու ձեր մատուցած աղ ու հացի վրայ:

Յաղթանակի իրաւունքն է՝ պարտած հակառակորդին իր ոտներուն պատուանդան դարձնել:

Վախի ազդեցութիւնը

Քանի դեռ մարդ արարածը անզօր զոհն է վախի՝ կեղծ են եւ կրօնը, եւ գիտութիւնը, եւ դաստիարակութիւնը: Զկայ հրէշ, աւելի անողոք եւ անողորմ քան վախը՝ կոյր անասունների,- բնազ-

դական՝ վայրենիների եւ գիտակցական մարդու մէջ. մի հրէշ, որը կռուադաշտում իրեն ապահնողներին յանձնում է թշնամու եւ մահուան ձեռքը:

Վախը վտանգ է տեսնում այնտեղ, ուր չկայ:

Չկայ աւելի վատ եւ ստոր խորհրդական քան վախը, որ սպանում է իրեն ենթարկուողներին երբեմն ֆիզիքապէս, բայց միշտ էլ բարոյապէս:

Վախը, որ առաջացնում է խաւարը, մենակութիւնը, անորոշութիւնը, չարագուշակ լուրթիւնը, ծայրայեղ յոգնածութիւնը, քաղցը, տկարութիւնը, արնահոս վերքը, սպանուածի դիակը եւայլն,- հարուածում է մեզ միաժամանակ եւ ֆիզիքապէս, եւ մտաւորապէս, եւ բարոյապէս: Վախը սպանում է մեր խիղճը, մոռացնել տալիս մեր պարտականութիւնները, ուժեղացնելով անասունը մեր մէջ:

Կայ վախը՝ չկայ այլեւս կամաւոր ուշադրութիւն, անսխալ նշանառութիւն, հակառակորդի տկարութիւնից եւ ռազմավարական սայթաքումներից օգտուելու կարողութիւն: Կա՞յ վախը՝ այլեւս գինուորի ուշադրութիւնը հաւասար չափով բաժանուած չէ իր պետի եւ հակառակորդի միջեւ, այլեւս նա անկարող է դառնուն տալ աչքը թշնամուն, ականջը՝ պետին:

Փախուստի գաղափարը

Կռուի բախտը վճռում են վայրկեանները, եւ իմաստուն ռազմավարները գործում են վայրկեաններով եւ ոչ ժամերով:

Որսացի՞ր վայրկեանը՝ տօնի՞ր յաղթանակդ:

Փախցրի՞ր վայրկեանը՝ չկայ յաջողութիւն:

Լինում են վայրկեաններ կռուի ժամանակ, երբ ամբողջ զօրանասեր առանց լուրջ պատճառի փախչում են, թողած իրենց դիրքերը:

Ի՞նչ է, ի՞նչ կայ, ինչո՞ւ են փախչում, արդեօք անկարելի՞ է մնալ միեւնոյն դիրքերում: - Ո՞չ:

Թշնամի՞ն է երեւացել նահանջողների թիկունքում: - Ո՞չ:

Անյաղթելի՞ է թշնամին: - Ո՞չ:

Հապա ինչո՞ւ է ձեր զօրանասը լքել իր դիրքերը:

- Զգիտեմ,- նման դեպքում պատասխանում է տգետ սպան կամ էլ զայրացած հայիոյում - «Զինուորներ չեն, այլ վախկոտ ոչխարներ»¹:

Սակայն, առանց պատճառի չեր զինուորների անսպասելի փախուստը եւ սպային զինուորներ էին տրուած դեկավարելու եւ ոչ ոչխարներ: Ամբողջ դժբախտութիւնը նրանումն է, որ դեկավարը չգիտէ, որ անսպասելի եւ անգիտակցական փախուստը հոգեբանական մի պարզ երեւոյթն է, որի համար զինուորը չէ մեղաւոր, այլ իր պետքը:

Անգիտակցական փախուստի պատճառը յաճախ լինում է տեսողական պատրանքը կամ փախուստի գաղափարը, առաջ եկած թշնամու կրակի յանկարծական ուժեղացումից: Այսպիսի դեպքում զինուորը անգիտակցարք պատկերացումից անցնում է գործողութեամ: Այսպիսի դեպքում փախուստի ձգտումը, մի կամ մի քանի զինուորների կողմից, ընդունում է իսկական փախուստի ձեւը եւ նրանց ոտքի հանում: Մնացածները ենթարկում են փախչողների օրինակին, նրանց նախաձեռնութեան ոգու ազդեցութեան:

Ոչ մի տեղ անձնական օրինակը այնքան վարակիչ չէ, որքան կրուադաշտում: Յոգեբանօրէն իրեն մինակ չզգալու համար, զինուորը ենթարկում է այն բոլորին, որոնք իրենից ուժեղ են թում, որոնք գիտեն խիզախել, յանդգնիլ, նախաձեռնել: Նա նետում է առաջ խիզախի հետ, անմտաբար յետ փախչում վախսկոտի հետ. Նա չէ կարող հոգեբանօրէն մինակ մնալ: Զգա՞ց իրեն մինակ - այլեւս զօրամասն այն չէ, ինչ որ էր ժամ, վայրկեան առաջ, երբ իրեն հետ, իր կողքին էր զգում իր ցեղի բովանդակ ոյժը: Նա պատրաստ է այլեւս փախչելու, այլեւս նա պատժուած է հոգեբանօրէն: Այսպիսին է զինուորը կրուում:

* * *

Չափազանց կարեւոր են առաջին տպաւորութիւնները: Ահա՝ թէ ինչու պէտք է ամէն կերպ ձգտիլ, որպէսզի զօրամասդ յաղթական հանդիսանայ առաջին իսկ բախումների ժամանակ:

¹ Մի՛ վիրաւորիր զինուորիդ, դաստիարակիչ միջոց չէ վիրաւորանքը (ծանոթագրությունը Նժդեհինն է - Խ. Ս.):

Ոգին տկարանում է՝ կրաւրական պաշտպանողականից, նահանջից, լուրից հարեւան օրոմասերի պարտութեան մասին, թիկունքից եկած տիսրապատուն նամակից, թերթերու եւ սուրհանդակի վատ տեղեկութիւններից, դեպի պետն ու ընկերն ունեցած անվատահութիւնից, անգործութիւնից, ընդունայն յոգնածութիւնից, վիրաւրների ու սպանուածների տեսքից, դասալիքներից, եւ անպարտաճանաչների անպատիժ մնալուց եւ այլն:

Վա՞յ այն ռազմավարին, որ ծանօթ չէ զինուորի հոգեկան կեանքի գաղտնի զսպանակներին, եւ վա՞յ այն բանակին, որի ղեկավարը չգիտէ, թէ զօրքը հոգեբանական տագնապներից գերծ պահելու միակ փրկարար միջոցը՝ անմիջական ղեկավարութիւնն է: Յրամանատարը պէտք է լինի միշտ զօրամասի կողքին եւ ազդէ, անդադրում ուժարձակ զինուորների վրայ:

Նկատուե՞ց տատանում զինուորների մէջ, վիատութիւն, փախուստի ձգտում, հրամանատարը անմիջապէս պէտք է երեւայ զինուորների մէջ, ծաղրէ թշնամու ծիգերը, համոզէ զինուորներին, թէ թշնամու կրակի սատկացումը, ինչպէս եւ նրա գոռ հուռօան հետեւանք են վախի:

Նման տագնապներից ազատ չէ եւ թշնամիդ, գիտցիր այդ եւ օգտուիր նրանցից: Ոչինչ այնքան հանգստացուցիչ, գոտեպնդիչ չէ կռուի ժամանակ, որքան ղեկավարի խրոխստ ձայնը:

* * *

Նա, որ ցանկութիւն եւ ժամանակ է ունեցել ուսումնասիրելու մեր վերջին տարիների ռազմական անյաջողութեանց պատճառները, անվերապահորէն կը խոստովանի, որ մեր բոլոր պարտութիւնների մէջ վճռական դեր են կատարել մեր տարերային գաղթերը:

Եւ հասկանալի է դա: Ոչ մի հիւանդութիւն այն աստիճանի տարափոխիկ չէ, որքան խուճապը: Այդ զարհութելի «հիւանդութիւն»-ն էլ իր վարակիչ մանրէն կը ստանայ վտանգից, վտանգուած վայրերից փախչող անհատից կամ զանգուածից:

Փախչելով կռուից, թշնամուց, վտանգից, զինուորը թէ ոչ-զինուորը, դառնում է վտանգաւոր միայն իրեն եւ իւրայինների համար: Նա, ակամայից, ամենամեծ ծառայութիւնն է մատուցում առաջացող թշնամուն: Նա անում է այն, ինչ որ չպիտի կարողանային կատարել թշնամու բանակները:

Երեւալով այս կամ այն վայրում, նա իր նկուն եւ խղճալի տեսքով, իր պարտուածի եւ զենընկեցի հոգեբանութեամբ ակամայից թշնամու հզօրութեան գովքն է անում, հարիւրապատկելով նրա ուժերը, թնդանօթները, միջոցները:

Նա ակամայից դառնում է թշնամու առաջամարտիկ զօրագունդը, նրա ամենաաննշան յաջողութիւնները ուղացնողն ու տարածողը:

Վտանգից փախչողն է դաւադրաբար թիկունքից իր զօրքերին առաջին հարուածը հասցնում: Նա է բարձրացնում սեփական կաշուի արժեքը եւ պսակագրկում սրբութիւններն ու իդեալները:

Զարհուրելի՝ է գաղքը:

Որքան մեծ, այնքան աղետալի է դա: Իսկ մեծանում է նա ժամերով, վայրկեաններով: Որպէս ծիւնագունդ՝ որքան թաւալում, որքան առաջանում, այնքան աճում է, մեծանում:

Գաղքը, գաղթականութիւնը՝ ահա՝ հայ զօրքի ներքին թշնամիներից մէկը:

«Վտա՞նգ կայ, մա՞հ կայ», - դաւաճանօրէն յիշեցնում է թշնամու հետ չափուող զօրքերին խուճապի նատնուած գաղթականութիւնը եւ ստիպում անգամ ամենախիզախներին ու անձնուէրներին ցնցուել, յետ նայել, ասել է՝ մտածել նահանջի մասին: Եւ կրուողների հոգիների մէջ սկսում է տագնապը: Նրանց համար, երբեմն կամաց-կամաց, երբեմն էլ նի վայրկեանի մէջ գունատում են, անարժեքանում, կորցնում իրենց լուսապսակն այն բոլոր իդեալները, որոնց պաշտամունքն իրենց թշնամու դէմ էր հանել:

Եւ այսպիսով իւրայիններից դաւադրուած ու պարտուած դժբախտ զօրքը, որն ուխտել էր տուն վերադառնալ կամ վահանով կամ վահանի վրայ, վերադառնում է սարսափով բռնուած գաղթականութեան հետ, վերադառնում է վահանը լքած՝ իր յետեւից դէպ իր երկրի խորքերը քարշ տալով, յաճախ թւապէս իրենից շատ թոյլ թշնամուն:

Ահա՝ թէ ինչո՞ւ խելօք թշնամին՝ ծանօթ բանակների հոգեկան կեանքի թագուն զսպանակներին, ամէն կերպ ճգնում է գաղքեր առաջացնել, գաղթականութիւն ստեղծել իր հակառակորդի անմիջական թիկունքուն:

Ահա՝ թէ ինչո՞ւ կռուի հոգեբանութեան ծանօթ հրամանատարութիւնը ո՛չ մի միջոցի առաջ չպիտի կանգ առնի՝ կռուի օրերին, կռուի վայրերում անհնարին դարձնելու գաղթ կոչուած չարիքը:

Վախի դէմ

Որպէս վահան վախի դէմ բանակները գործածել են եւ գործածում են մի շարք նիւթական եւ բարոյական միջոցներ:

Սպարտացիները, ասում է պատմութիւնը, կռուն կարմիր էին հազմում, որպէսզի չսարսափին արեան գոյնից: Յին Գաղղիացիք վախի դէմ կռուն էին ամենակոպիտ միջոցներով, նրանք կռուի առաջին գծի վրայ գտնուողներին իրար էին կապում երկարէ շղթաներով, որ նահանջելու մասին չմտածեն: Չինացիք վախի դէմ կռուն էին իրենց հռչակաւոր պատմէշով:

Մեւաստոպոլի պաշարման օրերին ֆրանսիացիք գրոհներից առաջ խնում էին հարբելու աստիճան: Նախավերջին պատրազմում գերմանացիք, իրենց զօրամասերը բարոյալքիչ տեսարաններից հեռու պահելու նպատակով, վիրաւորների տեղափոխութիւնը եւ մեռելների բաղումը կատարել էին տալիս տեղի ազգաբնակութեան:

Ամբոխը, ինչպէս եւ զօրքը, միշտ էլ կարօտ է խթանի: Նա կարիք ունի առաջնորդի, առաջնորդուելու: Նա սիրում է ուժեղին, սիրով ենթարկում է նրան, որի դեկավարութեան տակ քիչ անգամ է կարմրում, պարտում: Նա յաճախ յուսախաբում է, դաւաճանում, լքում տկար եւ անվճռական առաջնորդներին:

Կարող առաջնորդի անձնական օրինակը՝ անվեհերութեան եւ խիզախութեան օրինակը վայրկենաբար բոցավառում է զօրքը, ամբոխը եւ նրանց մղում մեծագործութիւնների: Իսկ երբ պակասում է կարող եւ արի առաջնորդը, վախը կենդանի դիակների է վերածում բանակը:

Քիչ են այն ռազմավարները, որոնք իրենց բանակներին խանդավառելու նպատակով օգտագործած չլինեն նրանց անանական ախորժակները:

«Ես ուզում են ծեզ առաջնորդել դէպ աշխարհի ամենաարգասաւոր դաշտերը, հարուստ նահանգներ, մեծ քաղաքներ կը

լինեն ձեր իշխանութեան տակ: Այնտեղ կը գտնէք պատիւ, փառք եւ հարստութիւն», - ասում էր Նապոլէոն իր զինուորներին:

«Պէտք է լինել լաւ անասուն, այն էլ լաւ անասուններից ցեղից, - դա առաջին պայմանն է յաջողութեան»:

Սպենսերի այդ խօսքերը եւս զուրկ չեն որոշ ճշմարտութիւնից: Ֆիզիքական դաստիարակութեամբ անհատը դաշնում է աւելի տուկուն, բայց չէ փրկուուն մահուան վախից:

Այդ բոլորը՝ ֆիզիքական դաստիարակութիւն, կողոպուտի տենչ, բարոյականութիւն, պատիժ, երկարէ կարգապահութիւն, վարձատրութիւն, կարող են, անշուշտ, թուլացնել, լրութեան մատնել մահուան վախը, բայց այդ բոլորը մեզ կարող են տալ միայն յարաբերական գերազանցութիւն եւ ոչ աւելին, ոչ այն ամենակարող ոյժը, որը ստուգապէս մեր սրտին եւ քմահաճոյքին է յանձնում թշնամու բանակները:

Ի՞նչն է սակայն, այդ ամենայաղթ ոյժը, որի առաջ տեղի է տալիս մահուան վախը, մահը:

Պատմութիւնը ցոյց է տալիս, որ անհատը որոշ դէպքերում ընդունակ է գերազանցելու իրեն, անգիտանալու վտանգը, յաղթելու մահը, երբ իր մէջ խօսում է մոլեռանդ սէրը դէպի կրօնը, դէպի հայրենիքը, դէպի ազատութիւնը, դէպի արդարութիւնը, դէպի աննահութիւն խոստացող փառքը:

Վախ եւ կատաղութիւն

Թշնամին, որ կը մարմնաւորէ վտանգը, իսկ այդ վերջինը՝ ցաւն ու մահը, մեր մէջ ոտքի է հանում ինքնապահպաննան բնազդը, որի երկու երեսներ են վախն ու բարկութիւնը:

Չկայ բարկութիւն, որ վախախառն չլինի, եւ ընդհակառակը: Եւ հէնց դրանից է, որ վտանգի ենթական բնազդական մղում է զգում՝ կամ նետուելու առաջ թշնամուն ոչնչացնելու համար, կամ յետ՝ խելայեղօրէն փախչելու նրա առջեւից:

Աւելի պարզ. ցաւի ու մահուան նախատեսութիւնից ազատուելու խելազար ցանկութիւնը տագնապի է մատնում զինուորը: Եւ որովհետեւ տագնապները չափազանց սպառիչ են՝ զինուորն աճապարուն է իր անհանգստութիւնն արտայայտելու

որոշ ելք գտնել, [ինչը] նայած դեկապարի արժեքին կարող է դրական կամ բացասական լինել:

Ահա նման տագնապներից է, որ հոգեբան պետերը գերծ պիտի պահեն իրենց օրամասերը:

Պատերազմում չի բաւում միայն քաջ լինել, պէտք է եւ կատաղի լինել: Պէտք է կարողանալ զարիուրանք ստեղծել ու ապրեցնել դա թշնամու բանակում: Կատարեալ մարտիկ չէ նա, որ կատաղութիւն չէ շնչում: Միայն մեր կատաղութիւնն է, որ հակառակորդի մէջ մեռցնում է յաղթանակի յոյսը: Որպէսզի մեր գրոհները լինին յաղթաբեր, պէտք է լինին սարսափեցուցիչ:

Դա պահանջուում է մասնաւորապէս Արեւելքում:

Նայիր դրօշակին

«Հասկանո՞ւմ ես կատարածդ», - կը հարցներ նաւապետը մէկին, որը նոր էր ընդունուած, որպէս նաւազ, եւ կայմի վրայ բարձրանալու փորձեր կը կատարէր:

Երիտասարդը արդէն կը մօտենար կայմի ամենաբարձր կէտին, երբ նայեց ներքեւ լեռնացող ալիքներին եւ գլխի պտոյտ զգաց:

«Նայիր դրօշակին, նաւազ», - ձայն տուեց նաւապետը՝ տեսնելով իր զինուորը վտանգի մէջ:

Տղան հնագանդուեց իր դեկապարի ձայնին եւ յաջողութեամբ հասաւ կայմի ծայրը:

Նոյնը յաճախ զինուորի հետ տեղի է ունենում կռուադաշտում, ուր ամէն ինչ խօսում է, վկայում ստոյգ վտանգի, ցաւի ու մահուան մասին:

ճակատագրական վայրկեանին զինուորը պէտք է լսէ իր պետի սրտապնդիչ ձայնը - «Զինուոր, նայիր վերեւ, դրօշակիդ»:

Դա ասել է՝ յիշիր նպատակը, որի համար հազարներ ու հազարներ քեզ հետ գէնք են վերցրած:

Դա ասել է՝ արիացի՛ր, քանզի քեզ հետ է ցեղի, որն ապրել ու լզում:

Դա ասել է՝ նայէ՛, վերեւն աչք կայ, որ տեսնում է քեզ, արթուն աչքը նախահայրիդ, որ կը հետեւի քո բոլոր շարժուձեւերին:

Նայի՛ր դրօշակին: Դա ասել է՝ մի մոռանար, որ սկսուած ճակատամարտի ելքից է կախուած հայրենիքի ճակատագիրը:

«Սրանով կը յաղթես»

Մէկից աւելի են այն միջոցները, որոնց կռուի ժամանակ կը դիմէ ղեկավարը՝ իր զօրքերի բարոյական թեւն ու թափը ամրացնելու համար: Զինուորն իր հոգեւոր հացն ումի.-վերյիշումներ նախկին յաղթութիւնների մասին, նրա երեւակայութիւնը յուզող վեհ պատկերներ, վառ ու կենդանի նկարագրութիւն նրա յաղթահարած դժուարութիւնների, բարեգուշակ նշաններ եւ այլն:

Ալեքսանդր Մեծի գուշակը,- ասում է Պլուտարքոսը, որ կը հետեւէր իր թագաւորին պատերազմների ժամանակ,- մի օր զօրքերի ուշադրութիւնը հրաւիրեց արծուի վրայ, որ կը սաւառնէր աշխարհակալի գլխի վերեւ եւ իր թրչքով կ'առաջնորդէր նրա զօրքերը: Այդ բարեգուշակ նշանը ոգեւորեց բոլորին եւ փաղանգը արագ վագքով՝ նման ծովի ալիքին, հետեւեց հեծելազօրքին, որ կը գրոհէր թշնամու դէմ:

Զինուորի հոգու շարժումներին ծանօթ աշխարհահռչակ զօրավարներից մի ուրիշը՝ Յաննիբալը, նոյն նպատակով կը շոյէր իր զօրքերի փառասիրութիւնը, ասելով նրանց՝ «Ես, որ եղել եմ ձեր բոլորի աշակերտը, ձեր պետը դառնալուց առաջ»:

Ահա՝ եւ զօրավարների զօրավարը՝ Աւարայրի Վարդանը.

«Արդ, աղաչեմ զծեզ, ո՞վ քաջ նիզակակիցք իմ. մանաւանդ զի բազումք ի ձենք լաւագոյնք էք քան զիս արիութեամբ, եւ զահուի վեր ըստ հայրենի պատույն, բայց յորժան ձերով կամօք եւ յօժարութեամբ առաջնորդ եւ զօրագլուխ ձեզ կացուցէք, հեշտ եւ բաղձալի թուեսցին բանք իմ ի լսելիս մեծամեծաց եւ ի փոքրունց»:

* * *

Հարուատ է Սիւնեաց աշխարհը իինաւուրց վանքերով ու բերդերով՝ կիսաւեր ու փլատակ սրբավայրեր, որոնք դարեր շարունակ թուրքի համար ախոռի եւ դարմանանոցի տեղ կը ծառայէին: Այս պարագան, որն իմ ուշադրութիւնը գրաւել էր

Սիւնիք մտածս հենց առաջին օրերից, ինձ հնարաւորութիւնընձեռեց իմ վարած ռազմագործողութիւններին տալ խաչակրաց արշաւանքի բնոյթ: Իմ զինուորը սրբազն դողով կը նայէր հեքեաթական Գեղուածորի դուռը փակող Բաղաբերդին, երբ նրա ճակատը կը խոնարհուէր եւ շրջունքները կը շօշափէին իր փլատակների մէջ այնքան վեհ բերդի քարերը: Իմ զինուորը չէր կարող այլեւս անտարբեր անցնել իր երկրի պատմական յիշատակների մօտով:

Եւ հենց այդ թուլութեան մէջ էր նրա անպարտելի ոյժը:

- Այս շրջանի թրջութիւնը եւ ուժեղ է եւ լաւ կրուող,- մեր յարձակումներից մէկի նախօրեակին ասաց ինձ իմ զինուորներից մէկը:

- Եթէ կասկածում ես մեր յաջողութեան մասին, կարող ես վերադառնալ տուն,- նկատեցի իրեն:

Խօսելու փոխարէն նա լաց եղաւ, պէտք էր սիրտն առնել:
Աւելացրի:

- Երեւի չգիտես, որ այդ շրջանում եւս կան հայկական եկեղեցիներ եւ բերդեր, որոնք հսկայ մագնիտների պէս մեզ պիտի քաշեն, տանին, եւ որոնց մէջ ես եւ դու պիտի աղօթենք վաղը:

- Ո՞վ կարող է,- դարձայ վաշտերիս, ուզելով խօսվել նրանց պետերի հոգին,- ո՞վ կարող է ձեզնից հանգիստ լինել, երբ դեռ որոշ թրջական շրջաններում հայկական սրբավայրեր կան:

- Ո՞չ ոք:

- Ուրեմն, գոհ լինինք ճակատագրից, որ մեզ է վիճակուած դարաւոր պղծանքից փրկելու Սիւնիքի սրբութիւնները:

- Գոհ ենք,- գոռացին վաշտերս:

- Ուրեմն, ուր հայկական սրբութիւններ՝ այնտեղ մենք, այնտեղ մեր սուրբ:

- Այո՛, այո...

Սկսուեցին կրիւները:

Եւ, այնուհետեւ թշնամու դիրքերի եւ քանակի մասին հարցնելու փոխարէն, Սիւնեցին կը հարցնէր հայկական եկեղեցիների եւ բերդերի մասին եւ առաջ կը խոյանար որպէս խաչակիր:

Յաղթակամ տրամադրութիւն

Յոգեկան ուրախ տրամադրութիւն՝ քրիստոնէական կրօնի հիմքերից մէկն է դա,- ասել է անգլիացի մի աստուածաբան:

Բանակների յաջողութեան նայրն է դա, յաղթութեան դայեակը,- աւելացնենք մենք:

Ես մի սպայ զիտեմ, որին իր սրամիտ զինուորներն անուանում էին «ուրբաթախօս»: Մի զոյգ ուսադիր, խթանները եւ սուրը,- ահա՛ այդ զինուորականը եւ իր բովանդակ արժեքը: Թթուած դէմքով, սակաւախօս եւ անհամբոյր այդ մարդը պաշտօնական էր անգամ իր սպասեակի հետ:

- Լռութիւն,- սա էր ամէնից յաճախ գործածած խօսքը:

Սարդկային հոգեբանութիւնից անտեղեակ այդ զինուորականը չգիտեր, թէ ծիծաղը, երգը, խաղը հոգեւոր կազդութիչներ էին զինուորների համար: Չգիտեր, որ բանակները յաղթում են եւ պարտում միշտ էլ կորիններից դուրս, բախումներից առաջ՝ նախ հոգեբանօրէն: Նա ծանօթ չէր այդ պարզ ճշմարտութեան եւ մինչեւ վերջն ալ անծանօթ մնաց յաղթութեան:

* * *

- Ի՞նչ է վշտի ֆիզիքական ազդեցութիւնը,- հարցնում է Բժ. ժակորին եւ պատասխանում.- Սոյնը, ինչ որ է գնդակից կամ սրից ստացուած վէրքինը: Վիշտը սպանում է նոյնքան ստոյգ, թէեւ դանդաղ կերպով, ինչպէս եւ հրացանը: Եւ աւելի մեծ է թիւը նրանց, որոնք վերջին դարի ընթացքում սպանուած են վշտից, քան նրանք, որ մեռած են կուադաշտում:

Լիկուրգոսի ինաստուն կարգադրութեամբ՝ սպարտական ճաշարաններում դրուած կը մնար ծիծաղի աստուածը:

Ուժեղ ծիծաղը,- ասում է Տալմանը, նման է ուժանակային փամփուշտի, որը պայթում է ճիշդ իր տեղը, իսկ սեւանաղձութիւնը, կը նմանի այն հրացանին, որը յետ է տալիս եւ գետին գլորում իրեն գործածողին:

Չեմ կարող չմտածել, թէ աշխարհն աւելի գեղեցիկ եւ երջանիկ պիտի լինի, եթէ մեր դաստիարակիչները մշակել կարողանան՝ պարտականութիւն դէպ ուրախութիւնը, եւ ուրախութիւն դէպի պարտականութիւնը,- ասում է Կարլէլ:

«Յոյց տուէք մեզ մի մարդ, որ երգում է աշխատելու ժամանակ: Դա աւելի գործ կը կատարի, աւելի լաւ կը կատարի եւ աւելի երկար կ'աշխատի: Նա, որ առաջանում է երաժշտութեան հնչիւնների տակ, յոգնածութիւն չի զգում: Ասում են, թէ աստղերը երաժշտութիւն են ստեղծում, երբ դառնում են իրենց մոլորակային ուղեգծի շուրջը,- շարունակում է Կարլէյլ:

Զօրամասիդ մէջ - աւելացնենք մենք - նայած իր տրամադրութեան, աճում կամ տկարանում է *հաւաքական սիրտը*: Առաջին դէպքում նա զգում է իրեն աւելի ուժեղ եւ յարձակողական: Երկրորդ դէպքում նա մտածում է միայն նահանջի մասին:

Թախիծն առաջացնում է անհանգստութիւն: Իսկ այդ վերջինը՝ հոգեկան անգորութիւն եւ վախ:

Ուրախութիւնն, ընդհակառակը, սնուցանում է մեր ոյժերը, ամրացնելով մեր թեւն ու թափը:

Չինուորը չի սիրում խոժոռադէմ դեկավարներին, որոնց հայեացը «թթուեցնում է կաթը»:

Արդ, թէ ինչու եմ ասում՝ *Եղի՛ր կենդամի արեւ*, քանզի յաղթական հանդիսանալու համար, զօրամասերդ պէտք ունին լոյսի, ջերմութեան եւ ուրախ տրամադրութեան»:

Չկայ աւելի գոտեանդիչ, արիական եւ գեղեցիկ շարժուձեւ, քան ծիծաղը ցրտի, սովի, յոգնածութեան ժամանակ, ծիծաղը թշնամու քրի տակ վտանգի դէպքում, մահուան երեսին:

Ես զինուորներ ունեի, որոնց մշտուրախ դէմքի պայծառութիւնը չէր կարող ծածկել եւ ոչ մի սեւ ամպ:

Չկայ, նոյնաէս, աւելի տխուր եւ բարոյալիչ պատկեր քան անժախտ, մռայլ, աներգ, քան հոգեպէս թթուած զօրամասը: Այդպիսին պարտում է դեռ կոռուպաշտ չհասած, գերւում իր վախից, դեռ գերի չընկած:

Որպէս մշտուրախ տրամադրութեան հետեւանք՝ իմ ժողովրդական զօրամասերում միշտ էլ կարելի էր լսել նման յատկանշական զրոյցներ.

- Ասում են թէ - պատմում է մէկը - այս անգամ թաթարները գալիս են աւելի մեծ ուժերով:

- Աւելի լաւ,- եւ աւելացնում է մի ուրիշը,- մենք էլ աւելի մեծ թրով գերիներ եւ գէնքեր կը վերցնենք:

- Ասում են թէ դէպի Սիւնիք շարժուող կարմիր բանակի մեծագոյն մասն այս անգամ կազմում է հեծելազօրքը:

- Ծան ուրախ ենք, վաղը բոլորս էլ կը դառնանք ծիաւոր,- պատասխանում էր մի ուրիշը:

- Վաս չեր լինի,- միջամտում է մի այլ զինուոր,- թէ եկողներն այս անգամ հետերն ունենային կենսանթերք եւ ռազմանթերքով բեռնաւորուած մի մեծ քարավան:

- Աստուած տայ, տղայք,- լսում էր հարիւրապետներից մեկի ձայնը:

- Աստուած ձայնդ լսի, պարո՞ն հարիւրապետ, եւ եկողների հետ մի սայլ էլ ծխախոտ ուղարկի մեզ,- աւելացնում է մի տարեց զինուոր:

- Չլինի թէ լուցկին մոռանան...

- Սիւնեցու ախորժակ է, հա. ուզում ենք, որ խեղճ թուրքը, թաքարը, բոլշեվիկը թէ գան մեռնելու եւ թէ մեզ նուերներ բերեն,- սրախօսում է մի ուրիշը եւ բորբոքում զօրամասի վարակիչ քրիջը...

Այս գրոյցից միայն երեք օր անց՝ Սիւնիքը կարմիր զօրավարներից Կուրոչկինի եւ տաճկ փաշաներից Զաւալի միջոցաւ ստացաւ մի քանի հարիւր ձիեր, մօտ երկու հազար գերի, թնդանօթ, գնդացիր, հրացան, դրօշակներ՝ այս ամէնը, ինչ որ Սիւնեցի զինուորը կատակով խնդրել էր երկնքից: Թշնամու միացեալ ուժերի պարտութիւնն այս անգամ աւելի մեծ եղաւ, քան մեր տարած յաղթանակը:

Դմայքը

«Զինուորները կրում են պարտականութիւնից կամ պարտադրանքից մղուած, բայց յաղթում են այն յարգանքի եւ հաւատարմութեան շնորհիւ, որ տածում են դէպի իրենց պետերը»:

Խոր ճշմարտութիւն կայ Գարիբալդիի այս իմաստուն խօսքերի մէջ:

Այդ կարծիքը չբաժանող զինուորականը կամ վառօդի հոտ չէ առած կամ տգէտ է մահացիորեն:

Յամաշխարհային պատմութիւնն իրենց անուան շռինդով լցրած հսկաները ոչ միայն կը սիրուէին իրենց բանակների կողմից, այլեւ կը պաշտուէին որպէս պատերազմի աստուած:

Անձնական հմայքը երկնքի շունչն է, աստուածների գաղտնի ազդեցութիւնը, որով հոգեկան ռազմավարը կախարդում է իր

ղեկավարութեան յանձնուած օանգուածները եւ հրաշագործութիւնների մղում նրանց:

Մտաւոր արիութիւն

Օրերը եւ ժամերը նախապատրաստում, իսկ վայրկեանները վճռում են ռազմական գործողութեան բախտը:

ճակատագրական դեր են խաղում տագնապի վայրկեանները կռւում, երբ ղեկավարը պիտի կարողանայ գնահատել վայրկեանը, չափել հաւանականութիւնները, վճռել, եւ անյապահորէն գործի անցնել: Սրա համար ղեկավարը պէտք է օժտուած լինի մտաւոր արիութեամբ:

Քիչ բան արժէ հանճարեղ միտքը, իդէալական մարտագիրը, պարզատեսութեան հասնող շրջահայեցութիւնը, եթէ ղեկավարին պակասում է մտքի արիութիւնը՝ ամենաանհրաժեշտը զօրականի բարձր յատկութիւններից:

Արագ վճիռ եւ կորովի գործողութիւն,- ահա՝ յաջողութեան գլխաւոր գաղտնիքներէն մէկը: Դժուարանո՞ւմ ես կանգ առնել այս կամ այն վճռիդ վրայ, տատանու՞մ ես՝ կը նշանակէ փախցրիր վայրկեանը, սրա հետ եւ յաղթութիւնը:

Չկայ աւելի առէտալի յատկութիւն քան ղեկավարի մտաւոր թուլութիւնը եւ երկչոտութիւնը:

Չկայ աւելի ձախող ղեկավար քան տատանուողը:

Եղի՛ր արի եւ մտքով, եւ մի մոռանար, որ կայ աւելի վատը քան վատ վճիռը՝ որոշ եւ հաստատ վճի՛ չգոյութիւնը, տատանումը եւ՝ որպէս հետեւանք՝ պարտութիւնը:

Նախաձեռնութեան ոգի

Ղեկավարի բարձր յատկութիւնը՝ մտաւոր արիութիւնը ունի իր հարազատ քոյրը՝ նախաձեռնութեան ստեղծագործ ոգին: Այս երկուսը փոխադարձաբար լրացնում եւ ուժեղացնում են իրար: Չի կարելի ասել, թէ ո՞րն է աւելի արժեքաւոր. անհրաժեշտ են երկուսն էլ:

Ռազմարուեստի հին ձեւերը ու միջոցները, որոնք երեկ եւ նպատակայարնար էին, եւ արդիւնաբեր եւ զօրաւոր, այսօր այդպէս չեն:

Կան շատ ծանօթ եւ ծեծուած ճամբաներ, որոնք այսօր չեն տանում դէպի յաղթանակ: Տիաս եւ ծոյլ միտքն է կուրօրէն ընդունում այս կամ այն դասականացած հեղինակութիւնը, կարծիքը, ձեւը: Այսօր կռւում տեղ չունեն մեռեալ մեթոդն ու տարրը:

Մի՛ յենուիր այս կամ այն քարացած կանոնին, ինչպէս կոյր՝ իր ձեռնափայտին: Յեռո՛ւ կանոնամոլութիւնից: Եղի՛ր նախաձեռնող, կենդանի եւ ստեղծագործ:

Չկայ աւելի խղճալի ղեկավար քան իր տէրերի հրամանները մեքենաբար գործադրողը: Այդպիսիններից փախչում է յաջողութիւնը:

Ուզո՞ւմ ես յաղթել, եղի՛ր կռւում նախաձեռնող, ստեղծագործ եւ արի:

Ծանի՛ր թշնամուդ

ճանաչի՛ր թշնամուդ: Այդ երկու բառն էլ գրիր հոգիիդ մէջ, որ չմոռանաս երբեք:

Մարդկային է՝ անյայտից վախենալ:

Մեզ անծանօթ մի աննշան զօրախմբակի գիշերուան գրոհն աւելի ահաւոր է, քան մի ծանօթ զնողի յարձակումը ցերեկը:

Թշնամին աւելի ուժեղ է, երբ չենք ծանաչում նրան:

Մենք աւելի թոյլ ենք, երբ անծանօթ ենք մեզ մահ սպառնացողին:

Մի ժողովուրդ, որի ռազմական միտքն ընդունում է միայն պաշտպանողական կռուի ձեւերը, կարող է չափազանց յարձակողական թուալ մեզ. մի ռազմավար, որի հետեւակ եւ անհաստատ միտքը վճռական ձեռնարկներից գերադասուն է տագնապի աղէտալի ձգձգումը՝ կարող է մեզ չափազանց ներգործօն թուալ, եթէ ստուգապէս ծանօթ չենք նրան:

Իսկ երբ ծանօթ ենք նրա հոգեբանութեան՝ մենք մեծապէս կարող ենք օգտուել նրա թերութիւններից, կրաւորական եւ

տատանուող ոգուց, ինչպէս եւ կարող ենք տեղին ու ժամանակին հեշտութեամբ ամլութեան դատապարտել նրա առաւելութիւնները:

Ծանօթանալով թշնամու ռազմավարական հայեացըներին, ասել է՝ նրա կրիւները մղելու եղանակներին ու ոգուն, մենք որոշ չափով ապահովագրում ենք մեզ յանկարծակի գալու անհաճոյ վտանգներից:

Չկայ աւելի անմեղ բան, քան թաթար կռուողների դիրքերում բարձրացած «ալլահ, ալլահ» գոռում, գոչումը: Անշանթ որոտում է դա, որ դեռ չի նշանակում թէ թշնամին յարձակում է, առաջանում: Բայց այդ ցեղի հոգեբանութեան անծանօթը կարող է այդ անմեղ աղմուկը ընդունել որպէս որոտնունք՝ շանթից, հարուածից առաջ:

Փորձեցէք երկու անգամ, միեւնոյն ժամին կամ միեւնոյն կետի վրայ պարտութեան մատնել թուրք եւ թաթար զօրքը, եւ այլեւս այդ անուղղայ ճակատագրապաշտը չի յանդնի նոյն կետի վրայ անհանգստացնելու ձեզ, որքան էլ որ պայմանները նպաստաւոր լինեն իրեն համար:

Վա՞յ թաթար զօրքին, եթէ նրա առաջին փորձը անյաջող անցաւ, կորած է նա: Ինչ որ ժողովուրդն է, այն էլ՝ իր զօրքը:

Որքան հոգեբանօրէն տարբերուում են ժողովուրդները, նոյնքան էլ՝ իրենց բանակները: Գերազանցօրէն կարգապահ եւ յարձակողական է գերման զինուրը, հնարագէտ եւ ուրախ՝ ֆրանսացին, անասելիօրէն տոկուն է ռուսը, պաղարին՝ անգլիացին:

Երիտասարդ ժողովուրդները աւելի ռազմասէր եւ անհանգիստ են լինում: Քաղաքական իտեալները զգալիօրէն ուժեղացնում են ազգերի ռազմական խանդը:

Չենքի յաջողութիւնները բարձրացնում են, անյաջողութիւնները՝ ծգում նրանց ռազմունակութիւնը:

Ցեղերի խարնուածքի ինչպէս եւ ռազմագիտական մտքի վրայ մեծապէս ազդում է ֆիզիքական միջավայրը, դաստիարակութիւնը, հարեւանների վերաբերմունքը եւայլն:

Երբ գիտես այդ բոլորը, երբ ճանաչում ես թշնամուդ՝ դու աւելի ուժեղ ես զգում քեզ, աւելի թոյլ՝ թշնամուդ:

Այո՛, որքան լաւ ես ճանաչում հակառակորդիդ, այնքան թոյլ է նա քեզ համար: ճանաչի՛ր թշնամուդ, որ հեշտութեամբ յաղթես նրան:

«Կեսարը - ասում է Պլուտարքոսը - ճանաչում էր նրանց, որոնց կ'առաջնորդէր դեպի կոփ, եւ նրանց, որոնց դեմ կը պատերազմէր»:

* * *

Յայութեան մահացու թշնամին՝ թրքութիւնը կարող է բազում քաղաքական ցուցանակներ փոխել, բայց էապէս միշտ էլ է եւ կը մնայ նոյնը՝ նենգ, տմարդ, մարդակեր: Յակառակ ուրիշներին՝ այդ ցեղի մարդկանացունը իր թուլութեան մէջ է:

Եթէ երբեւիցէ քեզ յաջողուել է մի հատիկ ազնիւ թուրք տեսնել, նշանակում է թէ դու նրան տեսել ես անզօրի, անզէնի, պարտեալի վիճակում:

Այդպիսիներին ես հանդիպել եմ Բալկանեան պատերազմի եւ Լեռնահայաստանի գոյամարտի օրերին՝ որպէս գերիների, պարտեալների, թոյլերի:

Ցեղերէն ամենավայրագը եղել է եւ շարունակում է մնալ թուրքը: Իսկ վայրագութիւնը նշան է վախսկոտութեան - ասում է հոգերանութիւնը:

Աւելի վախսկոտ է հաւաքական թուրքը՝ ամբոխը, զօրամասը:

Երկու դար է, ինչ այդ ցեղը կառչած է մնում պաշտամունական պատերազմին եւ ճակատանարտին, քանզի կրօնական զգացունը այլևս նրա հոգեկան կեանքին չէ հաղորդում նախսկին սաստկութիւնն ու թափը, որին ընդունակ էր մինչեւ 17-րդ դարը:

Թուրքերի քաջութեան առասպելը ծնունդն է իրենց բարբարոսութեան եւ ոչ թէ իրենց մարտական առաքինութիւնների: Նրանց անուան ու գէնքի սարսափը Արեւելքում եղել է ոչ այլ ինչ, եթէ ոչ խաղաղ եւ անզէն ժողովուրդների կոտորածն ու կողոպուտը: Եւ միշտ էլ թուրքն իր բարբարոսութիւնը ծառայեցրել է որպէս ահ ու սարսափ տարածելու միջոց:

Դա եղել է եւ շարունակում է մնալ թուրքերի զինուորական խաբուսիկ քաջութեան միակ աղբիւրը:

Դեռ ամէն ինչ չէ կոյր կրօնամոլութիւնը: Գիտութեան եւ բարոյականի ոյժին անծանօթ տաճիկ զինուորը վճռական է միայն կրուի առաջին վայրկեաններում: Եւ վա՞յ իրեն, եթէ իր առաջին հանդիպունը թշնամու հետ անցաւ անյաջող: Շատ անգամ, գրեթէ,

առաջին անյաջողութիւնից յետոյ, նա դառնում է «ընկած ձի՝ անընդունակ աքացելու»:

Այս է իրական բուլը զինուորը:

Զօրաւոր խօսքը

Գուցէ եւ միակ տեղն է կրուադաշտը, ուր ամէն բանից աւելի եւ ամէն բանից սուր գգացում է կարիքը բարոյապէս ազդելու եւ իշխելու մտքերի, սրտերի եւ կամքերի վրայ:

Կարողանալ բռնակալօրէն իշխել հոգիների վրայ,- ահա՛ ղեկավարի ամենամեծ եւ ամենանիրաժեշտ կարողութիւնը, առանց որին զօրանոցն ու մարտադաշտը զինուորներին չի կարող յաղթութեան մղել:

Այն, ինչ որ յաճախ դժուարանում է կատարել արդիական հեռածիգ թնդանօթը, հեշտութեամբ կատարում է ղեկավարի զօրաւոր խօսքը:

Խօսքը՝ երբեմն իրամայող ու իշխող, երբեմն՝ կանչող ու մղող, խօսքը միշտ պատկերաւոր ու սեղմ, սրտերին կրակ, բազուկներին բափ, կամքերին մղում տուող խօսքն է իշխելու եւ վարելու միակ միջոցը:

Եւ որքան զօրաւոր՝ այնքան մեծ է նրա հմայքը, այնքան ընդարձակ է նրա տիրապետութիւնը:

Խօսքը՝ դա ինքը ղեկավարն է:

Յաղթելու համար քիչ է խելքը, տաղանդը, պէտք է զօրաւոր խօսքը:

Առանց զօրաւոր խօսքի բուլք են սրերը, թոյլ՝ բազուկները, անվճռական՝ կամքերը:

Առանց զօրաւոր խօսքի չկայ իշխանութիւն հոգիների վրայ, իսկ առանց այդ իշխանութեան՝ չկայ յաղթութիւն:

Մարդկային լեզուն չունի մի հատիկ բառ, որն այս կամ այն կերպ չազդեր կուտում գտնուող զինուորի հոգեբանութեան վրայ:

Պէտք է գիտենալ՝ ի՞նչ եւ ինչպէ՞ս խօսել զինուորին: Իսկ դրա համար պէտք է ծանօթ լինել, եթէ այսպէս կարելի է ասել, «հոգեկան քիմիայի» օրէնքներին: Պէտք է բաղադրել կարողանալ որոշ զգացումներ զինուորի մէջ՝ մեր ցանկացած հոգեկան յուգումն առաջացնելու համար:

Տպաւորութիւն է գործում շատ անգամ ոչ թէ այն, թէ ինչ որ ասում ենք, այլ այն, թէ Ե՞րբ, որտե՞ղ եւ ինչպէ՞ս ենք ասում:

Դայրենապաշտութիւն, կրօնական մոլեռանդրութիւն, ազատասիրութիւն, բարի նախանձ եւ այլն,- ահա՝ զինուորական զօրաւոր խօսքի աղբիւրները:

Բարձր հայրենասիրութիւն: Դա զինուորի սրտի ամենազգայուն լարն է, որի թրթռումներից մեծապէս օգտուել են եւ օգտում են դեկավարները: Չկայ, չգիտեմ մի պատմական զոհաբերութիւն, մի մեծագործութիւն, մի հերոսական թռչք, որին ընդունակ չլիներ այդ հզօր զգացունք: Դա է անմահացրել Թերմոպիլեան կիրճը, Բուլկարական Շիպկան, հայկական Սիւնիքը:

Կրօնական զգացումը հրաշքներ է կատարել անցեալուն:

«Զեր առջեւը արքայութիւնն է, ձեր յետեւը դժոխքը, ընտրեցեք մէկն ու մէկը: Որպես կայծոռիկներ կը ճառագայթեն պատերազմուն ընկածների վերքերը: Նրանք կը մտնեն Եղեմի գեղեցիկ պարտէզները, եւ կը պառկին ոսկեթել բարձերի վրայ...»:

Այսպէս կը խօսէր արարի հոգուն ծանօթ ռազմիկ մարզարէն եւ իր դեկավարած սպառազէն ամբոխը կը մղէր դէպի մահ ու նուաճումներ:

Նոյն հրաշագործ զգացումը կը մղէր խաչակիրներին դէպի Յիսուսի գերեզմանը:

Գուստաֆ Ադոլֆը⁴ ամէն ճակատամարտից առաջ ծունկի կը բերէր իր բանակները Տիրոց առջեւ:

Կրոնուէլի զինուորների համար մահը նահատակութիւն էր հաւատքի համար: Նրա բանակներուն սպաները կը կատարէին եւ քահանայի դեր:

Սուլվորովի ամենասիրած խօսքն էր՝ «Աստուած է մեզ առաջնորդում, Նա՝ է մեր զօրավարը»:

Ազատասիրութեան կրակով իր մարտիկների սիրտը կը վառէր Գարիբալդին:

Իսկ Բոնապարտը՝ ծանօթ ֆրանսացու հոգուն՝ իր զինուորի եւ զօրավարի ոգեւորութեան աղբիւրն էր դարձնում պատույ լէգէնը:

Եթէ խօսքդ հայրենիքի մասին է, մի՛ խօսիր, այլ խօսեցուր հայրենիքը: Այս ձեւով վարուիր եւ հերոսների եւ նահատակների

նկատմամբ: Մի խօսիր, այլ խօսեցրու նրանց. խօսիր, զգալով նրանց սրտի զարկը, շունչը, ներկայութիւնը:

Երբ ես կը խօսեմ Յայաստանի մասին, խօսքեր չե, որ կը փնտռեմ մտքերս արտայայտելու համար, այլ՝ հայրենիքիս հոգեւոր դէմքը, որ՝ նրանով գիմովցած ու սիրահար, կարողանամ սէրս, կարօտս, պաշտամունքս փոխանցել լսարանիս:

Գիտական դարձուածքներ չե սիրում զինուորը:

Յեռու դատողութիւններից: Մի՛ փիլիսոփայեր, մի՛ ապացուցեր, այլ եղիր պատկերաւոր եւ հոգեգրաւ: Շատախօսութեան տեղ չէ կրուադաշտը՝ «քիչ խօսէ, շատ ակօսէ»: Խօսի՛ զինուորիդ սրտին:

* * *

Բալկանեան պատերազմի ընթացքում ես զգացի զօրաւոր խօսքի ազդեցութեան ոյժը:

Մայր բանակից անջատ՝ բաւականին առաջացել էր թեթև զօրամասը եւ երեկոյեան դէմ անսպասելիօրէն դէմ առել մի անտառապատ լերան, որի կատարից թշնամին անդադար ռմբակոծում էր մեր դիրքերը:

«Մինչեւ այստեղ եւ էլ ոչ մի քայլ առաջ»՝ զգացնել էր տալիս հակառակորդը:

Դրութիւնը սպառնում էր դառնալ երերական մեզ համար: Մայր բանակը շա~տ էր հեռու, որպէսզի ուժեղացներ մեր գրոհը կամ ապահովէր մեր կանոնաւոր եւ անկորուստ նահանջը: Քիչ յետոյ թշնամին պիտի պարզէր իր ուժերի քանակը, եւ անցներ յարձակողականի՝ մեզ իսպառ ոչնչացնելու համար: Մնում էր խելայեղօրէն նետուել առաջ: Դրա համար պէտք էր սակաւաթիւ զինուորներիս մէջ բորբոքել յարձակողական ոգին այն աստիճան, որ յարձակողների համար աննկատելի դառնար հակառակորդի թուական եւ դիրքային գերազանցութիւնը:

Տեղն ու վայրկեանը պահանջում էին խօսել եւ թշնամու կրակի տակ խօսեցի զինուորներիս: Դեռ չէի վերջացրել միայն վայրկեաններ տեւող խօսքս, երբ որպէս մի կենդանի պատնէշ դիրքերից բարձրացան մարտիկներս եւ տարերային թափով նետուեցին առաջ: Քիչ անց՝ «768»-ի կատարին վեհօրէն ու յաղթական կը ծածանուէր մեր եռագոյնը, որը հայ զինուորների

խիզախ քայլի համար բուլղար օրաց հրամանատարութիւնը պիտի զարդարէր քաջութեան խաչով:

* * *

Վսեմ խօսքի ազդեցութիւնից մեծապէս օգտուել եմ Երկրորդ անգամ, Ղարաքիլիսայի ճակատամարտի նախօրեակին:

Դայ զօրքը, որի հետ եւ հայրենի հողից պոկուած բազմահազար գաղթականութիւնը՝ լքելով Կարինից մինչեւ Ղարաքիլիսա տարածուող հողամասերը՝ եկել թափուել էր Դիլիջան: Դա այլեւս զօրք չէր, այլ անձեւ եւ անկերպարան մի զանգուած, այլ քայլայուած ու բարոյալքուած մի անանուն բազմութիւն: Դա նահանջ չէր, այլ մի ժողովորի գաղթ, տեղահանութիւն, փախուստ իր Երկրից:

Ընդհանուր շփոթի մէջ, «տեղագրական հայրենասիրութիւնից» մղուած՝ ծնունդ էին առնում համերկրացիական խմբեր եւ բռնում Երեւանի, Ղարաբաղի, Գանձակի ճամբաները: Զկար ծիծաղ, երգ, բարձր խօսակցութիւն իսկ չկար: Երեկուայ չքնաղ ամարանոցը այլեւս կը նմանէր մի լուռ գերեզմանատան, ուր հաւաքուած յուղարկաւորների հսկայ բազմութիւնը՝ իր ապրելու յոյսը բաղելուց յետոյ, ինքն էլ չգիտէր, թէ ինչո՞ւ է շարունակում մնալ այդտեղ: Անյուսութիւն, շուարանք եւ սարսափ բոլո՞ր դէմքերի վրայ:

Երկրի այս դրութեան մէջ ընդհանուր զօրահրամանատարի կայանից տեղեկացնում են, թէ զօրավար Նազարբեգեանը ցանկանում է տեսնել Յ.Յ. Ղաշնակցութեան Շիրակի Կենտրոնական Կոմիտէի ներկայացուցչի հետ:

«Երեւանից խնդրում են Երեք օրով եւս զբաղեցնել տաճիկ զօրքերին եւ հնարաւորութիւն տալ մեր պատուիրակութեան հաշտութիւն կնքելու տաճիկների հետ: Ես, ինչպէս գիտէք,- ասում է ծեր զօրավարը,- ես զօրք չունիմ: Յերթը ձերն է, կատարեցէք, եթէ կարող էք, Երեւանի հրամանը»:

Մե՞րն է այժմ հերթը: Պէտք է վերադառնալ Ղարաքիլիսա, բայց ինչպէ՞ս, ի՞նչ ուժերով: Պէտք է կամաւորներ հաւաքել, առնուազն հազար հրացանակիր, այն էլ ժամերի ընթացքում, եւ դա հոգեբանական մի այնպիսի մթնոլորտում, ուր ամէն ինչ կորած է համարւում:

Գիտի, որ մի բուռ հին զինուորմերից զատ ոչ ոք պիտի միանայ ինձ, եթէ յայտարարեն, թէ ինձ հրամայուած է՝ «Հենց այսօր մի թերեւ գօրամասով վերադառնալ Ղարաքիլիսա, շփման մէջ մտնել թշնամու ուժերի հետ եւ սպասել օգնական ուժերի»։ (Այդպէս էր ինձ գրուած հրամանագիրը)։

Գիտի եւ այն, թէ հարկադրանքի մասին նման պարագաներում խօսք լինել չէր կարող։ Կար, մնում էր մի հատիկ միջոց միայն, այն է՝ անվերջ նահանջների ճամբան բռնած հայ զինուորութիւնը թերեւ դէպի թշնամին։ Կախարդական խօսքի ազդեցութիւնն էր այդ հոգեբանական միջոցը։ Եւ ես՝ խնդիրն հրազդելու համար դիմեցի այդ միջոցին։ Խօսեցի։ Ծաղկաձորի եկեղեցու բակում խռնուած ժողովրդին էր ուղղւած իմ խօսքերը։

Պերճախօս չեմ, բայց հանդիսաւոր վայրկեանը ինձ այդ օրը մի ժամով դարձրել էր հուետոր։ Խօսում էի եւ դիտում։ Խօսքերիս կայծերն ընկնում էին վառօդի մէջ։ Յուզում կար, բայց դեռ քիչ էր դա. ուզում էի եւ կատաղութիւն տեսնել բազմութեան շարքերի մէջ։ Եւ քիչ անց տեսայ, թէ ինչպէ՞ս կատաղութիւնից իր բռունցքն էր սեղմում հայ մարդը։

Մտադիր էի դեռ շարունակել, երբ բազմութեան միջից բարձրացան աղաղակներ՝ «Պատրա՝ ստ ենք, առաջնորդէք, տարէք, կեցցէ՛ կռիւը...»։

Այսպէս բազմահազար ամբոխի խանդավառ աղաղակների մէջ խեղդւեցին իմ վերջին խօսքերը։

«Թող հետեւի ինձ, ով դեռ չէ մեռել բարոյապէս»։

Քիչ անց՝ հազարի անցնող կամաւորների մի գօրամասով ես շարժւում էի դէպի Ղարաքիլիսա տանող ճանապարհով։

Միւս օրը մեզ օգնութեան պիտի հասնեին նոր ուժեր եւ տեղի պիտի ունենար այն, ինչ որ կատարուեց Ղարաքիլիսայի եւ ձորերի մէջ, այսինքն՝ այն, ինչ որ շարժեց անգամ թշնամու հիացումն ու զարմանքը։

Այդ փառահեղ ճակատամարտը ինձ մի անգամ եւս համոզեց, թէ ամենատկար հոգիների մէջ իսկ կան թաքուն ուժեր, որ պէտք է գիտնանք արթնցնել եւ գործի դնել։

Աներեւոյթ դատավորը

Սիւնիքը կը չափուէր թուրք, թաթար եւ կարմիր հորդաների հետ: Կտրուած էինք աշխարհից, պաշարուած: Ռազմամթերք չկար, պակասում էր հացը:

Այդ գերազանցողէն ծանր օրերից մէկն էր: Շրջագայում էի ճակատէ ճակատ, դիրքէ դիրք՝ զօրամասերս հոգեպէս գոտե-պնդելու համար:

Արեւիքի հարաւ-արեւմտեան ռազմաճակատներից մէկում, Ալանգեազի բարձունքների վրայ, նօտեցաւ ինձ հարիւրա-պետներիցս մէկը.

- Պարոն սպարապետ, անկարելին կարելի դարձնելով մենք դիմադրեցինք մինչեւ օրս, չէ՞ք կարծում, թէ այլեւս անկարելի է դիմադրել:

Չուզեցի իսկոյն եւեթ պատասխանել նահանջի մասին մտածող վաշտապետիս, որը կարծես դադարել էր գիտակցելէ, թէ տեղի տալ այդ կէտի վրայ կը նշանակէր թոյլ տալ թշնամուն Արեւիքի հայութեան գերեզմանի վրայով միանալ թաթար Աղրբեյշամին: Յրամայեցի կանչել բոլոր դեկավարներին: Եկան:

Շատերն առանց արտայայտուելու մատնում էին իրենց անհանգստութիւնը մեր հետագայ յաջող դիմադրութեան կարելիութեան մասին: Նախ հոգեպէս են պարտում են դեկավար տարրերը: Եւ թշնամու յաջողութիւնը սկսում է հենց այն վայրկեանից, երբ իր դէմ կռուող բանակի հրամանատարութեան մէջ սկսում է տկարանալ յաղթելու հաւատը: Զօրքը ննան դէպքերում բնազդաբար զգում է, թէ ինքն այլեւս բարոյապէս անտեր է, անգլուխ:

Յոգուս աչքերով տեսնում էի պարտութիւնը՝ կախուած մեր գլխին: Մենք պարտուած էինք արդէն. մնում էր, որ թշնամին արիութիւն ունենար հազար քայլ առաջանալու, որպէսզի մենք լքէինք մեր դիրքերը:

Երբեմնակի լսում էր գնդակների չար երգը եւ խռովում գիշերուայ լրութիւնը:

Նահանջելու տրամադիր վաշտապետս սպասում էր պատասխանի: Ես խորհրդածում էի: Յերիք չէ ասել՝ հրամայում եմ կռուել, մեռնել: Նման վայրկեաններում անօր են հրամանն ու սպառնալիքը: Փորձով գիտէի այդ եւ շարունակում էի դեռ

մտմտալ: Խոհերս սկսել էին բիւրեղանալ, արդէն գիտի ասելիքս եւ անելիքս, բայց եւ այնպէս շարունակում էի լուռ մնալ, եթք կորովարափ վաշտապետս խզեց լուրիւնը.

- Ի՞նչ էք մտածում, պարոն սպարապետ:

- Այն, հերոս վաշտապետս, որ դու, ինչպէս տեսնում եմ Ե՛ւ մի քանի ուրիշներ մոռացել էք հայոց պատմութիւնը, որը մեր կոհիւներով չէ սկսուել եւ մեզնով չէ վերջանալու: Այս լեռների վրայ կոհիւներ են տեղի ունեցել մեզնից առաջ, տեղի պիտի ունենան եւ մեզնից յետոյ: Ասացէք, ի՞նչ անուն կը տայիք Դաւիթ Բէգին, եթէ մարդկային այս կամ այն տկարութիւնից մղուած՝ նա Սիւնեաց աշխարհը յանձնած լիներ թուրք ու թաքար հորդաներին: Մեզնից առաջ այս լեռների վրայ կռուող հայք խորապէս գիտակցել է, թէ Միւնիքը յանձնել թշնամուն՝ կը նշանակէ հայ երկրի բանալիները եւ հայ ժողովորդի բախսոն ընդմիշտ յանձնել իր իսլամ հարեւաններին: Նոյն փրկարար գիտակցութեամբ այս բարձունքների վրայ պէտք է կռուէ, մեռնէ ու յաղբէ Ե՛ւ վաղուայ հայութիւնը: Ի՞նչ, միայն ձե՞զ է պակասում այդ գիտակցութիւնը: Մոռացե՞լ էք, թէ ժողովուրդը հրամայել է մեզ՝ յաղբել կամ մեռնել:

- Ո՞չ,- եղաւ վաշտապետներիս պատախանը:

- Ես բնաւ չեմ մտածում նահանջի մասին, որովհետեւ սովորութիւն ունիմ նման օրիհասական վայրկեաններում դիմելու իմ խոճին՝ հարցնելու իմ ներքին դատաւորին.- ինչպէ՞ս են վարուել նման եւ աւելի ծանր վիճակում Վարդաններն ու Դաւիթ Բէգերը:

- Մեռել, բայց յաղբել:

- Ինչպէ՞ս կ'ուզէի, որ վարուէին նման դէպքերում այն բոլոր ղեկավարները, որոնց ապագայում պիտի վիճակուի վարել մեր ժողովուրդի ինքնապաշտպանութեան սրբազան գործը:

- Մեռնել, բայց չզիշել հայոց լեռնաշխարհը:

- Իմ ներքին դատաւորի թելադրութեամբ միշտ էլ այսպէս են պատասխաննել, այսպէս եմ պատասխանում ինձ եւ այժմ...

- Ես,- արդարանալ փորձեց վաշտապետս,- ես ուզեցի ասել, թէ այլեւս ռազմամթերք չունենք:

- Բայց ո՞վ ասեց, թէ առատ ռազմամթերքով են յաղբում: Շատ անգամ յաղբում է այն կողմը, որը շատ քիչ է կրակում: Վախկուտն է յաճախակի կրակում, մատնելով իր անարիութիւնը: Յրացանից, գնդացիրից, թնդանօթից չէ, որ սարսափում է

թշնամին, այլ քար լռութիւնից: Զկայ աւելի ահաբեկիչ բան՝ քան լուս առաջխաղացունը՝ մասնաւրապէս գիշեր ժամանակ, երբ քարը, թուփի՛ այն ամէնը, որ կարող է զբաղեցնել մարդուս աչքն ու երեւակայութիւնը, դաշնում է գրոհող հակառակորդ: Լուս առաջացող տասնեակը մի ամբողջ գունդ է, վաշտը՝ մի ամբողջ բանակ պաշտպանուողի համար: Գիշեր ժամանակ յարձակողի զինակիցներն են՝ խաւարը, լռութիւնը, ժայռերը: Իսկ երբ նախայարձակուողը մենք ենք՝ այդ լեռների տէրը՝ մեզ հետ են նաեւ այն բոլորի վրէժինդիր ստուերները, որոնք մեզնից առաջ հեգնել են մահը եւ ընկել այդ սրբազն բարձունքների վրայ: Իսկ երբ մենք ենք նախայարձակուողը՝ մեզ հետ է նաեւ մեր լեռների հզօր ոգին: Ուրեմն, ռազմամթերքի կարիքը չզգալու համար՝ մնանք հաւատարին մեր օրինած ռազմավարութեան տարերային ձեւերին: Գիշերամարտը թող լինի մեր բաժինը: Ուրեմն յարձակուինք, ինչպէս յարձակում է մահը՝ լուս եւ անակնկալ:

- Յարձակուինք,- միաբերան կրկնեցին վաշտապետներս եւ յուսադրուած՝ վերադարձան դէահի իրենց վաշտերը, դէահի կրակի գիծը:

Լուսարացին Ալանգեազի բարձունքներուն թշնամին ծեծուած ու գերուած էր գորեք առանց ռազմամթերքի:

Ին զինուորը այդ օրը օրինում էր ճակատագիրը, որ չէր յապաղել թշնամու ծեռքով մեզ առատ ռազմամթերք հասցնելու:

Այդ կռուում Սիրնեցին մի անգամ նաեւ զգաց, թէ ցեղի ոգու ծեռքով դեկավարուող ժողովուրդը կարիք չունի երկար սրի:

Ռազմավարական հայեացքներ

Սկսուեց կրիւը՝ այլեւս կռուադաշտը դաշնում է փորձադաշտ, ուր պատերազմող կողմերը հաստատում կամ ժխտում են գոյութիւն ունեցող զինուորական տեսութիւններու ճշտութիւնը:

Ազատ ստեղծագործութիւն է ռազմավարութիւնը՝ ոչ միայն հաշիւի, այլեւ ներշնչումի ու արիութեան գործ:

Ի՞նչ են ուզում: Ինչպէս կարող են կատարել ուզածս: Հակառակորդս պիտի աշխատի խանգարել ինձ. ինչպէս կարող են ի դերեւ հանել ինձ խանգարելու նրա փորձերը եւ պարտադրել կամքս:

Երբ որ արի ենք, անձնուէր ու վճռական մեր տրամադրութեան տակ յաղթելու համար աւելի միջոցներ կան, քան պէտք են:

Եղիր միշտ էլ ավելի անձնուէր, վճռական եւ արի քան թշնամին՝ ահա՛ էականը:

«ճանաչիր մի հատիկ ռազմավարութիւն՝ աննիբալեանը, որ ասել է՝ մի հատիկ շարժում միշտ յառաջ քանզի նահանջի մասին մտածող զօրամասին պարտութիւնն ու ամօթանքը հետեւում են ճիշտ այնպէս, ինչպէս անհիւր՝ եզան:

Եւ ո՞չ մի քայլ յետ, քանզի գինուորդ նահանջի գաղափարը միշտ էլ կցորդում է իր զօրամասի թուլութեան եւ պարտութեան գաղափարին: Չկայ աւելի զգուելի արարած, քան մարտիկը, որի հայեացքը յետ է, որ բռնած է նահանջի ճանբան: Ուր չկայ նահանջ՝ պարտութիւն չկայ:

Յաղթում է այն կողմը, որը վստահ է ոչ թէ իր սպառազէն բռունցքի, այլ իր ներազէն ոգու գերազանցութեան: Երկարէ զէնքերի դէմ հեշտ է վահան գտնել, բայց ոչ նաեւ ոգու զէնքերի դէմ, որ քոնը պիտի լինի, հայ զօրական:

Գիտցի՛ր եւ հետեւեալը՝ անպարտելի է մնում միայն այն որոշակը, որը պարզում է ցեղի անունով եւ ցեղի համար:

IV ՑԵՂԱՅԻՆ ԻՆՔՆԱԲԱՆԱՉՈՂՈՒԹԻՒՆ

*Մականախաղեր: Շաւասպ Արծրունին
Երկու անգամ խլեց գնդակը Շապուհի
Ժեռքից: Գորոզ, բայց թուամորթ Սասանեանը
հայ իշխանի այդ յանդուգմ յաջողակութիւնից
առնուած, ասաց՝ «ճանաչի՛ր քեզ» - «Այո՛,
ճանաչում եմ ինձ, ասաց Շաւասպը,
ես էլ թագաւորազն եմ»:*

Դայոց պատմութիւն

Միրի՛ր պատմութիւնը

Քեզ չպիտի յորդորեն մօտենալ պատմութեան, որպէս ուսումնասէր: Մօտեցիր նրան որպէս ղեկավար, որին զբաղեցնողը ամէնից առաջ եւ ամէնից շատ մարդն է՝ իբրեւ զինուոր, քաղաքացի, պետական գործիչ, եւ զանգուածը, որպէս զօրք, ամբոխ, հասարակութիւն, որոնց ճանաչելու համար պէտք է ուսումնասիրել նրանց գաղափարները, կիրքերը եւ գործերը:

Պետական գործիչի համար բացարձակ անհրաժեշտութիւն է պատմութեան ուսումնասիրութիւնը, որովհետեւ պատմութիւնը այլ բան չէ, եթէ ոչ գործնական հոգեբանութիւն: Նա է փաստեր եւ ապացոյցներ մատակարարում քեզ հետաքրքրող գիտութիւններին՝ ռազմագիտութեան, հոգեբանութեան եւ այլն:

Նա է լուսաբանում անցքերը, մերկացնում կեղծիքը, ասում ճշմարտութիւնը՝ կայացնելով իր դատավճիռը անհատների եւ ազգերի մասին:

Գիտեմ, քո միտքն ամէնից առաջ կանգ պիտի առնէ մեծանուն ռազմավարների վրայ: Դու պիտի լսես Մեծ Մակեդոնացուն, որը կ'ողբար, թէ այլեւս նուաճելու համար երկիր չի մնացել: Կը լսես Կեսարին ու կը սքանչանաս նրանով, բայց եւ այնպէս պիտի դժուարանաս դատապարտել նրանց, որոնք ազատասիրութիւնից մղուած դաշնահար արին կամքի ու կորովի այդ եզակի տիտանին:

Քեզ պիտի խօսի Աննիբալը՝ Յօնմի փառքի ու մեծութեան անհաշտ թշնամին, որը յաճախ յաղթական եղաւ, բայց ոչ եւ երջանիկ:

Իր խօսքը կ'ասի քեզ նաեւ հայ Տիգրան Աշխարհակալը, որը ըստ օտար պատմիչների, կ'ընդունէր թէ երկրագունդն ստեղծուած է միայն իրեն համար:

Քեզ կ'երեւայ վերջին մեծ ռազմավարը՝ Նապոլեոնը, որն ունեցաւ եւ Սուլը Յեղինեն:

Ահա՝ փոքրիկ, բայց մեծ ու խստամբեր Սպարտան, որը մի օր հարկադրեց իր երաժշտին՝ փետել տաւիղի նոր լարերը, որոնք կարող էին բարքերի անբարոյացման ծառայել:

Տես եւ Յին Եգիպտոսը, ուր ծովութիւնը կը համարուէր պետական յանցագործութիւն եւ ծոյլերը որպէս անօգուտ արարածներ, կը դատապարտուէին մահուան:

Ահա՝ աւարառու մեծահարուստ Ասորեստանը, արեւապաշտ իրանը, գեղամոլ Յելլադան, Յօնը, որ մեռան պերճանքի ու շքեղութեան մեջ:

Տաճկաստանը, որը պարբերաբար կը սեղմուի, կը ծուատուի, մինչեւ որ մի օր կործանուի դարերի անօրն ու զգուանքը շարժող իր ոճիրների ծանրութեան տակ:

Ահա՝ քո հայրենիքը...

Ազգային պատմութիւն

Քիչ չեն այն գրքերը, որոնք գրուած են դարերի համար, բայց չկայ մի այլ գիրք, որն այնքան անհրաժեշտ եւ օգտակար լինէր քեզ համար, որքան ցեղիդ պատմութիւնը:

Ցեղիդ կեանքի հայելին է դա: Մօստեցիր իրեն եւ դա ցոյց պիտի տայ քեզ դարերի այն վիթխարի գոյանարտը, որ մղել է հայութիւնը իր պետութեան սահմաններից դուրս եւ ներս: Պիտի ասի քեզ, թէ իր ո՞ր առաքինութիւնների շնորհիւ նա յաճախ յաղթական է հանդիսացել, եւ ո՞ր բացասական յատկութիւններն են ճակատագրական դեր խաղացել իր հաւաքական նաւարեկութիւնների մէջ:

Ցեղիդ պատմութիւնը կը վկայէ, թէ ինչ աստիճան հայութիւնը ազդուել է իր հարեւաններէն եւ ունեցել քաղաքակրթական

ազդեցութիւն նրանց վրայ: Սեղմ ասած՝ նա կը պատմէ քեզ մեր անցեալ կեանքի բոլոր ելեւեցները, մեր յաղթական խոյանքները ու տխուր անկումները, մատնանշելով եւ դրանց պատճառները:

Տեղիդ պատմութիւնը սակայն, անցեալի ցամաք նկարագրութիւնը չէ միայն: Այլ նաև անցեալի խօսքը՝ ուղղուած ներկային ու ապագային. մերելների ձայնը, որ կը խրատէ ողջերին, կը պատմէ քեզ, թէ ինչո՞ւ եւ ինչպէս հայութիւնը կորցրեց իր անկախութիւնը. թէ ի՞նչն էր հեշտացնում օտար տիրապետութիւնները Հայաստանում:

Մօտեցիր մեր պատմութեան: Դա ունի էջեր, որոնց ծանօթ օտարականն իսկ չի կարող յարգանքով չը լեցուիլ մեր ցեղի նկատմամբ: Անմա՞հ էջեր, որոնց հերոսական վեհութեան մէջ հոգեպէս աճում է ընթերցողը:

Հաւաքի՛ր, իմաստուն իրամանատար, այն ամէնը, ինչ որ գեղեցիկ է, վսեմ, հերոսական մեր պատմութեան էջերում եւ լիարուռն ցրիր բանակիդ հոգու եւ գիտակցութեան մէջ:

Միայն այսպիսով կը դաստիարակես մարտիկներ՝ միշտ պատրաստ իրենց մեծագործութիւններով աւելի եւս գեղեցկացնելու մեր ցեղի պատմութիւնը:

Միրով եւ երկիւղած մօտեցիր ազգային պատմութեան, եւ մի մոռանար, որ ցեղի հոգին ճանաչելու համար բաւական չէ միայն ուսումնասիրել նրա պատմութիւնը, պէտք է եւ վերապրել այն:

Վերապրի՛ր, պատմութեան միջոցով վերապրիր ցեղիդ կեանքը:

Մեր պատմութեան տխուր կողմը

«Մենք հենց սկզբից տեսնում ենք տեղական իշխանների այն նախանձը, որ անբողջ հայոց պատմութեան ընթացքում գլխաւոր պատճառն է դառնում այդ պետութեան կործաննան, այդ ազգի թշուառութեան»:

Օտար պատմագրի այս վկայութիւնը անվերապահուն հաստատում է եւ մեր պատմութիւնը:

Նախանձը, որ բազմիցս մեր անկախութեան գարշապարից է զարկել, բանիցս հայ ժողովուրդի տունն ու պետութիւնն է քանդել:

Շա՞տ են տիսուր անփառունակ եւ ամօթալի մեր պատմութեան այն էջերը, ուր կը խօսուի նախանձի դեւով բռնուած հայ թագակրի, մելիքի եւ սրանց գործերի մասին:

Քրքրեցէք մեր պատմութիւնը եւ պիտի տեսնէք, թէ Արեւելքի եւ ոչ մի բռնակալ այնքան չարիք չէ պատճառել հայ ժողովուրդի դէմ, որքան իր մելիքի, իր իշխանի, իր թագաւորի նախանձը: Խօսեցրէք մեր պատմութիւնը, եւ պիտի համոզուիք, թէ թշնամին Հայաստան է ներխուժել յաճախ այն ժամանակ, երբ իր նախանձոտ զլխաւորների շնորհիւ մեր ժողովուրդը ներքուստ պառակտուած է եղել:

Այո՛, ոչ մի արտաքին թշնամի այնքան անգթօրէն չէ հարուածել մեր ժողովուրդին, ինչպէս իր որոշ գործիչները:

Մատնութիւն, դաւաճանութիւն, եղբայրասպանութիւն,- ահա՝ սեւ գործերը նախանձի, որի երեսից այնքան արիւն ու արցունք է տեսել հայ երկիրը:

* * *

«Ոսկրի որդ» այսպէս է խօսում Աստուածաշունչը նախանձի մասին: Միշտ էլ թուլութեան ծնունդ՝ նախանձը չէ կարողանում տանել ուրիշների բարիքը, յաջողութիւնը, փառքը եւ զինում է նրանց դէմ:

Երբ կայ ղեկավարների նախանձը՝ այլևս աւելորդ են դառնում ժողովորդի բարձր առաքինութիւնները, նրա որդիների արիւութիւնը, անձնւիրութիւնը, հայրենապաշտութիւնը:

Երբ մի ժողովորդի պետերը կը ղեկավարուեն նախանձի չար ոգով՝ այլեւս կարիք չկայ, որ այդ ժողովորդի հայրենիքը ներխուժող թշնամին ունենայ թուական, հոգեբանական եւ այլ գերազանցութիւնները: Այո՛ ինչ որ չպիտի կարողանային կատարել թշնամու բանակները, կը կատարէ ինքնապաշտպանուող երկրի ղեկավարների չար նախանձը:

Հայ զէնքի փառքն ու ողբերգութիւնը

Բարոյապէս սնանկ է անհատը, երբ նրան պակասում է ազգային հապարտութեան զգացունը՝ ծնունդ ազգային ինքնաճանաչութեան, որն իր սնունդն առնում է մեր պաշտա-

մունքից դեպի այն ամէնը, ինչ որ գեղեցիկ է, վսեմ եւ հերոսական հայրենի պատմութեան մէջ:

Առանց այդ բարձր առաքինութեան բարոյապէս պակասաւոր է անհատը որպէս մարդ եւ որպէս անդամ որոշ հաւաքականութեան:

Իր սրբազն պահն ունի իր ամէն մի օրը, երբ մտովին անհուն կարօսով կը սկսիմ իմ պրատումները հայոց պատմութեան էջերի մէջ: Քաղցրութեամբ կ'ոգեկոչեմ նրանց, որոնք հոգեկան գեղեցկութեան, անդիմագրաւելի արիութեան ու մեծագոյն վեհութեան համբուրելի հետքեր են թողել հայոց աշխարհում: Կ'ոգեխառնուիմ հայ զինուրին ու զօրավարին, կը վերապիմ նրանց գոր յաղթանակները եւ կարօսով կը բաժնուիմ նրանցից իրենց ազնուացուցիչ ընկերութիւնը վերստին վայելելու ցանկութեամբ:

Այսպէս կը սնուցանեմ ազգային հպարտութեան իմ զգացումը: Չտկարանալու համար՝ կը կատարիմ իմ ամենօրեայ խորհրդաւոր զօրահաւաքը մեր պատմութիւնը զարդարող հոգիների, ապա կը խօսեցնեմ ու կը լսեմ նրանց:

Եւ ասում են նրանք.-

Գրեթէ չմնաց ցեղ, ազգ աշխարհում, որ մեր բազկի ոյժը չզգար՝ պոռոս բաբելացին, հռոմէացիները կաշառող, աղուէսաբարոյ սասանեանները, բիւզանդացին նենգ, արաբն ու սկիւբացին ընչաքաղ, ալանները, քուշանները, կովկասեան լեռնականները աւարառու: Այդ բոլորի եւ շատ ուրիշների հետ անհանար անգամ հարուածներ ու վերքեր փոխանակեցինք: Եւ յաճախ մեր բազուկը յաղթեց: Սակայն, քիչ անգամ մեր արիութիւնից լիուլի օգտւել կարողացաւ մեր ցեղը, քանզի կար ընտանի թշնամին, ներքին թշնամին, որի վասութեանց կը պարսի հայոց աշխարհն իր դարերի քաղաքական խեղճութիւնը:

Մեր բազուկն՝ զինուրի եւ ռազմավարի՝ աւելի օտարն օգտուեց քան հարազատ երկիրը: Եւ դրա համար էլ մեր քաջութեան հոչակը տարածուեց շատ հեռուները՝ մինչեւ Ասորեստան, Յօնմ, Յրէաստան եւ լեռները կովկասի:

Տե՛ս, ո՞րքան շատ են մեր վերքերը՝ ստացուած օտար հայրենիքների համար: Անպարտելի էր օտար բանակը, երբ նրա զէնքի յաջողութեան համար, նրա կօդքին կը կռուէր եւ հայը, կամ երբ դա կ'առաջնորդուէր հայ զօրավարի կողմից:

Մասնաւորապէս պարսիկն ու յոյնը չարաչար շահագործեցին հայ արիութիւնը,- ազգեր, որոնց անկայուն գահերի համար հայ արիութիւնը հանդիսացաւ որպէս ուժեղ սիւն: Մեզ զբաղեցնելով իրենց արտաքին թշնամիների դէմ՝ այդ ազգերը մեր արիութիւնը ծառայեցրին որպէս անխորտակելի պատուար իրար դէմ, մինչեւ որ մի օր էլ կը բաժանէին մեր աշխարհը: Պարսիկն իր փառքի կեսէն աւելին մեզ կը պարտի: Խոշոր բաժին ունինք եւ յունական փառքի մէջ...

«Միշտ էլ ուժեղին պիտի պատկանի երկիրը»: Յովքի այդ խօսքերով է ազգերին խրատում պատմութիւնը:

Ուժեղը՝ ճշմարտորէն արժանաւորն է, արին: Ոգու ոյժն է ճշմարիտ ոյժը: Ոգու ոյժն էր, որ քանակօրէն տկար Յելլադային առջեւ ծունկի բերեց անծայրածիր Պարսկաստանը: Ոգու ոյժն էր, որ Յորմ քաղաքի ձեռքին դրեց աշխարհի ճակատագիրը: Այդ ոյժն էր, որ Տիգրան Մեծի օրով Յայաստանը վերածեց մեծ բազաւութեան:

Ընկաւ Յայաստանը, քանզի անմիաբանութեան չար ոգին մեր ժողովրդից խլեր էր անօրինակ քաջութիւնից ազատորէն ու լիովի օգտելու կարելիութիւնը:

* * *

Արիութիւնը միակ ճշմարիտ կրօնն է՝ առանց որին ոչինչ արժեն կրօնները:

Կեղծ է ամէն մի գրականութիւն, բարոյական, քաղաքական վարդապետութիւն, եթէ ոյժ եւ արիութիւն չէ ներշնչում իրեն դաւանողին: Դատապարտելի է ամէն մի դպրոց, եկեղեցի, կուսակցութիւն, որն արի եւ արիադաւան չէ դարձնում մարդը, որպէս անհատ եւ հաւաքականութիւն:

Կորցնելով իրենց արիութիւնը, այսինքն՝ իրենց առաքինութիւնները, ժողովուրդները կորցնում են նաեւ իրենց գոյութեան բարոյական իրաւունքը:

Արիութիւնն է կեանքի ու պատմութեան անհիւ շարժողը: Մեծ նկարագրեր, սրտեր, մտածումներ՝ արիութեան հարազատներն են, նրա արեւի ճառագայթներն են:

Արիութիւնը կորցնելով՝ ժողովուրդները կորցնում են իրենց մարդկային կարողութիւնները եւ առաքինութիւնները անկաշկանդ կերպով զարգացնելու եւ կատարելագործելու կարելիութիւնը:

Անարի ժողովուրդները ընկնում են օտար լուծի տակ, կորցնում իրենց անկախութիւնը, այսինքն՝ միակ հոգեւոր մբնուրութը, որի մէջ միայն հնարաւոր է ցեղերի առանձնայատուկ հանճարի փթթումը:

* * *

Քաջութիւնը երբեք չուկարացաւ մեր ժողովորդի հոգու մէջ, մինչեւ մեր անկախութեան վախճանը, որից յետոյ հայ ձեռքը պիտի զրկուեր դարերով գէնք կրելու կարելիութիւնից:

Յայութիւնը չգիտէ իր պատմութիւնը, ինչպէս եւ չգիտէ օգտուել իր պատմութիւնից, - ահա՝ իր դժբախտութիւնը:

Նա ծանօթ չէ իր հերոսական անցեալին, իր հիասքանչ դիւցազնականին, եւ դրա համար էլ նա հաւատում է ամէն ինչի, միայն ոչ իր սեփական բազկի ոյժին. դրա համար էլ իր ամբողջութեան մէջ նա անմարտունակ է եւ պարտուողական:

Նրա համար Աւարայրի Մամիկոնեանը աւելի սուրբ է, նահատակ քան հերոս, ռազմիկ:

«Մեզ պէս անռազմասէր ու երկշոտ է եղել եւ հին հայը, այլապէս ինչո՞ւ պիտի կործանուեր մեր թագաւորութիւնը», - այսպէս է տրամաբանում օրուայ հայութիւնը՝ մասնաւրապէս նրա առեւտրապաշտ մասը:

Նա չգիտէ, որ հայկական հարստութիւնները կործանուել են ոչ թէ արիութեան պակասի շնորհիւ, այլ մեր ցեղի ղեկավար տարրերի տարապայման երկպառակութիւնների եւ խռովութիւնների երեսից: Ինքնակործան են եղել գոեթ մեր բոլոր թագաւորութիւնները:

Նա ոչինչ գիտէ իր ցեղի հնաւանդ ռազմունակութեան եւ ռազմական մեծագործութիւնների մասին, եւ դրա համար էլ նա անհաւատ է դէպ իր բազուկը, անյոյս՝ դէպ իր ապագան: Դարերով հոգեւոր շանթարգելի դեր է կատարել հայ քաջութիւնը հայոց աշխարհի համար, զինաթափելով ու չէզոքացնելով բոլոր տեսակի մահաբեր հարուածները: Եթէ Յայաստան արշաւող թշնամի հորդաները եղել են ծովի ալիքները, ապա ինքնապաշտպանուող հայ արիութիւնը յաճախ հանդիսացել է որպէս ծովափեայ ժայռ, որին զարնուել եւ ցնդել են արտաքին թշնամութեան յործանքները:

Այո՛, օրուայ հայութիւնը չի ճանաչում իր դասական արիների համաստեղութիւնը: Իր անմեռ քաջերի պաշտամունքը նա չունի: Նա չէ դաստիարակուում նրանց մեծագործութիւններով: Ահա՛ մեր դժբախտութիւնը:

Եւ մեղաւորը ժողովուրդը չէ, այլ այն տարրը, որի ջանքերով ինքնաճանաչութեան է բերում ժողովուրդը: Մտաւորականութիւնն է մեղաւոր:

* * *

Մէկից աւելի անգամ դժբախտութիւն եմ ունեցել լսելու հայրենի պատմութիւն դասաւանդող հայ ուսուցչին եւ խորապէս ցաւել եմ մեր աշակերտող սերունդի համար: Մեռելների մասին է խօսում մի կենդանի մեռեալ: Պատմութիւնը նրա համար անհոգի կմախք է եւ ոչ թէ բարախուն սիրտ: Նա գիտէ ցամաք անցքեր, թուեր, անուններ... այսքանը միայն: Նա միեւնոյն տրամադրութեամբ է խօսում եւ Տիգրան Մեծի եւ Վեստ Սարգիսի մասին:

Դպարտութիւնից չեն դողում, չեն լայնանում նրա ռունգմերը, երբ պատմում է թէ ինչպէս պարսից արքան՝ հայ սպարապետի (Մուշեղ Մամիկոննեանի) անօրինակ քաջագործութիւններից հիացած, ամէն անգամ, երբ գինու բաժակը շրթունքներին կը մօտեցներ՝ կը դժուարանար չբացագանչել՝ «ճերմակածին գինի խմէ»:

Ամօթի զգացումը չէ այրում նրան, երբ իր խօսքը խռովասէր հայ նախարարների մասին է:

Սեղմ ասած՝ ստեղծագործ վերապրում չէ հայ ուսուցչին աւանդած պատմութիւնը, որովհետեւ իրեն պակասում է ազգային հպարտութեան նուիրական զգացումը:

Գերազանցորէն հայրենասէր,- ահա՛ թէ որպիսի մէկը պէտք է լինի պատմութեան դասատուն: Եթէ այդպէս չէ, ասել է՝ նրա տեղը դպրոցը չէ. ասել է՝ նա բարոյապէս ազատ չէ ձեռքն առնելու մեր ցեղի կեանքի սրբազան գիրքը:

Նահապետ, թագաւոր, սպարապետ

Հա՞յկը, անմեռ փառքը իր ցեղի, այսպէս կը խօսէր իր մարտիկներին.

«Յարմար վայրկեանին կը լարի փորձ որսորդն իր աղեղը եւ միշտ անվրէա ու մահառիթ է իր հարուածք»:

- Մի սեղմ խօսք, որի մէջ խտացուած է ռազմարուեստի ողջ գաղտնիքը:

Յարմար վայրկեանին մահառիթ հարուած,- ահա՛ թէ ինչ է պահանջում իմաստուն ռազմագիտութիւնը:

Այսպէս, բնազդական ռազմագիտ ու մարտավար է հայ նահապետը, որի աննուած արիասրտութիւնը այսպէս կը պատասխանէր Ներովքի բանբերներին՝ «Որսորդի հեռածիգ նետը պէտք ունի ազատ եւ ընդարձակ տեղերի»:

Ասել է՝ գիտ հայ ահաւոր աղեղնաւորը, թէ ժողովուրդներն անկաշկանդ կերպով զարգանալու համար հարկաւոր է երկու բան՝ յարաբերօրէն ընդարձակ երկրամաս եւ քաղաքական անկախութիւն:

Ահա՛ եւ Արամը, որն իր ուխտն ունի՝ մեռնել, բայց չտեսնել օտարի պղծիչ գարշապարը հայ երկրի վրայ:

Նինոսը, դեռ անծանօթ հայ բազկի ոյժին եւ նետի անվրէապութեան՝ հեղեղի պէս շարժում է դէպի Յայաստանի սահմանները՝ իր աշխարհակալական ազահութիւնը յագեցնելու յանդուգն ցանկութեամբ:

Արթուն է, սակայն հայ նահապետի աչքը, եւ ահա՛ սակաւազօր, բայց արիաշունչ մի զօրաբաժինով նա ոիմաւորում է թշնամուն իր երկրի սահմանների վրայ, արիամարհում է նրա բազմաւորութիւնը, նետուուն նրա վրայ, խորտակում նրա ոյժերը, եւ գերելով գոռոզ Մադէսին, բերում է Արմաւիր, ուր նրա զանկը երկաթէ ցիցերով մխում է աշտարակի բարձր գագաթի վրայ՝ առ ի խրատ Յայաստանի արտաքին թշնամիների...

Յաւասար չափով հայրենապաշտ եւ ռազմիկ է հայ նահապետը:

Ուխտի ոյժն է նրա ոյժը՝ մեռնել, բայց տեղի չտալ:

Խորտակելով Նինոսի գերադաս ոյժերը, նա ոչ միայն խստիւ պատժում է հայ երկրի թշնամիներին, այլեւ իմաստուն դաս է տալիս հայութեան գալող առաջնորդներին, թէ ինչպէս պէտք է ապահովել Յայաստանի անմատչելիութիւնը արտաքին վտանգի դէպում:

Յայ նահապետը պիտի ուզենար ասել՝

- Մահմ ու թշնամին միշտ էլ տեղի են տալիս մեռնելու մտքի հետ հաշտուած ռազմիկի առջեւ: Ուխտեցէք մեռնել եւ ձեր ճակատէն չափուի ընկնի փառքի պսակը:

* * *

Ահա՝ եւ հայ աշխարհակալը՝ Մեծն Տիգրանը:

Լսենք Պլուտարքոսին հայ մեծ ռազմիկի մասին, որ մինչեւ խոր ծերութիւն անձանք կը ղեկավարէր իր բանակները: «Չոռմէական ամենատաղանդաւոր զօրավարներն անգամ, թէեւ անհաշտ թշնամիներ, ընդունում էին, որ աշխարհի ամենահզօր եւ մեծ թագաւորները Միհրդատ Պոնտացին եւ Տիգրան Զայն է»: «Նա, Տիգրան Մեծը, այնպիսի ջարդ տուեց պարթեւներին,- ասում է Պլուտարքոսը,- որ մինչեւ մեր օրերը ոչ ոք չի կարողացել գերազանցել հայերին»:

«Տիգրանի անձնաւորութիւնը,- ասում է Դոլենսը,- կարող է մեզ ներկայանալ իբրև իր ազգի ամենաքննորոշ պատկերը: Նրա մէջ առաւելութիւնները եւ պակասութիւնները արտայայտում են մեծ ծայրայեղ չափերով: Որոշ դատաւորների աչքում պակասութիւնները շատ դեպքերում գերակշռում են»:

Ո՛չ, ո՛չ, անարդար է օտարի այդ դատաստանը:

Հայ աշխարհակալի թերութիւնները մեծութեան յատուկ թերութիւններն են:

«Որքան մեծ կարողութիւններ ու բոցավառութիւն ունի անհատը՝ այնքան աւելի գործունեայ է նա, այնքան աւելի սխալներ է կատարում»:

Ահա՝ եւ Արշակ, որը որպէս նշանակ պոնտացիների դէմ տարած իր յաղթանակի Սեւ Ծովու եզերքում կանգնեցնել է տալիս մի քարե կորող եւ ապա արձակելով նետը՝ խորապէս թաղում է նրա մէջ:

Եւ օտարը տարիներով պաշտում է հայ բազկի թափը խորհրդանշող բոլորատէգ նիզակը՝ համարելով դա գերմարդկային գործ:

Այս դիւցազնին պիտի յաջորդէր իր աշխարհակալ որդին՝ Արտաշէս Ա, որի բանակների մասին ասում է պատմիչը. «Երբ ամէնքը նետ արձակէին՝ արեւը կը մթագնէր, եւ եթէ ամէն մէկը քար նետէր՝ բլուր կը ծեւանար»:

Յպարտ էր, ռազմասէր եւ կ'եռար աշխարհակալելու կրքով:

Ըստ Դիտորոսի՝ մի մեծ երազ ուներ նա՝ նուաճել ողջ տիեզերքը: Ահա՝ այդ կամքի տիտանը, որ կը սիրէր յաճախ մտմտալ եւ աշխարհի ունայնութեան մասին պիտի բացագանչը մի օր՝ «Աւա՞ղ փառացս անցաւորի»:

Յապա Տիգրան թագաւորա՞ցն, Կիւրոսի աշխատակիցը, որը փրկեց Պարսկաստանը Մարաց Աժդահակի սարսափից:

Յապա Վահա՞զն, որդին Տիգրան Մեծի, հայ Յերակլեսը, որն իր անօրինակ քաջագործութիւնների համար կը պաշտուէր եւ վրաց ժողովրդէն:

* * *

Մեծն Տրդատը, բարեկամն ու դաշնակիցն էր աշխարհակալ Հռոմի: Ըստ Կոստանդիանոսի՝ «Արեւելքի ահեղանշան թագաւորը»:

Նրան ճանաչում է յաւիտենական քաղաքը, ուր նա դափնիով պսակուած էր իր քաջագործութիւնների համար:

Դիոկղետիանոսի օրով նա մենամարտել էր Գոթաց հսկայի հետ, յաղթել նրան եւ փրկել Հռոմի անունը: Յայերի քաջութեան հոչակը այնքան էր տարածուած Հռոմէացիների մէջ, որ Կոստանդիանոսը խնդրում էր հայ թագաւորէն Հռոմ ուղարկել երեք հարիւր «հասակով եւ արիութեանբ հոյակապ» հայ զինուորներ, որոնց պիտի նշանակէր որպէս զահապահ, թիկնապահ եւ որպէս առաջապահներ պատերազմի ժամանակ:

Այս մեծ հայը պատմութեան մէջ, իր գործերի հետ, թողել է նաեւ մի իմաստալի դարձուածք՝ «Մարդկային որութեան բարձունքներում արդար է այն, ինչ որ ուժեղ է»:

Նա պիտի ուզէր ասել եւ հետեւեալը.

«Եղէք քաջ, եւ աշխարհի ամենաուժեղն իսկ պիտի վնտոի ձեր զինակցութիւնը»:

* * *

Յայաստանի ամենանեղ օրերին էր, երբ բախտը հայ սուրը յանձնեց Մուշեղին, որ խնկելի Մամիկոնեան էր՝ անզուգական որպէս մենամարտիկ, ռազմավար եւ ասպետ: Յայ բազկի ոյժին ծանօթ թշնամին եկել, տիրել էր Միջագետքին եւ աւեր ու մահ էր սփռում մինչեւ Վասպուրական: Մուշեղին էր վիճակուած չափուիլ նրա հետ:

«Իբրեւ թռչուն ծիարշաւ կը սլանայ թշնամին: Ահագին է նրա գեղարդը, բայց ոչինչ: Յայ բազուկը ճարտարութեամբ յետ է մղում հակառակորդի առաջին հարուածը եւ ապա, անցնելով յարձակման, շանթահար գետին է փռում թշնամին: Յաղթական է հայոց զօրքը, Մուշեղի գլխաւորութեամբ: Մուշեղի համբաւը փառքի թեւերով կը տարածուի մինչեւ Ասորեստան, ուր օտար ժողովրդի հիացումը պողովատիկ գրչով կը գծագրէ Մուշեղի պատկերը՝ հայ սպարապետը Երիվարի վրայ եւ հոնը իր ոտքերի տակ:

Այս հերոսին էր վիճակուած, Պապ թագաւորի օրով, Յայ Երկրի ամբողջութիւնը Վերականգնելու ճիգեր կատարել: Այդ իսկ նպատակով նա Վերակազմում է Յայաստանի զինուորական ոյժը եւ Վերապրեցնում հայ գենքի հմայքը: Նա է սանձահարում եւ հնազանդութեան բերում Յայաստանի ծայրագաւառները:

Զօրահանդէս է, եւ ահա՝ թագաւոր եւ կաթողիկոս օրինում են Մուշեղի բանակը: Այլեւս պարսիկների սարսափն է Մուշեղը:

Ահա եւ Զիրաւը, ուր իրար են մաշում հայ եւ պարսիկ սրերը: Յայ սպարապետի քաջութիւնը այստեղ, այս անգամ էլ հոնանիշ է յաղթութեան: Մեծ է հայոց յաջողութիւնը, - եւ Երախստագէտ ժողովուրդը Զիրաւի յաղթութեան ժամը կոչում է «Ժամ Մուշեղայ»:

Եւ այդ մեծ ժամը,- որն ըստ մեր պատմիչների, իրաւունք ունէր Արտաշէսի եւ Տիգրան Մեծի շարքը դնելու իրեն, բայց մնաց մի համեստ սպարապետ,- մի օր պիտի զարնուէր հայ նախանձից: Վարազդատ թագաւորը, իր պալատական քսուներից թելադրուած՝ ընթրիքի է իրաւիրում մեծագործ Մամիկոնեանին եւ սպանել տալիս դաւադրաբար:

«Ի Վերայ բազում ինոց վաստակացն արեան եւ քրտան ա՞յս հատուցումն եղաւ ինձ», - ասում է հոգով դարնացած սպարապետը, ապա ցաւ է յայտնում, որ չէ մեռնում ձիու վրայ:

Այսպէս, Եղբայրասպան ծեռքից կ'ընկնէր նա, որն իր բոլորանուէր անձն էր դրել իր Երկրի շնուրեան ու ապահովութեան համար:

* * *

Ահա՝ Մանուկը Մամիկոնեանը:

Նա ունի գերագոյն իշանութեան նշաններ՝ սամոյր, ոսկէ եւ արծաթէ գարզմանակ⁵, սաղաւարտի զարդ, լանջազարդ, որ կը

կրեին թագաւորները եւ մեծամեծ արծուանշան վրաններ ունենալու իրաւունք:

Մի մտասեւեռում ունի այս մեծանուն հայ սպարապետը՝ Վերականգնել Արշակունիների թագաւորութիւնը: Ահա՛ թէ ինչու նա պիտի քշէր պարսկական զօրքերը Հայաստանի սահմաններէն դուրս եւ վերացնէր պարսկական մարզպանութիւնը: Պարսկաստանը, սակայն, չէ ուզում հաշտուել ստեղծուած դրութեան հետ եւ Հայաստան է մտցնում մեծամեծ բանակներ: Ահա՛ այդ կրիւներն էին, որ պիտի աճեցնէին Մանուէլի փառքը: Միայն երկու բիւրեակներով նա աննախընթաց յաջողութեամբ ջարդում է թշնամու մեծամեծ բանակները: Նրա նուիրական սրի վրայ երեք պարսիկ զօրավարների արեան հետքերը կան:

Վերջին անգամ այդ ծեր արիւծը չափում է հայ հայրենիքին այնքա՞ն չարիքներ հասցրած Մերուժանի հետ: ճակատամարտի ժխորի մեջ սպարապետը փնտռում է հայ դաւաճանին: Բայց ի զուր. չկայ, չի երեւում ուրացողը. իր նշանները նա տուել է կրելու իր մի զինուրիին եւ ինքը կրում է որպէս սոսկական զինուր: Հայ սուրը դիակի է վերածում եւ Մերուժանի շքանշանները կրողին: Դարձեալ ի զուր. դաւաճանը չէ սպանուածը: Վերջապէս, մատնեւում է հրէշը: Մանուէլը ճանաչում է նրան ձի նստելու եղանակից եւ յարձակում նրա վրայ: Ուժեղ է բախումը, եւ ահա՛ երկու ախոյեանները վայր են գլորուում ձիերից: Այդ վայրկեանին վրայ է հասնում Բարիկ Սիւնին եւ կտրում ուրացողի գլուխը: Վերստին պարսից զօրքերի բաժինն է խուճապը, կոտորածը, փախուստը...

Այդ փառահեղ օրէն հայոց աշխարհի վրայով խաղաղ տարիներ են անցել,- եւ ահա հայութիւնը՝ ծերացած: Դառնօրէն լալիս է մեծ սպարապետը, որ մեռնում է կռուից դուրս: Ա՞հ, նա, որ կ'երազէր արծուի իր աչքերը փակել մի զոյ ճակատամարտում, հայոց զօրքերի յաղթական աղաղակների մեջ, այժմ կը հոգեվարէ անկողնում: Հայ հսկան՝ ապաւենը հայոց աշխարհի՝ բիբլիական պարզութեամբ մերկացնում է իր մարմինը իր մահիճը շրջապատողների առջեւ եւ ցոյց տալիս պատույ իր վերքերը՝ ստացուած հայ երկու անկախութեան եւ փառքի համար:

Նա թողնում է իր անարծաք կտակը՝ «Անուն քաջութեան յերկու թողուք եւ ամենեւին մահուանէ մի երկնչիք»:

Վարդան

Վայրկեաններ կան, աստուածային պահեր, երբ անհատն աւելին է, քան սոսկական մարդ, օրինակ՝ երբ նա համոզուած է, որ իր առնելիք հերոսական խոյանքի ժամանակ շանթահար պիտի լինի, պիտի զարնուի մահեն, բայց եւ այնպէս առնում է իր վերջին թոփչը: Այո, այսպիսին այլեւս աւելին է քան մարդ: Այսպիսիներից եր Աւարայրի Վարդանը՝ խնկելի առարկան իր ժամանակի հայութեան հիացումի ու սիրոյ:

Արդար է, որ Վարդանի մասին մտքի գինովութեամբ խօսի Ալիշանը: ...«Եւ երբ մեծամեծ ոսկեփայլ գալարուն եւ անգալար պղինձներն լայնաբոլոր բերաններն յերկինք շտկած՝ իբրեւ յետ երկայն հառաջանաց՝ հայկական պատերազմի եղանակը հնչեց, ո՞հ, բոլոր բանակն, գետին ու լերինք թնդալով դոփելով որոտացին. «Փա՞ռք հայոց, սուրբ սպարապետ, Վարդան քաջ»:

Հայոց ընդամենը վեց բիւրեակ զօրք դիւցազնի գլխաւորութեամբ ճակատ է յարդարել պարսից եօթնիցս առաւելաթիւ ուժերի դէմ: Այս անգամ հայ ռազմիկը հագած է եւ հաւատքի զրահ: Այստեղ էլ թշնամու կողմն է թուական գերազանցութիւնը, բայց ոչի՞նչ: Զինակցած են հայ խաչն ու նիզակը: Հայը մեռնիլ գիտէ եւ ահա՛ սկսուել է տերեւաթափը պարսից սուխնների անտառում: Բայց - անէ՞՞ք դաւաճանին - պարսկասէրների կուսակցութեան պետի ղեկավարութեան յանձնուած չորրորդ հայ գունդը անսպասելիօրէն անցնում է թշնամու կողմը՝ յաջողութեան նժարը թեքելով անարի թշնամու կողմը: Եւ հայ ժողովողի հետ ողբում է նաեւ պարսից արքան՝ յիշելով հայ ռազմիկի անլուր քաջագործութիւնները «ի վերայ աշխարհին արեաց»:

* * *

Աւարայրից իսկ յետոյ հայութիւնը անխօս կը յայտարարէր իր հարեւաններին՝ «տակաւին անխոնարհելի է իմ բարկութեան սուրը», քանզի հերոսական ամէն մի մահ աշխարհ է բերում նոր հերոսներ, քանզի Վարդանին յաջորդել եր իր եղբօրորդին՝ Վահանը, որն իր ռազմավարական վարպետութիւնների համար հիացող ու պաշտող ժողովողի կողմից Գայլ անունն է ստացել:

Վահան, Աշոտ Երկաք, Բաբգէն Սիւնի, Գէորգ՝ Երկաքի զինակիցներէն, Դաւիթ Կուրապաղատ, Վասակ՝ Սմբատ Բ.-ի զօրավարը,- ահա՛ փաղանգը հայ պարտիզան ռազմիկների, մէկը միւսէն կայծակնաշունչ, պատերազմափորձ եւ արի. բոլորն էլ ծանօթ՝ սակաւ ոյժերով մեծաթիւ բանակների դէն յաղթական կանգնելու աստուածային արուեստին. բոլորն էլ մահուան հետ կանխածանօթ եւ անմահացած՝ իրենց քաջագործութիւններով:

Պարսից սպառազէն բազմութիւնները հեգնող Վահան Մամիկոնեանը մի օր անսպասելիօրէն պաշարլում է Դուինում: Չուզելով պատճառ դառնալ քաղաքի դժբախտութեան՝ հայ ասպետը դուրս է նետւում քաղաքից, ճեղքում պարսից զօրաշուան եւ անցնում Շտղագոմ գաւառը: Թշնամին նրան պաշարում է եւ այստեղ, բայց ի զուր: Անընկճելի եւ հնարագէտ է հայ ռազմիկը: Բահ ու բրիչներ տալով գիւղացիների ձեռքը, նրանց բերում շարում է իր զօրամասի գրաւած դիրքերի վրայ եւ ապա մի բուռ կտրիծ պարտիզանների հետ, թեւանցի դիմելով, շանթի պէս ընկնում է պարսից զօրքերի վրայ, խուճապի, խռովութեան ու ջարդի մատնելով թշնամուն:

Մի ուրիշ անգամ այդ օրինակելի պարտիզանը Շապուհի զօրքերը յանկարծակիի է բերում երեք տասնեակ ուխտակիցներով միայն, այնուհետեւ մնալով ահն ու սարսափը պարսից զօրավարների, որոնք դրոյրում են նրա անունից անգամ:

* * *

Ահա՛ եւ Երկաք ռազմիկը, Աշոտ Բ-ը, որ Երկու հարիւրակ հրոսակներով իր խօլական թռչքն է առնում Շամշուդէ բերդի դէմ, որի պաշտպանութիւնը յանձնուած էր հազար բերդապահների: Կայծակի արագութեամբ նա խորտակում է թշնամու ասպարակակ ճակատը եւ սեպաձեւ թաղլում նրա ջոլիրների⁶ մէջ: Շատ քիչերին է յաջողլում փրկել իրենց կաշին:

Մի ուրիշ անգամ Երկու հարիւր ռազմիկներով նա դուրս է գալիս թշնամու ութ հազարի դէմ եւ «իբրեւ հողմ» փոթորկում, ցանուցրիւ տալիս թշնամու զօրամասերը, դափնեպսակելով հայ պարտիզանի ճակատը:

Երկաքն իր ուխտակիցներն ունի, որոնցից մէկը գործում է Գեղամայ լժի ափերում: Գէորգն է դա, որին մի օր յանկարծակիի է բերում հազարացւոց մի հազարեակ: Ոչինչ, կտրիծ հայը, թող որ

միայն երկու տասնեակ առձեռն զինակիցներ ունի, չի տատանուած ծիարձակ նետուելու թշնամու վրայ եւ փախուստի մատնելու նրան: Այստեղ էլ հայ արիութիւնը չէ հարցնում թշնամու թուի մասին:

Կայ եւ Թովմաս Արծորունու կողմից փառաբանուած Գուրգէնը՝ որդին Վասպուրականի իշխանի, որը հազարի շիամող իր զօրագնդով ջարդում է Բուղայի մէկ ու կէս բիւրեակ ոյժերը: Նոյնը Սպեր գաւառում չորս տասնեակ պարտիզաններով պարտութեան է մատնում յունական մի հազարեակ: Յոյն զօրավարը զարմացած մի բուռ հայ կտրիճների անօրինակ հերոսութիւնից՝ այդ մասին տեղեկագրում է յունաց Միքայէլ թագաւորին: Գուրգէնի ձեռքը դրուած հայ սրի ոյժը զգում են եւ տաճիկները:

Դայ կտրիճից ծեծուած ու փախուստի մատնուած տաճիկ զօրքը, օրեր անց՝ կրկնում է իր յարձակումը հայերի դէմ, բայց վերստին ջարդն ու պարտութիւնն է լինում իր բաժինը:

Բուղան լսելով հայ արիութեան տարած այդ նոր յաղթութիւնների մասին, փոխում է իր քաղաքականութիւնը եւ սուսեր, զօտի եւ արաբիկ երիվար ուղարկում Գուրգէնին, կարգում է նրան իշխան: Այսպէս, հայ արիութեան գնով է ձեռք բերում եւ Վասպուրականի ժամանակաւոր խանաղութիւնը:

Մեր դասական պարտիզանների փայլուն համաստեղութիւնից է եւ Բարգէն Սիւնին, որը Սիւնիք ներխուժող արաբական չորս հազարից անց զօրագունդը իսպառ ոչնչացնում է երկու հարիւրակ պարտիզաններով: Դաւիթ Կուրապաղատը, որ տասնապատիկ նուազ ոյժերով աննախընթաց յաղթութիւն է լուանում] Ապահունիքում բանակած արաբ հարիւր հազարից անցնող զօրքերի դէմ:

Վասակը՝ Սմբատ Բ.-ի սպարապետը՝ լսելով սկիւթացւոց ներխուժման մասին – որոնց ալիքը կը մօտենար Բջնի բերդին, սակաւաթիւ զօրքով դուրս է գալիս նրանց դէմ:

Տեսնելով սկիւթացւոց անհաշիւ ու խառնախորի բազմութիւնը, հայերը վճռում են առաքինանալ կրում: Եւ գործի են անցնում «որպէս գայլ ի մէջ այծեաց»: Թշնամու շարքերից դուրս է նետում մի քաջ ախոյեան, որին իւրայիճները, «եօթը գայլ» կը կոչէին՝ իր ոյժի եւ յանդգնութեան համար, եւ առաջ է խաղում որոտալով «որպէս սեւ ամպ»: Բայց փա՞ռք հայ սպարապետին եւ

իր պողովատ թուրին. սկիւթացի հսկան փուլում է գետին, իսկ զօրքը սարսափով բռնւած փախչում է Հայաստանից:

Ահա մէկը մեր քաջանուն Աշոտներից, որի արիական շարժուծեւի մասին չէ կարելի խորհրդածել առանց հիացումի:

Աղօթքի ժամն է եւ հայ ռազմիկը Աստուծոյ հետ կը խօսի: Աղօթքի դրութեան մէջ թշնամին կը պաշարի հայ զօրականին, բայց անկարող կը լինի խանգարել նրա խօսքն ընդ Աստուծոյ: Նա լուր է, բայց դուք լսում էք նրա խօսքը՝ իմն է յաղթութիւնը, քանզի «Ես նոր իւղով օժուեցայ»:

Հաւատքի զրահով զինուած հայ մարդը անխօնվ կը վերջացնի իր աղօթքը եւ ոտքի կը կանգնի՝ թշնամու յանդգնութիւնը պատճելու վճռականութեամբ: Որպէս փորձ[առու] ռազմավար, նա իր հարուածներն նախ ուղղելով թշնամու գլխաւորների դէմ, գետին կը գլորէ նրանց, որից յետոյ ջարդի եւ փախուստի կը մատնէ նրա անտիրական զօրախմբերը:

Ահա՝ մի ուրիշը մեր Աշոտներէն՝ Վասպուրականի իշխանը, որի զօրամասի վրայ Տարօնի դաշտում անսպասելիօրէն յարձակում է արաբական հսկայաթիւ այրուծին: Բարձրանում է հայ առիծի մոնչիւնը եւ նրա զօրքը, որպէս պողպատէ պատնէշ ցցւում է թշնամու հեծելազօրքին դէմ: Կորցնելով իր աջը, հայ իշխանը գործել է սկսում ծախ ծեռքով: Սերք ընդ մերք լսում է Աշոտի յուսասու կանչը եւ հայ զինուորները, կատաղութեամբ գինով, առաջանում են որպէս գնչաւոր ու շարժուն պարիսապ: Ահաւոր է, անհաւասար գիրկընդիւն կրիւը: Ահա՝ մէկ էլ վերջին անգամ բարձրացաւ վիրաւոր առիծի մոնչիւնը, մի վերջին յոյժ յանդուգն գրոհ եւս,- այլեւս մինակ են հայերը կոռւադաշտում, քանզի խելակորոյս փախչում է թշնամին իր մեռելները կոխվոտելով:

Ահա՝ արի արանց մի այլ փաղանգ, որոնց քաջագործութիւններից այնքան օգտուել են օտարները.- Բարիկը՝ Անդոկ իշխանի որդին, Դրաստամատը, Աշոտ Արծրունին, Սմբատ Բագրատունին, Զօրավար Վասակը եւ այլն:

Յոները, որոնք իրենց ձիերի թամբերի տակ կ'եփէին միսը, նեղն էին դրած դուռն ու երկիրը: Այդ բարբարոսների շարքերից առաջ էր նետուել Յոնանդուր անունով մէկը եւ ասպարէզ էր կարդում պարսից թագաւորին: Անհնարին բարձր էր հասակը հսկայի: Իր ահեղատիպ տեսքով ու սպառազինութեամբ նա

զարիհուրանք էր մտցրել պարսից ու մարաց գօրքերի մեջ: Յայ նախարարների խորհրդով Շապուհը Յոն հսկայի դեմ է հանում Սիւնեաց Բարիկին, որը պարսից արքունիքում բազմիցս աչքի էր ընկել իր քաջագործութիւններով: Ակսւում է մենամարտը Եւ հայ քաջազնի նիստի սուսերը գետին է փոռում «Վիշապազօր» հիւսիսականին:

Այս հայն է, այստեղ էլ հայն է, որ փրկում է կեանքը, երկիրը, փառքը օտար վեհապետի: Ի վարձ իր այդ ճակատագրական քաջագործութեան՝ Բարիկը ստանում է իր հայրենական տէրութիւնը՝ Սիւնեաց Աշխարհը: Քաջ հօրը պիտի յաջորդէր իր որդին՝ քաջաց նուիրակ Գրիգորը:

* * *

Գիտենք, որ հայ արիւութիւնն էր, որ յանձին Տիգրան թագաւորազնի՝ Աժդահակի բռնութիւնից փրկել էր Պարսկաստանը, իսկ տիրասէր Դրաստամատի միջոցաւ պարսկաքուշան պատերազմում ազատել էր պարսից արքայի կաշին վերահաս վտանգից:

Ահա՝ օտարի փառքն աճեցնող մի այլ դիւցազուն՝ Աշոտ Արծրունին, որ զրկուած իր հայրենի երկրից՝ կը պահուէր Ամիրապետի արքունիքում:

Տաճիկներն ապստամբել են արաբ տիրապետութեան դեմ: Ամիրապետի որդի Մուսէն, իր հետ առած Աշոտին, շարժում է ապստամբների դեմ: Նա խոստացել է հայ իշխանին վերադարձնել իր տէրութիւնը, եթէ յաջորդութեամբ պսակուի իր արշաւանքը:

Յիւանդութիւն ձեւացնելով, հայ քաջը սկզբում չի նասնակցում ճակատամարտին, մինչեւ որ արաբների դրութիւնը կը դառնար սպառնական, որից յետոյ աշտանակելով իր երիվարը, խրախոյսի խօսքերով նա կը դառնայ հայ ռազմիկներին՝ «Յապա՝ հայոց քաջեր, այժմ թող ճանաչեն մեզ Եւ մեր արիւութիւնը»: Գործի է սկսում հայոց ազատագունդը ու ժամեր յետոյ բախտը իր վճիռն արձակում է ի նպաստ արաբների:

* * *

Ահա՝ Եւ Սմբատ Բագրատունին, որ բախտորոշ ծառայութիւններ է կատարել պարսից արքունիքին: Մենամարտելով նա սպանել է հեփթաղների արքային՝ աճեցնելով պարսից փառքը:

Թշնամիների չարախօսութիւններից տարուած, պարսից յինար թագակիրը մի օր երախտաշատ հայու վրայ բաց է թողնում գազաններ: Յայ կտրիճը զարկում, սպանում է արջը, բռնելով եղջիւններից, սպանում է ցուլը: Բռնելով արիւծի ականջներից, հեծնում է նրան: Քաջութեան այդ հրաշախառն գործերն նա կատարում է մի օրուայ մէջ եւ վերստին մեծարուում անհաստատ արքայէն:

Յասակով բարձր, տեսութեանք գեղեցիկ եւ անասելիօրէն բաց է հայ զօրականը: Անտառներից անցնելիս երկու ձեռքով նա բռնում է ծառի ծիւղերը եւ ոտքերով բարձրացնում ձին:

Սմբատի քաջութիւնը անթառան դափնիներ է խլել Վարդանակերտի ճակատամարտում, որն այնքան դրուատել են հայ պատմիչները:

Այս կրուում իսմայիլացիները թւապէս կը գերազանցէին հայերին գրեթէ տասն անգամ, բայց եւ այնպէս հայերը անմահ Բագրատունու առաջնորդութեանք ջարդում են թշնամու զօրքերի մի մասը, իսկ մնացած ոյժերը հալածական առնելով թափում են Երասխը:

* * *

Ստոր խաբէութեանք պարսից արքունիքն է կանչուած Վասակ Զօրավարը՝ ծանօթ հերոսը պարսկահայ Երեսնամեայ պատերազմի:

Շապուհը - Աղուէն, դո՞ւ էիր, որ այսքան տարի կոտորում էիր արեաց գինուորներին: Այժմ դու կը սպանուես աղուէսի պէս:

Վասակը – Մի ժամանակ առիւծ էի քեզ համար, այժմ եմ աղուէս դարձել: Քանի որ Վասակն էի, հսկայ էի, մի ոտս մի սարի վրայ էի դրած, միւսը՝ մի ուրիշ սարի վրայ: Երբ աջ ոտիս վրայ էի յենում, աջ ոտքս էր մտնում գետնի տակ, իսկ երբ ձախ ոտիս վրայ էի յենում, ձախ սարն էր գետնի տակ անցնում:

Շապուհը հետաքրքրուեց իմանալ, թէ այդ ի՞նչ սարեր են, եւ Վասակը բացատրեց, թէ մէկը ինքը Շապուհն է, միւսը յունաց թագաւորը:

Եշնարտութիւնն էր, որ հայ զօրավարի շրթունքներով կը պատասխանէր պարսից գահակալին:

Յայ արիութիւնն էր, որ դող ու դեղնութիւն կը պատճառէր երկչուտ արքային, որը չափուի յապաղէր հրամայելու, որ խաբէ-ութեամբ մորթեն թակարդուած իր հակառակորդին:

* * *

Յապա Անի քաղաքի ամազոնուիհի՞ն՝ հայրենանուէր ու արիասիրտ Այժեամն, որ կ'առարինանար բերդաբաղաքի պարիսպների վրայ. առնացի հայուիին, որը Անիի պաշարնան ժամանակ, բերդի պարիսպի վրայ բարձրացած՝ քարեր գլորելով ի դերեւ կը հաներ թշնանու ներխուժման փորձերը, որն իր եւ հայ ռազմիկների կրծքերից դուրս կը քաշէր արաբացւոց նետերը եւ կը վերադարձնէր թշնամուն...

* * *

Երկարե՞լ: Ի գո՞ւր: Մե՞ծ է փաղանգը մերազնեայ արիների, քաջերի եւ հերոսների, որոնց փառքի չափ, աւա՞ղ, մեծ եղաւ եւ իրենց ապրած ողբերգութիւնը: Մէկի քաջութիւնից օգտուեց օտարը միայն, միւսն իր արիւութիւնն սպառեց իւրայինների դէմ, երրորդը՝ կարելիութիւն չունեցաւ Յայաստամին ի սպաս դնելու իր բովանդակ ոյժերը:

Այս եւ այլ պատճառներով շատ քիչերի անուան եւ գործերի յիշատակն է պահել հայոց պատմութիւնը: Յայը – որպէս զինուոր եւ զօրավար - ճակատագրական դեր է խաղացել պարսից, մարաց, յունաց, թաթարաց, արաբացւոց, բուլղարաց եւ այլ օտարազգի բանակների մէջ:

Եւ օտար պատմիչները՝ իրենց ցեղի փառքին նախանձախնդիր՝ հայ հերոսութեան մեծագործութիւնները վերագրել են իւրայիններին կամ էլ վատօրէն գրել «ի ջուր մոռացութեան»:

Յայկազն Վարդանը, Բիւզանդիոնի հայազի Չընըշկիկ թագավորի զօրապետը, որի բազկի ոյժը՝ քանիցս զգացել են Թրակիան ասպատակող թուրքը, ռուսը, բուլղարը, յոյն պատմիչների կողմից պիտի վերանուանուէր Վարատաս:

Վեցերորդ դարում, Յուստինիանոսի օրով յօգուտ յոյների նշանաւոր քաջութիւններ է ցոյց տուել Ներսէս Յայկազունը:

Իններորդ դարու սկզբում յոյների համար գործում էր Մանուէլ Մամիկոնեանը:

«Ես չեմ կարող,- ասում է Գ. Շլումբերգերը, - լռութեամբ անցնել, որ Բիւզանդիոնի ամենամեծ զինուորական կայսրերից շատերը հայկական ծագում են ունեցել: Բիւզանդական բանակի պատմութիւնը լի է հայազգի նշանաւոր զօրավարների անուններով: Կրկնում են, որ ես ուզում էի միայն մի քանի խօսք ասել հայ ազգի պատերազմական հնաւանդ արժանիքի մասին, եւ որ ուրիշներին եմ թողնում ասել, թէ այնքան փայլուն յատկութիւններով օժտուած այս ժողովուրդն ինչե՞ր է արել ժամանակին՝ արուեստների եւ գրականութեան աշխարհում»:

Յայն իր արիութեամբ ճամբայ է բացել եւ դէպի բուլղար գահը:

«Ծագումով անոնք Ղերջանցի հայեր էին, որոնք Վասիլ կայսեր վարձու բանակներուն կողմէ բերուած էին Մակեդոնիա, պուլկարներուն դէմ պատերազմեցնելու նպատակով: Յարմար առիթին, անոնք խոյս տալով յոյն կայսրէն, անցան պուլկար թագաւորին կողմը, որ Խιսկիացի մըն էր ու իրենց քաջագործութիւններուն ու հերոսութիւններուն հետեւանքով կրցան շուտով բարձր աստիճաններու տիրանալ,- կ'ըսէ Պրոֆեսոր Կացարով:

Սրանցից մէկը մի օր պիտ բազմէր բուլղար գահի վրայ, Յար Սամուել անունով:

«Միհրդատի բանակներում հետեւակ նետաձիգները, որոնք գլխաւորապէս Փոքր Յայքից էին հաւաքում, ծովի թէ ցամաքի վրայ աչքի ընկան իրենց ճարպիկութեամբ եւ քաջագործութեամբ: Սուլլան այնքան գնահատեց սրանց արժանիքը, որ Ղարտանի դաշնագրութեան մէջ (Քերոնիայի ճակատամարտից յետոյ, 85-ին) մի կէտ մտցրեց, որով Միհրդատի յանձնուած պատերազմական նաւերը, պէտք է իրենց նետաձիգներով միասին լինէին»:

Արաք տարեգրերը կը խօսին Եարնուքի ճակատամարտում⁷ Յորդանանի ափերի վրայ, հայ աղեղնաւորների ցոյց տուած ճարպիկութեան ու արիութեան մասին, նրանց գործը անուանելով «գործ կուրութեան», քանզի հայերը կը սպանեն եօթը հարիւր արաք կտրիճներ, բոլորին էլ աչքերէն զարնելով:

Թաթարաց պատմութեան մէջ կը կարդանք, թէ Յալաւուն խանը շատ կը սիրէր հայոց եւ վրաց զօրքերը իրենց նշանաւոր քաջութեան համար:

Այդ ցեղի զօրագլուխներէն Բաշուն, իր գրեթե բոլոր յաղթութիւնները տարել է հայ եւ վրացի գնդերի շնորհիւ, որոնց կը գործածէր՝ որպէս առաջապահ:

Թաթարները յարձակում են Իկոնիոյ վրայ: Խիյաթէդին զօրաւոր Սուլթանը հարիւր հազար զօրքով դուրս է գալիս թշնամու դէմ: Թաթարական բանակի մէջ է մեծն Վահրամայ որդին (Գագայ իշխանը), որը հայ եւ վրացի ազատագնդերով ջարդում է Սուլթանի բազմահազար բանակի աջ զօրաթերը եւ վճռում ճակատամարտի բախտը:

«Մանաւանդ Ռուբինեանների օրով – Կ’ըսէ Ծլումբերգեր – Խաչակիրների ժամանակ, Փոքր Հայաստանի թագաւորութիւնն վիթխարի նեցուկ է հանդիսացել Արեւելքի Ֆրանկ իշխանութիւններին, Անտիոքի իշխանին, Երուսաղէմի եւ Կիպրոսի թագաւորներին՝ Հալէպի, Դամասկոսի եւ Կահիրէի մահմեդական իշխանների դէմ նրանց մղած անվերջ կրիւներում: Ուրիշներին թողնելով պատմել զրաբարտուած հայ ազգի հոյակապ գործերի մասին քաղաքակրթութեան, արուեստների եւ գրականութեան զանազան ասպարէզներում, ես կ’ուզէի մի քանի խօսք ասել, թէ ինչ էին հայերը զինուրական տեսակետով միջին դարերում»:

«Potentissimus, ամենազօրաւոր’», - ահա՝ պատուանունը, որով լատին իշխանները իրենց աղաչաւորների բերնով կը դիմէին Թորոսին՝ Նուլերինի դէմ դուրս գալու համար:

«Քրիստոնեայ Եկեղեցու եւ հանրապետութեան հանդէպ հայ ազգի ուրիշ արժանիքների մէջ կայ մէկը, որ վսեմ է եւ առանձնապէս յիշատակելի. դա այն է, որ, երբ ժամանակին քրիստոնեայ իշխաններն ու բանակները գնում էին ազատելու Սուրբ Երկիրը, ոչ մի ազգ եւ ոչ մի ժողովուրդ աւելի արագ եւ աւելի եռանդով, քան հայերը, չփութաց նրանց օգնել մարդկանցով, ծիերով, մթերքով, խորհուրդներով. այդ սրբազան պատերազմուն նրանք քրիստոնեաններին օգնեցին իրենց բոլոր ոյժերով, ամենամեծ արիութեամբ ու հաւատարմութեամբ»:

Ահա՝ եւ ժամ դը Մորգանի կարծիքը.-

«Կիլիկիայի հայերին մենք պարտական ենք մօտ վեց դարուց ի վեր, ուստի եւ այդ պարտքը աւելի նուիրական է... Երբեմնի հզօր այս ժողովուրդը հրովմայեցինների, բիւզանդացինների եւ պարսիկների հետ վարւում էր այնպէս, ինչպէս հաւասարը հաւասարի հետ»...

Ահա՝ հայը, այդպէս էր հին հայը, որի մասին սիրում եմ յաճախ գրեթ արբեցուցիչ քաղցրութեանք կրկնել Խորենացու ուկեղինիկ խօսքերը.

«Ի մէջ պատերազմաց իբրեւ հուր ընդ եղեգն ընթանային տիրասէր ազգն Մամիկոնեանք»:

Բնազդական ռազմիկ էր հին հայը, եզակի գինուոր մինչեւ իր ծերութիւնը:

Իբրեւ շանթ, անսպասելիօրէն ընկնել թշնամու վրայ՝ այդ էր հին հայի ռազմավարական ձեւերէն ամենամշակուածն ու սիրելին:

Յաւասար ոյժերով եւ ոչ մի ժողովրդի է յաջողել արգիլել հայ արիութիւնը իր ճամքու վրայ, իր խոյանքների ժամանակ:

Նա գիտէր մեռնել՝ ահա՝ իր ոյժը:

Արագահաս էր ու մահացու իր հարուածը, շանթահար, արիւնընծայ եւ փառունակ իր մահը:

Գոռոզ էր, ինքնայարգ եւ պատկառազդու:

Փա՞ռք, փառք հայ դասական հերոսականին, որը վերապրեցնելով միայն՝ հայութիւնը պիտի կարողանայ անկախօրէն պահել իր տեղն արելի տակ:

* * *

Չգիտե՞ս, հայ մարդ, չգիտե՞ս ցեղիդ պատմութիւնը - ասել է՝ չգիտես ժողովրդի ապրած ողբերգութեան պատճառները. ասել է՝ չգիտես, թէ ինչո՞ւն է նրա ոյժն ու տկարութիւնը. ասել է՝ աղէտալիօրէն քեզ կը պակասի ցեղային ինքնաճանաչութիւնը – մեկը եւ ամենայուսալին այն փարատիշներէն, որոնցով պէտք է կրուել պարտուողականութեան ախտի դէն, որն այսօր մեզ, որպէս ազգ, սպանելուց առաջ աշխատում է նախ ծիծաղելի դարձնել մեր ահաւոր ողբերգութեան մէջ:

Սիրի՛ պատմութիւնը:

V ՑԵՂԱՅԻՆ ԲԱՐՈՅԱԿԱՆԸ

Մէկ էլ բանանք մեր ցեղի կեանքի գիրքը, ճանաչենք մեր ժառանգական բարոյական թերութիւնները՝ մեր ժողովրդի քաղաքական խեղճութեան ներգործօն պատճառները հասկանալու համար:

Պատմութիւնը ասում է.-

Իր գոյութեան ձիգ տարածութեան վրայ չի եղել մի դէպք, որ հայութիւնը իր բովանդակ բարոյական եւ նիւթական ոյժերով ծառացած լիներ թշնամու դէմ՝ արտաքին վտանգը զինաթափելու վճռականութեամբ: Հայաստան ներխուժող թշնամին երթեք իր դէմ չէ տեսել բովանդակ հայութիւնը միացեալ ճակատով՝ արտաքին աղէտը յետ մղելու վճռողականութեամբ: Թշնամին միշտ էլ ոտք է դրել Հայաստանի հողի վրայ հայ կեանքի այն խառն ու խռով շրջաններում, երբ մեր ցեղի քաղաքական ճակատագիրը վարողները զբաղուած են եղել ներքին կրիւներով:

Երկապառակութեան ախտը յաճախ եւ յաճախ ի դերեւ է հանել մեր ցեղի դասական քաջութիւնը: Երբ մեր արիութեան միացած չէ եղել մեր միաբանութիւնը՝ միշտ էլ չարաչար պարտութիւնն է եղել մեր բաժինը: Խսկ երբ նախարար, իշխան, թագաւոր եղել են հաշտ ու համերաշխ՝ միշտ էլ յաղթել է թեւարաց արծիւը հայոց:

Այն բոլոր ժողովուրդներից, որոնք բարեկամաբար թէ որպէս թշնամի, ոտք են դրած հայ հողի վրայ, ոչ ոք արիութեամբ չէ գերազանցել հայուն: Օտարը Հայաստանում յաջողութիւն է ունեցել աւելի որպէս աղուէս քան առիւծ: Հայաստանը որոշ ժամանակաշրջաններում, աւելի հայէն է պարտուած եղել քան օտարէն:

Ուզում են ասել, թէ ներքին թշնամին է եղել հայ բազուկը տկարացնողը: Նա է առաջնորդել օտար օօրքերը դէպի հայկական լեռնակղզին: Նրա դաւաճանութիւնն է յաջողութեան նժարը յաճախ թեքել թշնամու կողմը: Եւ եթէ Հայաստան երկրում երբեւիցէ հնարաւոր է եղել որեւէ համազային ծեռնարկ յաջողութեամբ պսակել՝ դա նշանակում է թէ այդ ժամանակաշրջանում է եղել թշնամին:

Այո՛, աշխարհակալ ազգերի սուրը չախտի կարողանար բաժանել հայ երկիրը, եթէ հայ պետական գործչի նախանձը ու անհամերաշխութիւնը չնպաստէին թշնամուն:

Տրամաբանօրէն ի՞նչ է հետեւում այդ ամէնից.-

Այն, թէ հայ ժողովուրդի պատերազմներում պարտուելու պատճառները եղել են գերազանցօրէն հոգեբանական. թէ մեր ցեղի անմիաբանութեան թերումով հայ գէնքն ու բազուկը աւելի օտարին են ծառայել քան հարազատ երկրին. թէ թշնամին յաճախ տիրել է Հայաստանին ոչ թէ յաղթական սրով, այլ այս կամ այն հայ պետական գործիչ դաւով ու դաւաճանութեամբ:

Կարձ. արտաքին թշնամին իր գէնքի յաջողութիւնները Հայաստանի հողի վրայ աւելի մեր հոգեբանական թերութիւններին կը պարտի քան իր կարողութիւններին:

* * *

Մինչ Ե՞րբ այդպէս: Մինչեւ Ե՞րբ հայոց պատմութիւնը շարունակէ մնալ կրկնութիւնը մեր աղետալի թերութիւնների եւ սխալանքների: Ո՞ւր է ելքն այս աննախընթացօրէն ցածր վիճակից, որը մայր երկրին կը սպառնայ գլխովին ոչնչացմամբ, իսկ գաղութների հայութեան աստիճանական ապազգայնացմամբ:

Ո՞րն է այն փրկարար միջոցը, այն համադարմանը, որ հանդիսանար փարատիչը մեր ժառանգած բարոյական ախտերի, որ հոգեփոխէր եւ ապրեցնէր մեզ որպէս ազգ, որ դարձնէր մեզ կարող ներգործօն ինքնապաշտպանութեան եւ ընդունակ՝ պետական անկախ կեանքի:

Ցեղային բարոյականն է այդ միջոցը, որ պահանջում է երկու քան. առաջինը՝ քաղաքական միակրօնութիւն, երկրորդը՝ զարգացումն այն բարոյական յատկութիւնների եւ ռազմարուեստագիտական կարողութիւնների, որոնք համապատասխան են մեր ժողովուրդի հաւաքական կարիքներին եւ էապէս անհրաժեշտ՝ մեր ժողովուրդի նիւթական եւ հոգեւոր ինքնապահպաննան համար:

Արդի մեր ողբարի վիճակում, երբ մեր հայրենիքի ռազմագիտական բանալիները յանձնուած են օտար դրնապաններին, եւ երբ սպասւում է թրքական մահառիթ հարուած՝ ցեղային բարոյականն է, որ ինաստուն կերպով տեսնել պիտի տայ բարոյական եւ նիւթական այն հսկայական ուժերը, որ այսօր հայութիւնը կը վատնէ ընդունայն: Ցեղային բարոյականն է, որ ռազմարուեստին ծառայող բոլոր գիտութիւնները պիտի լծէ մեր ժողովորդի ինքնապաշտպանութեան դժուարին գործին, ինչպէս եւ ամբարտակ պիտի կանգնեցնէ այլասերման հեղեղատի առջեւ:

Ապրիր համաձայն ցեղիդ իդէալի, ապրիր համաձայն ցեղիդ բարձրագոյն սկզբունքներին:

Դատապարտելի եւ բարոյագուրկ է այն երջանկութիւնը, որ հակասութեան մէջ է հաւաքական երջանկութեան հետ, որ նպաստում է ցեղի տկարացման, որ խաթարում է այն ներդաշնակութիւնը, որը գոյութիւն պիտի ունենայ մեր մասնաւոր նպատակների եւ ազգային իդէալի միջեւ:

Քաղաքական միակոնութիւն պէտք է մեզի, քանզի միակն ենք ժողովուրդներից, որն իրաւունք չունի ներքուստ պառակտուած լինելու:

Եթէ ճամբաների տարբերութիւն կայ, ապա կայ նպատակի ընդհանրութիւն:

Պէտք է լինինք միահիդէալ, միաշունչ, միակա՞ն, քանզի անհամերաշխ ու անմիաբան մեր ժողովուրդը պատրաստի որս պիտի լինի իր հարեւանների համար:

* * *

Յայ ընտանիքը դեռ շարունակում է նայել իր զաւակների վրայ, որպէս իր նասնաւոր սեփականութեան:

Իսկ դպրոցը դաստիարակում է հայ մանուկները՝ ընտանիքների եւ ոչ նախն հայրենիքի համար:

Ընտանիք եւ դպրոց դաշնակցած՝ կը շարունակեն միայն առեւտրապաշտ խանութպան եւ արհեստաւոր հասցնել, երբ ժամանակն ու ցեղային բարոյականը հրամայողաբար կը պահանջեն հայէն՝ լինել նախն հայրենակրօն ռազմիկ, չկորչելու համար:

Չենք ուզում հասկանալ, որ Արեւելքի մեր դժբախտ պայմաններում անտութիւն է տուն շինել ու դաշտեր մշակել, երբ նրանց պաշտպանութեան համար կանխաւ չենք պատրաստուել:

Չենք ուզում հասկանալ, որ յիմարութիւն է անկախ հայրենիքի մասին երազել, երբ նախօրօք նրա պաշտպանութեան համար չենք սպառազինուել:

Չէ՛, չէ՛, չենք ուզում հասկանալ, որ հայ հաւաքականութիւնը օրուայ իր աղքատիկ հոգեբանութեամբ բարոյապէս ազատ չէ աւելի լաւ օրերի մասին երազելու, քանի դեռ հայ աշակերտող սերունդը չէ կրթում որպէս ազգային նոր ուժուի միջնորդ, որպէս ցեղային բարոյականի կրող:

VI
ՀԱՅ ԶԵՆՔԻ ԱՆՅԱՋՈՒԹԵԱՆ ՊԱՏճԱՌՆԵՐԸ

Մեր օրերը

Յանձին բանակների չափում են ժողովուրդները:

Կարսի պատերի տակ բախուեցին երկու ժողովուրդներ, երկու հաւաքական հոգեբանութիւններ եւ յաղթեց կիսալուսինը, քանզի ժողովուրդը հոգեբանորէն պատրաստ չէր կռուի եւ յաղթանակի համար: *Մեր ժողովուրդին ցաւագինօրէն կը պակասէր հոգեկան մշակոյթը:* Յայութիւնը կռուադաշտում թէ կռուից դուրս ցուցահանեց հետեւեալ հոգեբանական թերութիւնները, որոնց կը պարտի թուրքն իր գէնքի յաջողութիւնը:-

Անէն գնով ապրելու խելագար ցանկութիւն, պարտուողական հոգեբանութիւն, նիւթական ծայրայեղ մտահոգուածութիւն, հասարակական զգացումի տհասութիւն, գիտակցական կարգապահութեան բացարձակ չգոյութիւն, տեղական հայրենասիրութիւն, ինքնասիրութեան ցաւ ու չար նախանձ՝ հրամանատարների մօս, կազմակերպչական պակաս, սխալ համարում թրքութեան մասին, ստրկական վախ, եւ անօազմունակութիւն եւ այլն:

Նրանք, որ մասնակցել են մեր վարած կռիւներին, գիտեն, թէ ինչպէս հայ մարդը ծեռքն ընկած փութ քուրքի կտորը, տնային ամանը կամ գործիքը գուրգուրանքով կը տեղափոխէր ճակատէ ճակատ, դիրքէ դիրք: Իր կովը կամ փալասը փրկելու համար՝ նա յաճախ առանց խղճի խայթի կը թողնէր կռուադաշտը, կը դասալքէր: Այս իրը, որ դուք տեսել եք նրա շալակին կամ ծիու թանքին Կարինում, կը տեսնէք եւ Ղարաքիլիսայում, եւ Ծաղկաձորում, անէն տեղ, մինչեւ որ հասցնէր տուն: Իր կամ իր ծիու բեռք թեթեւեցնելու նպատակով, նա աւելի շուտ սակաւաթիւ փանփուշտների մի մասից կը զրկուէր քան թէ անպէտք հնոտիներից:

Շատերը գինուոր կը համարուէին այն պարզ պատճառով, որ գէնք կը կրէին: Զէնքը չէ մարդս գինուոր դարձնում: Մեզանում կար օգտախնդիրը, նիւթական մտահոգուածութեամբ գրեթէ հիւանդ անհատը, բայց ոչ անձնուէր գինուորը: Այդ օրերին, նայելով մեր

զօրամասերին, չեր կարելի չվերյիշել Յերողոտի դատաստանը պարսից բանակների մասին՝ «Աւելի մեծ թուով մարդ կար քան զինուոր»:

Դայ մարդու մեջ չափազանց տկար է հասարակական գգացումը: Ընդհանուր եւ հանրօգուտ աշխատանքը դեռ պատիժ համարուելու չափ խորթ է հայ մարտիկի համար: Նա ակամայից կը պատրաստի այն դիրքը, որից ինքը չպիտի օգտուի:

Պատժի չափ ծանր է նրա համար պահակութիւնը, հետախուզական առաջընթացութիւնը, բանբերութիւնը: Նա գիտէ, որ իր արթուն եւ աչալուրջ հսկումից է կախուած ռազմօրէն անպատրաստ վիճակի մեջ գտնուող զօրամասի ապահովութիւնը, բայց եւ այնպէս նա անվստահելի պահակ է: Չի կարելի խորապէս վստահ լինել, թէ նա իրեն տրուած բախտորոշ գրութիւնը ամէն գնով տեղ կը հասցնի: Մեռնել՝ ընկերոջ կամ զօրամասը վտանգից փրկելու համար՝ մնաց հատընտիրների առաքինութիւնը:

Անվարժ բանակային կենքին եւ կրիւներին՝ նա իրեն, համեմատաբար, լաւ է զգում ժողովրդական ճակատամարտում: Կարսում նա այն չեր, ինչ որ էր Վանում, Սարդարապատում, Ղարաքիլիսայում, Սիւնիքում: Նրան պակասում է ընդհանուր հայրենիքի գաղափարը, սակայն զուրկ չէ տեղական հայրենասիրութիւնից: Նա տաճկահայ է, ռուսահայ, պարսկահայ, ապա յետոյ հայ: Ինչպէս եւ նախ մշեցի, վանեցի, գանձակեցի եւ ապա հուսկ, յետոյ հայաստանցի: Ահա՝ այդ իսկ պատճառով յաճախ գիտակցական չեր նրա նահը:

* * *

Տաճիկները Յայաստանում ունեցած իրենց յաջողութիւնները աւելի մեզ՝ մեր բարոյական տկարութեան կը պարտին, քան թէ իրենց գենքին:

Յայութիւնը դեռ չեր ընբռնել այդ պարզ ճշմարտութիւնը, եւ այսօր էլ կեղծ համարում ունի թրքական բանակի մասին: Նա տղայամտօրէն հաւատում է թուրք ցեղի քաջութեան առասպելին, գերազանահատելով նրա բարոյական ոյժը: Այդ սխալանքը ծնունդն է ստրկութեան վախի:

Ո՞վ չգիտէ, որ մեր ժողովուրդը, դեռ պատերազմի չբռնուած՝ ուներ իր պարտութեան ինքնաներշնչումը, - հոգեբանական մի աղէտալի վիճակ, որ ստոյգ պարտութիւն պիտի բերէր մեր գենքին:

Պարտուղականութիւն եւ յոյս ուրիշի օգնութեան վրայ,-
ահա որոնք են երկուքը հայ բանակի հոգեւոր ամենավատ
թշնամիներից: Յայոց նորագոյն պատմութիւնը սրանց կը պարտի
հակապետական «մայիսեան ապստամբութիւնը»:

Այս հոգեբանութիւնն էր, որ մղեց չպաշտպանել Կարսի
ամրութիւնները: Յոգեակս այդ տկար արարածներն էին, որ
հարուածեցին հայ բանակի ռազմունակ եւ անձնուեր տարրերի
արիութիւնը:

Սրանք խախտեցին հայ բանակի բարոյական հաւասարա-
կշռութիւնը, յաղթութեան նժարը թեքելով թշնամու կողմը:

* * *

Մեր քաղաքական ու քուական անզօրութեան եւ հատուա-
ծականութեանց բերումով՝ հայը դառել է մեղկ, զիջող եւ նկուն
օտարի հանդեպ, հիացողն ու խնկարկողը օտար ոյժի,
հաւատացող՝ օտար աստուածութիւնների: Դարերով զենք չէ բռնել
նրա ձեռքը, ինչպէս եւ նա ազատ չի եղել՝ աներկիւդ ու
անկաշկանդ սիրելու եւ պաշտելու ազգայինը: Յայը, մասամբ, դեռ
անընդունակ է գիտակցական զոհաբերութեան, եւ բարձր
թռիչքների, որովհետեւ անկարելի է եղել իշխող բարբարոս
ժողովուրդների կրունկի տակ նման առաքինութիւնների
մշակումը: Անանձնական բնոյր կրող այն ամէնը, ինչ որ
կատարուած է նրա կողմից իր ստրկական գոյութեան ծիգ դարերի
ընթացքին, եղել է հարկադրաբար, ակամայից:

Այո՛, հայը իր նկարագրի ստուերային կողմերի մի խոշոր
մասը կը պարտի դարերի ստրկութեան: Օտարի ծանր
գարշապարը ժամանակ է ունեցել մէկիկ-մէկիկ տրորելու նրա
ցեղային առաքինութիւնները:

Ահա՛ թէ ինչու այսօր, անշուշտ ոչ իր ամբողջութեան մէջ, նա
պարտուղական է, անհայրենասէր եւ անարի: Դարերով նրա
հայեացքը կտրուած է եղել կեանքի բարձունքներից, ճակատը՝
խոնարի, մտածումը՝ թեւաբեկ, ցանկութիւնները՝ երկչոտ:

* * *

Յայ ժողովորդի թերութիւններն ու արատմերը աւելի
շեշտուած են իր մտաւորականութեան մէջ:

Յայ մտաւորականի հոգին անհամեմատօրէն աւելի է ամայացած: Պարզ ժողովուրդը երբ եւ ուր որ հնարաւոր է եղել, խուսափել է հրապարակից, քաշուել ու կծկուել է իր յարկի տակ: Յայ մտաւորականը, ընդհակառակը, որպէս հասարակութեան եւ հրապարակի մարդ՝ աւելի լայն յարաբերութիւններ, գործունեութեան աւելի մեծ ասպարէզ ունենալով, աւելի է ենթակայ եղել օտարի այլասերիչ ազդեցութեան: Նա յաճախ իր ցեղային առաքինութիւնների խաթարման գնով է յարմարուել անհարազատ միջավայրին: Եւ զարմանալի չէ, որ այսօր հայ մտաւորականութեան որոշ մասը ցեղային բարոյականի փոխարէն միայն հասարակական մեռեալ ծիսակատարութիւններ ունի:

Քիչ չեն «ստուեր եւ զովութիւն» փնտռողները, մասնաւորապէս քաղաքական հոսանքների մէջ, ինչպէս եւ նրանք, որոնց հոգեւոր ողջ հարստութիւնը իրենց լեզուի ծայրին է եւ բառերի մէջ: Գիտեն եւ սիրում են ճառել զայրոյթով, թէ քանից չար նախանձի երեսից է կործանուել Յայաստան երկիրը, բայց եւ այնպէս հազուագիւտ չէ հոգեւոր դեղնութեամբ տառապողը մեր կեանքում: Յոգեպէս ծոյլ՝ հայ մտաւորականներից շատեր չեն հաւատում իրենց ցեղի համճարի ոյժին: Շատերի համար չկան ազգային մեծութիւններ: Իրենք տկար՝ արտաքին թշնամին միշտ էլ գայլ է բռում իրենց: Սիրում են եւ դեկավարի դերը, բայց չեն արդարացնում այդ անունը: Մտնելով կուսակցութիւնների մէջ՝ արժեքաւորում են իրենց անձը եւ ոչ կուսակցութիւնը: Եւ յաճախ իրենց եսին ստորադասում են կուսակցութիւնը, այդ վերջինին՝ իրենց ժողովրորի շահերը:

Այսպէս, շատ են եւ հասկանալի հայ հոգեբանութեան ստուերային կողմերը: Դարերով գրկուած պետական կեանքից՝ հայութիւնը, մասնաւորապէս նրա մտաւորական տարրը իրեն ազատ է համարել հաւաքական պարտականութիւններից: Զրկուելով պատասխանատու պաշտօնների մէջ երեւնալու հնարաւորութիւնից՝ ժամանակի ընթացքում հայ մտաւորականի մէջ չքանալու աստիճան տկարացել է պատասխանատութեան զգացումը: Նա օտարին ծառայել է կես սրտով, ակամայից: Եւ օտարի դարեր տեւող նւաստացուցիչ վերաբերմունքը, հասարակական կեանքի եւ անանձնական իդեալների եւ պարտականութեանց պակասը հայ մարդուն սերտօրէն կապել են իր նեղ յարկին, իր ընտանիքին:

Յասկանալի է, որ նման հոգեբանական մթնոլորտում դարերով շնչող ժողովուրդը պիտի այլանդակէր իր հասկացողութիւնը հասարակական եւ պետական կեանքի մասին, պիտի կլանուէր առօրեայ կեանքի արտաքին շինարարութեամբ, դառնալով զգալիօրէն անտարբեր դէպի իր ցեղի հաւաքական ճակատագիրը եւ պիտի կորցնէր իր ցեղային բարոյականը:

Ահա՝ թէ որտեղի՞ց եւ որո՞նք են մեր բարոյական թերիները, որոնց կը պարտի թուրք գէնքը Յայաստանում իր յաջողութիւնները:

Աղէտալի անգիտացում

Օտարներին նմանելու յիմարութիւնը ոչ մի ասպարէզում այնքան չարաչար չէ պատժում, որքան կոուաղաշտում:

Ահա՝ թէ ինչու իմաստուն զօրահրամանատարութիւնը դաստիարակութեան եւ դեկավարութեան գործում պէտք է յենուի ցեղային անհատական թէ հաւաքական հոգեբանութեան վրայ: Նա ընդունակ պէտք է լինի ուսումնասիրելու եւ ճանաչելու աշխարհագրական հոգեբանական միջավայրը, որի հարազատ ծնունդն էր, եւ ապա հաշուի առնելով այդ վերջինը, պէտք է մշակել կարողանայ իր խնամքին յանձնուած զօրական ոյժերը նախապատրաստելու եւ որպէս ազգային քաղաքականութեան գէնք գործածելու եղանակը:

Ասել է՝ մի երկրի բարձր իրամանատարութիւնը, իր անունն արդարացնելու համար, պէտք է լինի ազգային՝ յաջող ռազմավարութիւն ունենալու համար:

Յայաստանի Յանրապետութեան իրամանատարութիւնը ազգային էր, միայն անունով, եւ հենց այդ էր պատճառը, որ նրա համար անծանօթ մնացին մեր երկրի եւ ժողովրդի առարկայական պայմանները, որոնց անգիտացումը իր յետեւից անխուսափելիօրէն քաշ տուեց Կարսի աղէտը:

Յայ երկրի ինքնապաշտոպանութեան վարիչները իրամայողաբար պէտք է հաշուի առնեին հետեւեալ տուեալները.-

- Յայաստանի աշխարհագրական դիրքը, նրա երկրամասային ծաւալը, նրա տեղագրական բնոյթը, ժողովրդի քանակը,

նրա հատուածականութիւնը, նրա քաղաքական իդեալը, նրա եւ իր իսլամ հարեւանների փոխյարաբերութեանց բնոյթը եւ այլն:

Մեր երկրի դիրքի եւ փոքրիկ ծաւալի շնորհիւ Հայաստանի բարձր հրամանատարութեան ամէն մի ռազմավարական թէ ռազմագիտական սխալը պիտի ունենար ճակատագրական հետեւանք: Ծատ անգամ գրեթէ առաջին անյաջողութեանք առաջացած գաղթը կամ զանգուածային դասալքութիւնը ամենաբարոյալքից ձեւով պիտի անդրադառնար թէ՝ գործօն զօրանասերի եւ թէ թիկունքի հոգեբանութեան վրայ, անհնարին դարձնելով հետագայ դիմադրութիւնը:

Ահա թէ ինչո՞ւ Հայաստանի գերագոյն հրամանատարութիւնը ընդգծած առաջին երկու պայմանների թելադրութեանք պիտի ունենար անվելպութեան աստիճան յաջող ռազմավարութիւն:

Երրորդ եւ չորրորդ պայմանների պահանջնամք Հայաստանի զինուորական նախարարութիւնը պիտի վարէր «փոքրիկ պատերազմ»՝ տալով իր ճակատամարտներին ժողովրդապարտիկան բնոյթ:

Յանցաւոր տգիտութիւն էր կիրարկումը ռուսական զանգուածային ռազմավարութեան, որը մեծ ժողովուրդ եւ, յամենայն դէպս, ոչ մեր երկրի տեղագրական բնոյթն է պահանջում:

Յինգերորդ եւ վեցերորդ պայմանների գոյութեամք ՅՅ զինուորական նախարարութիւնը պիտի մղուէր օր առաջ միօրինակութիւն մտցնել ռուսահայ եւ արեւմտահայ տարրերի միջեւ, զինուորական ծառայութիւնը պարտադիր դարձնելով նաև վերջինների համար:

Կամաւոր զօրամասերի գոյութիւնը հասկանալի է պատերազմի՝ բայց ոչ եւ խաղաղ ժամանակ, երբ այդ չէ կարող բացասաբար չազդել Յանրապետութեան կանոնաւոր բանակի հոգեբանութեան վրայ:

Կայ, վերջապէս, մահմեդականութեան տարամերժ հոգեբանութիւնը, նրա դարաւոր թշնամնքը դէպի ոչ-իսլամ մարդկութիւնը եւ մասնաւորապէս դէպի հայութիւնը, կայ նւաճողական համաթրքականութիւնը, կայ հայ ժողովրդի պահանջը տաճկահայ նահանգների մասին, եւ մի շարք այլ պատճառներ, որոնք հայթրքական թէ հայ-թաթարական բախումներին պիտի տային ծրագրուած կոտորածի բնոյթ:

Ոչ թէ միայն հողային նուածում, այլեւ զանգուածային ջարդ, տեղահանութիւն, աւերածութիւն – հայ ժողովուրդը մէջտեղից բառնալու խելագար ցանկութիւն,- ահա մահմերականութիւնը իր եւ մեր միջեւ ծագած պատերազմների ժամանակ:

Ինչո՞ւ չէ յաղթել, ինչո՞ւ յաճախ նոյնիսկ չէ կրուել հայ զօրքը:

Գիտենք, որ նա շատ անգամ վերջնական պարտութեան է մատնուել կրիւների հենց առաջին շրջանում, որ հենց առաջին անյաջող բախումը մեր զօրքի պարտութիւնը դարձրել է անսրբագույի, վերջնական, որ մեր զօրքի մի շարք պարտութիւնները եղել են միաժամանակ եւ բարոյական:

Ինչո՞ւ Կարինից մեր զօրամասերը նահանջեցին, ուղակի Կարս եւ ապա՝ Դիլիջան: Ինչո՞ւ Երեւանում տեղի տուածները քաշուեցին Սիւնիք, առանց կանգ առնելու մինչեւ Սիւնիք ձգուող տարածութեան որեւէ կտտի վրայ՝ դիմադրութիւն ցոյց տալու նպատակով: Ինչո՞ւ այդ հսկայ տարածութեան վրայ նրանք չվերածեցին որոշ բարձունքներ՝ արծուի բների, որոշ ձորեր՝ լէնիդասեան կիրճերի, որոշ դաշտեր փառքի բատրերի:

Ո՞վ է մեղաւոր հայ զէնքի անյաջողութեան մէջ:

Անշուշտ միայն ոչ զինուորը:

Զինուորը չէ մեղաւոր, որ իրեն պակասում է կրուեցնողը, ինչպէս եւ այն անհրաժեշտ հոգեբանական մթնոլորտը, որի մէջ միայն հնարաւոր է դիմադրութիւնն ու յաղթանակը: Զինուորը չէ, որ իր հրամանատարութիւնը չէ հասկանում թէ կրուի օրերին ճակատամերձ վայրերում տեղ չպիտի ունենան հասարակութեան կրաւորական տարրերը:

Կարինը եւ Կարսը իրենց անկման նախօրեակին այլեւս բերդաբաղաք չէին, այլ մի-մի շուկայ, աւելին՝ մի նոր Արշակաւան, ուր կարելի էր ամէն մի քայլափոխում հանդիպել ոչնչով այդ փափուկ շրջաններին չը կապուած գաղբականին, զէնքի առեւտրով զբաղողին, դասալիքին, աւարառուին, չարաշահողին եւ նման մութ ակընկէց տարրերի ամբողջ խմբեր:

Հասկանալի չէ, որ նման քառսի եւ ապականութեան մէջ բացարձակապէս անհնարին պիտի լիներ դիմադրութեան մղել ոչ թէ բարոյալքուած հայ զօրամասերը, այլեւ Կեսարի հռչականուն լեգէնները:

Հետեւա՞նքը: - Աննախընթաց խուճապ, գաղք եւ... տխուր պատմութիւն:

Ինչո՞ւ Կարսն ընկաւ 1920թ. աշնան, որովհետեւ մեր զօրքը Կարսի տակ դարձած էր հաւաքական հոգուց զուրկ մի զանգուած, որի մէջ կային՝ նախկին ռուս ծառայութեան հայ գինուորը, անշուշտ, ծանօթ գէնքի գործածութեան, բայց հոգեբանօրէն դեռ ոչ ազգային գինուոր, նամար առեւտրականը, իր առօրեայ ապրումներով, չնկատուելու աստիճան չնչին թուով «մտաւորականներ» իրենց ծխական տրամադրութեամբ եւ օտարալեզու գինուորական արհեստաւորը: Սեղմ ասած՝ կար պարտութեան եւ աղէտալի նահանջի համար ամէն ինչ, իսկ դիմադրութեան եւ յաղթանակի համար՝ ոչինչ:

Ահա՛ թէ ինչու ոչ միայն չյաղթեց, այլեւ չկոռուեց հայ զօրքը: Այն պատերազմներից չէր հայ-տաճկականը, երբ կռուադաշտ նետուած ժողովուրդը հարիւրապատկում է իր ոյժերը եւ երիտասարդանում, երբ ոյժի եւ ոգեւորութեան մի հեղեղ է անցնում ժողովուրդների հոգեկան աշխարհով եւ ստեղծում անձնուիրութեան համաճարակ, երբ տղամարդը՝ անկախ իր տարիքեն, արհեստէն, արուեստէն, ամաչում է մնալ ու երեւալ թիկունքում, երբ «մեռելները բարձրանում են գերեզմաններից մասնակցելու ճակատամարտերին». սեղմացած՝ երբ սուրը մերկացրած ժողովուրդը հոգեպէս վերածնուում է օրերի եւ ժամերի ընթացքում:

Կար եւ աղէտալի մի սխալ ռազմավարութեան մէջ: Դա «գծային» կոչուած ռուսական ռազմավարութեան կիրարկումն էր հայկական բնաշխարհում, որը գերազանցապէս հերոսական կրիմների թատերավայր է:

Մեր որոշ երկրամասերի տեղագրութիւնը ալպեան բնոյք ունի. մի կարեւոր պարագայ, որ հաշուի չառաւ հայկական սպայակոյտը եւ մնաց կառչած ռուսական զանգուածային մարտավարութեան մեռեալ ձեւերին: Այդ տիպի ռազմավարութիւնը պահանջում է նախ թուապէս մեծ ժողովուրդ: Կռուի նման ձեւեր գործադրելու համար՝ պէտք էր ունենալ քանակով եթէ ոչ աւելի գոնէ հաւասար ոյժեր: Եթէ պէտք էր վաշտը՝ վաշտի, եւ գունդը գնդի դէմ հանել, խելագարութիւն էր կռուի ձեռնոց նետելը կամ ընդունելը: Հասկանալի պատճառներով մենք թուապէս ոչ գերազանցել, ոչ էլ հաւասարուել կարող էինք թշնամուն:

Ասել է՝ կոռուի ձեռնոցը ընդունելով՝ հայկական սպայակոյտը իր ամբողջ յոյսը պէտք է դնէր երկու բանի վրայ - գերազանց ռազմավարութեան եւ պատերազմի հրոսակային բնոյթի վրայ:

Մեր ոյժերի $\frac{3}{4}$ -ը կլանեց Կարսը, որի անկումից յետոյ նահանջի ճամբան բռնած հայկական զօրամասերը այլեւս անկերպարան զանգուածներ, ամբոխներ էին:

* * *

- Պատերազմ, եւ գաղթ ու նահանջ չէ նկատում հայերի կողմից: Ինչո՞ւ են անդամալուծուած թուրք բանակի շարժումները: Պատճա՞ռը:

- Որովհետեւ հայ ժողովուրդը վճռած է կտրել նահանջի հրաման արձակողի յանցաւոր ձեռքը: Որովհետեւ հայ ռազմիկը միայն մի հատիկ ճամբայ է թողել թշնամուն՝ իր դիակի վրայով:

- Ինչո՞ւ են ընդունայն անցնում թշնամու բոլոր հարուածները: Ինչո՞ւ հայ գիւղեր չեն ծխում, դիակոյտեր չեն երեւում:

- Որովհետեւ կենդանի բերդ է հայ ռազմիկի կուրծքը, որովհետեւ մինչեւ այդ՝ հայը յաղթել է իր բոլոր տկարութիւնները:

- Ինչո՞ւ են այնքան աննշան հայ մահերը, եւ յաղթական բոլորն էլ: Ինչո՞ւ թշնամին անհծում է պատերազմը եւ փախչում Շայաստանի սահմաններից:

- Որովհետեւ մեր մարտիկին դեկավարում է իր ցեղի ոգու ձեռքը: Որովհետեւ ամէն մի զինուոր եւ իր դեկավարն է այստեղ, իսկ ամէն մի հրամանատար՝ միաժամանակ եւ զինուոր է: Դրա համար էլ նախաձեռնութեան, յանդգնութեան եւ հնարագիտութեան ոգին զարգացած է հանճարեղութեան աստիճան: Որովհետեւ միայն մի հատիկ ընդիհանուր հրաման կայ դրուած բոլորին, ցեղի հրամանը՝ յաղթել:

Չկայ մարդ մեքենան, չկան հոգեպէս ծոյլ զանգուածներ՝ խցկուած դիրքերի եւ երկրաչափական ծեւերի մէջ: Կան կենդանի շանթարգելներ, որ քաշում, չէզոքացնում, զինաթափում են թշնամու հարուածները: Կան դարանամուտ, յանկարծայարձակ թեթեւ հրոսախմբեր, վարժուած հին պարթեւական ռազմախաղերին: Կայ գիտակցութիւնը, թէ ով պատրաստ չէ յանուն Շայաստանի մեռնելու ամէն վայրկեան՝ արժանի չէ հայ կոչուելու:

Կայ հպարտ գիտակցութիւնը, թէ պարտուել՝ ասել է կորցնել
իր գոյութեան իրաւունքը, ասել է անարժան լինել անկախօրէն
տեղ գրաւելու արեւի տակ:

Կայ ազգային սրբազան պատուասիրութիւնը՝ ոչ ոք է ուզում
անարգուած հայրենիքի զաւակ կոչուել:

Քաջութիւնը այստեղ գերազոյն արտայայտութիւնն է
մարդկային իմացականութեան: Վախ չկայ, պարտուած է նա հայի
կողմից:

Ահա՝ թէ ինչպէս պէտք է լինէր մեր վերջին պատերազմը:

Աւա՞ղ, նկարագրածս բնոյթը չունեցաւ նա, եւ դրա համար էլ
մի սեւ էջ եւս ունեցաւ մեր նորագոյն պատմութիւնը:

VII ՑԵՂԱՅԻՆ ԲԱՐՈՅԱԿԱՆԻ ՊԱՐԱՆՁՆԵՐԸ

Հասարակական արդարութիւն

«Եւ, ոչ մի ընչազուրկ քո հողի վրայ», - ժամանակին այսպէս կը խօսէի լեռնահայութեան, քանզի խեղճերի արցունքից եւ թոյլերի անարիութիւնից են կործանւում հայրենիքները:

Խսկապէս, ինչպէ՞ս կարող է հզօր եւ երջանիկ լինել մի ժողովուրդ, որի ճակատագրով չեն հետաքրքրուում իր բոլոր որդիները. մի պետութիւն, ուր իշխում են որոշ դասակարգեր, բայց ոչ բոլորը. մի հայրենիք, որը հարազատ մայրը չէ բոլորի եւ ամէն մէկի, որի մայրական ստիճանները չեն ծծում իր բոլոր գաւակները:

Միայն պարտականութիւններն ու դժբախտութիւնները չեն, որ ընդհանուր պէտք է լինին, այլեւ իրաւունքներն եւ ուրախութիւնները: Սրանում է երկիրների հզօրութեան գրաւականը, սրանում է եւ հիմքը հասարակական ճշմարիտ բարոյականի:

* * *

Աւագի վրայ է հիմնուած այն պետութիւնը, ուր բարեկեցիկների կոորդին կան թշուառ տարրեր՝ ենթակայ զրկանքի, գերի աղքատութեան: Ամուր չէ այն պետութեան հիմքը, ուր առատութեան մէջ գգուողի ուրախ քրքիջների հետ լսում է եւ աղքատի վայը:

Օրինուած չէ, հզօր չէ, ապագայ չունի այն պետութիւնը, ուր արեւը չի ծագում բոլորի համար, ուր բաւարար սնունդի եւ գլուխ դնելու տեղի համար հառաջողներ կան: Այդպիսի պետութեան մէջ է, որ իշխում է հասարակական անզգայութիւնը, ուր առանց ամօթի եւ խղճի խայթի մարդիկ անցնում են թշուառների մօտով:

Չկայ աւելի մեծ չարիք մի երկրի համար, քան դասակարգային եսասիրութիւնը: Դա խաթարում է ազգային անհատականութիւնը, ներքուստ պառակտում ժողովուրդը, թունաւրում միեւնոյն ցեղին պատկանողների փոխյարաբերութիւնները, թուլացնում պետութիւնը:

Ինչպէս անհատականը, կոյր է եւ հաւաքական եսասիրութիւնը: Այդ հրէշը պէտք է սպանուի վաղուայ Յայաստանում:

Այս կամ այն դասակարգը չէ, որ պէտք է իշխէ վաղը, այլ ամբողջ ժողովուրդը:

* * *

Չկայ մի երկիր, ուր հնարաւոր չլինէր նօտաւոր հաւասարութիւնը, մի երկիր, որը չկարողանար անկարօտ դարձնել իր բոլոր զաւակներին, եթէ այնտեղ թագաւորում է հասարակական արդարութիւնը:

Եթէ չկայ հասարակական արդարութիւն, անիջուած է իշխանութիւնը, որ արդարացնում է որոշ տարրերի ընչազրկութիւնը:

Եթէ չկայ հասարակական արդարութիւն, ասել է՝ կայ այն ամէնը, ինչ որ արագացնում է անփառունակ անկումը պետութիւնների:

Իսկ այնտեղ, ուր թագաւորում է աստուածային օրէնքը, այնտեղ ընչազրկին եւ անարիին փոխարինում է արի եւ անկարօտ քաղաքացին: Իսկ այնտեղ, ուր չկայ ընչազրկը, անարիին, վատը, այնտեղ չէ երեւում արտաքին թշնամին հրով եւ սրով, այնտեղ բարգաւաճում է եօթմից օրինուած, ապահով ու երջանիկ հայրենիքը:

Եթէ հայ մարդը խեղճ եւ անարի պիտի մնար եւ իր անկախ հայրենիքում, ել ինչո՞ւ էր պէտք անկախութիւնը: Եթէ ուրերով օտար լծերի տակ չարչրկուած հայութեան մի մասը թշուառ պիտի մնար եւ իր ազատ հայրենիքում, ել ինչո՞ւ էր պէտք ազատութիւնը:

Չէ, չէ վաղուայ Յայաստանում չպէտք է լինին խեղճեր, ընչազրկներ, անարիներ: Բոլորն ել պէտք է լինին անկարօտ, առաքինի, արի: Յայ հայրենիքի ապահովութիւնն է պահանջում այդ:

Մեր անկախութեան մայիսը

Ազգերը, ինչպէս եւ անհատները, յաճախ մեծ եւ յաղթական լինելու կարիքը կը զգան: Նրանք կ'ուզեն ունենալ գիտակցութիւնը իրենց տիրական կամքի, որը եւ ձեռք կը բերեն յաղթական պայքարի մէջ:

Այո՛, սէրը դէպի յաղթանակը եղել է եւ կը մնայ բացարձակ պայմանը ազգերի եւ անհատների ստեղծագործ կեանքի:

Մեր ժողովուրդի երկու մեծափառ գործերը՝ Սարդարապատն ու Ղարաքիլիսէն, ուր նա այնքան իհասքանչ եւ բուռն կերպով երեւան բերաւ անկախ հայրենիք ունենալու իր յաղթական կամքը, պէտք է բացատրել ոչ միայն ինքնապաշտպանուելու հարկադրանքով, այլև իրեն մեծ ու յաղթական զգալու գերագոյն կարիքով։ Ողբերգորդն երջանիկ 1918-ի ընթացքում հայութիւնն ունեցաւ իր քաղաքական Աւարայրը Արարատի ստորոտում։ Իր դարաւոր նկուն եւ անփառունակ գոյութիւնից դժգոհ՝ մեր ցեղի ոգին իրեն տիրական ու մեծ զգալու կարիքից խթանուած՝ բարձրացրեց հայոց անկախ պետութեան շնչքը, որի գրանիտէ հիմքը դրուած կը մնայ աստուածաշունչ որդիների նշխարների վրայ։

* * *

Մայի՞ս 28-ը։

Այդ օրը հայութիւնը հագաւ իր փառքի ու հզօրութեան ծիրանին եւ բազմեց ազատ ու անկախ ազգերի կողքին։ Եւ Արարատեան արեւը երկիրը դիտելիս, ասաց այդ օրը՝ «ահա՛ մի թագաւոր ժողովուրդ եւս, որը ստրուկ էր երեկ»։

Այդ օրը - փառքն ու պսակումը մեր ժողովորի ազատագրական գերմարդկային ճիզերի - դարերով օտար կրունկների տակ տրորուող «քրիստոնէական արհամարհուած հօտը» իր վարած աշխարհածանօթ պայքարի շնորհի հռչակուեց ազատ։ Այս աստուածային օրը մարդկութեան անիրաւութեան կողմից աշխարհի քարտէսից անհետանալու դատապարտուած մեր հայրենիքը, որն աշխարհագրական կէտ կը համարուէր այլեւս, հռչակուեց անկախ։

Հայութիւնը յաղթեց մահն այդ օրը, վերջ դնելով իր դարեր տեւող հոգեւոր եւ նիւթական ծանր հոգեվարքին։ Մայիսեան հերոսական շարժուձեւը վերացնելով ապազգայնացման մահաբեր վտանգը, փրկեց նաեւ գաղութահայութեան ազգային դիմագօնութիւնը։ Օտար պետութիւնների մէջ երեւաց հայ եռագոյնը, դեսպանը, հիւպատոսը, որոնց միջոցաւ տարաշխարհիկ եւ տարալեզու հայութիւնը հոգեբանօրէն կապուեց իր պետութեան, դաշնալով հայահպատակ։

Հայաստանի անկախութեամբ հայութիւնը, որպէս ցեղագրական ուրոյն միաւոր, վերստացաւ մարդկութեան օգտակար լինելու իր կարելիութիւնը, որին պատճական մեծ առաքելութիւն է վերապահուած Մերձաւոր Արեւելքում:

* * *

Երկարե՞լ: Բայց ինչո՞ւ, մի՞թէ հնարաւոր է խօսքով սպառել Սայս 28-ի բովանդակ տարողութիւնը: Ոչ, ոչ, դա ոչ կը յաջողի: Այդ նուիրական թուականը կը խորիրդանշէ հայրենիքին ու իր անկախութիւնը, հայրենիքը, որ Աստծու պէս աւելի սրտի քան ուղեղի մէջ կ'ապրի:

Եզիպտական գերութիւնից վերադարձած Խարայէլը հերոսական փորձեր կը կատարէր՝ վերականգնելու կործանուած Սիոնը: Թշնամին, սակայն, կը քանդէր այն, ինչ որ գուրգուրանքով կը վերաշինէր մարգարեների ժողովուրդը: Թշնամին կը գրոհէր, իսկ Խարայէլը՝ մի ձեռքում սուլը, միւսում բրիչը առած՝ եւ կը մարտնչէր, եւ կը վերաշինէր: Եւ նա կործանուած չհամարեց Սիոնը, անգամ այն ժամանակ, երբ նրանից մնացել էր մի հատիկ քանուուած պատ՝ այնքան լայն, որքան որ պէտք էր հնարաւորութիւն տալու մի խունք ուխտաւորների՝ նրան սեղմելու իրենց դէմքերը, եւ նրա ետեւը թագցնելու իրենց արցունքը:

Իրլանդիան, յարգելով զոհագործութեան օրէնքը, ազատութեան զոհասեղանի վրայ դարերով վառ պահեց կրակը: Նրա կրծքի տակ չմեռաւ ազատասիրութեան ոգին, մինչեւ որ կը վերականգնէր քաղաքականապէս, կը դառնար թագաւոր ժողովուրդ՝ տէր անկախ հայրենիքի...

Եթէ կ'ուզէս լսել եւ հայ մարդուն անկախ հայրենիքի մասին, հարցրու հայ գաղթականին, որի տառապանքը ծաղրելու համար՝ ձեռքը գայլի անցագիր են տուած, եւ երկրէ երկիր կը քշեն: Յարցրու հայ որբին, որին մարդկային կեղծ ողորմասիրութիւնը մի ձեռքով չոր հաց, միւսով թոյն կուտայ: Յարցրու հայ բանուրին, որ դատապարտուած է օտար հայրենիքներում աժան աշխատաւոր ձեռքերի եւ անխաչ ու անտէր գերեզմանների թիւն ածեցնելու: Յարցրու հայրենի հողի վրայ իր արեան հետքերը թողած տարագիր հայ զօրականին, որն այրող կարօտի ժամերին անճառելի քաղցրութեամբ կը մօտենայ արծաթեայ սափորին, որի մէջ ջերմացերմ պաշտամունքով կը պահէ հայրենի երկրէն բերած մի բուլը հողը:

ՄԵԾ ՄԵՌԵԼՄԵՐԻ ԱՎԱՉՈՒԱԾՈՒՆՔԸ

Իր ապագայի հոգը տանող ամէն մի ազգ հսկումի իր օրը, ժամը, վայրկեանն ունի: Խոհուն հսկումներ, երբ երկիւղածօրէն իր մտքի ձեռքով կը բարձրացնէ ներկայի աչքէն ապագան ծածկող վարագոյրը եւ այսպիսով կը յաջողէր գաղտնիքներ կորզել ժամանակի ծոցէն: Ազգային տօների, եւ մասնաւորապէս ներ անկախութեան Մայիսին մասին է խօսքս: Տօներ, որոնք այնքան մեծ շքով ու հանդիսաւորութեամբ կը կատարուին քաղաքակիրք ազգերի մօտ:

Սակաւարիւ են տօները մեզանում, եւ. աւա՞ղ, եղածներն էլ կը տօնենք կես սրտով, կը տօնենք, որովհետեւ սովորութիւն է տօնել: Տօնակատարութիւնները մեզանում աւելի մեռեալ ծիսակատարութիւններ են քան խորհրդածութեանց օրեր, ժամեր, որոնց ընթացքում ինքնաճանաչ ազգերը կ'ոգեկոչեն իրենց սրբին, լուսակրին, հերոսին, կ'ոգեխառնուին նրանց հետ՝ հոգեպէս աճելու համար:

Ահա՝ խորհուրդն, իմաստը տօնակատարութիւնների:

Ազգերն իրենց ծոցի մէջ կ'ապրեցնեն մի որակական փոքրամասնութիւն,- սուրբը, լուսակիրը, հերոսը – որ կ'ապրի ոչ իր անձով եւ ոչ իր անձի համար, որ կը մեռնէ՝ չմեռնելու, կը մեռնէ՝ իր ցեղն ապրեցնելու համար: Ոգու ազնուականութիւնն է այդ համացեղ փոքրամասնութիւնը, ժողովուրդների ամենամեծ, անկորոնչելի եւ անմեռ հարստութիւնը:

Սուրբը, որ ոսկէ շղթայով անհատի ու ժողովուրդների հայեացքը կապուած կը պահէ աստղերին՝ այդ վերջինները կեանքի ճահճէն ու բարոյական նեխութենէն զերծ պահելու համար: Լուսակիրը, որ կը հալածէ խաւարը, անհատի եւ հաւաքանութեան հերոսը, որ կոթնած իր յաղթական սրին՝ արթուն կը հսկէ հայրենի սահմանների վրայ:

Ոչինչ են անհատը ու ազգը, եթէ նրանց պակասում է աստղուածային գիծը: Առանց սրբի, լուսակրի եւ հերոսի՝ գոյութիւն չէր ունենայ հոգեւոր մշակոյթը, եւ մարդկային ցեղը դատապարտուած կը լինէր քարշ տալու անասնա-բուսական մի տխուր գոյութիւն:

Փորձեցեք մի վայրկեան մոռացութեան տալ հայ խաչի, այբուբենի ու սրի հերոսներին, եւ էլ ոչինչ կը մնայ, որ իրաւունք

տայ մեզ ազգ կոչուելու: Յոգեւոր անապատի կը վերածուի մեր կեանքը, պատմութիւնը: Դպրոց, Եկեղեցի, ընտանիք կը կորցնեն իրենց բարոյական բովանդակութիւնն ու խարիսխը: Կը ցանքին ստեղծագործ ոգեւորութեան բոլոր աղբիւրները:

* * *

Մի ժողովրդի սրբութիւնների կարգին կը պատկանին եւ պատույ վերքերը, սպիներն իր ընտիր որդիների:

Որքան անխառն եւ ուժեղ է յարգանքը դեպի այս սպիները եւ որքան մեծ թուռվ մարդկանց հոգիների մէջ տեղ ունի այդ յարգանքը՝ այնքան լուսաւոր եւ առաքինի է ժողովուրդը, այնքան յուսալի է նրա ապագան:

Պատույ սպին եղել է եւ կը մնայ հոգեւոր ամենամեծ օարդը:

Սպիազարդ գործիչը կը նմանի վարդենուն, որը զարդարելով իրեն, կը զարդարէ նաև իր շրջապատը, պարտէզը:

Զկայ աւելի մեծ եւ աններելի յանցանք, քան անյարգալից վերաբերնունքը դեպի սպիացած վերքերը մեր ազգի գործիչների: Յարգալից պէտք է լինել անգամ դեպի թշնամու պատույ սպիները:

Կասկածելի է բարոյականը մի ժողովրդի, որին պակասում է յարգանքը դեպի իր սպիազարդ հերոսը, լուսակիրը եւ սուրբը:

* * *

- Ես կ'ուզեմ,- գրեթէ մարգարէի յափշտակութեամբ սկսեց Աշոտը,- ես կ'ուզեմ, որ Սիւնիքի լեռներից մէկի ստորոտում բարձրացուէր լեռնաշխարհի կողիներում ընկած մեր մարտիկների փառատաճարը: Մի ընդհանուր մատուր եւ գերզմանաքարերը փոխարինող ժայռեր այս մակագրութեամբ՝ «Ընկան, որ ապրեն եւ ապրեցնեն իրենց ցեղը»:

- Այո՛, մեր ժողովուրդը պէտք է ունենայ իր փառքի սրբարանը, բայց ոչ միայն Սիւնիքի երկնքի տակ եւ ոչ լերանց փէշերին: Թող հոգով արծիւ մեր ռազմիկները հանգչին իրենց սիրած լեռների երկնահաս բարձունքներին: Թող նրանց սէզ գագարներին անմար պլազման կանթեղները երախտագիտութեան: Արշալոյսները թող համբուրեն, վերջալոյսները ոսկեզօծեն քաջաց շիրիմներն ու ժայռերն ամէն օր: Եւ թող ամէն տարի յաղթութեանց տօներին սերունդները ոգեկոչեն մեր հայրենաշունչ մեռելները ու

դաստիարակութեն նրանց մեծագործութիւններով, որպէսզի սովորեն կեանքեն աւելի գիտակցական մահը սիրել:

- Թող այդպէս լինի,- որպէս պատասխան իմ խօսքերին,- աւելացրեց Աշոտը եւ իր յոգնաբախիծ հայեացը դարձրեց դեպի խուստուպեան բարձունքները:

Լեռների պաշտամունքը

«Եօթը բարձունք ունի այս ռազմաճակատը՝ հպա՞րտ բարձունքներ, որոնց տիրելու մէջ, որոնց վրայ է մեր փրկութիւնը: Ով տիրեց այդ լեռներին՝ նա է տէրը Յայաստանի»:

Ժամանակին գօրամասերիս ուղղած իմ մարտագրերից մէկի այդ տողերի մէջ հաւասար չափով ճշմարտութիւն եւ խոր հոգեբանութիւն կայ:

Սիւնիքը լեռներ ունի, որոնց գրաւունը թշնամու կողմից կարող է ճակատագրական հետեւանքներ ունենալ ոչ միայն լեռնահայութեան, այլև ամբողջ Յայաստանի հանար:

Գրաւելով որոշ բարձունքներ Սիւնիքում, իմ գնդերը յաջողեցան մեր լեռնաշխարհի երեսից սրբել երկու հարիւրի չափ թշնամի գիւղեր եւ վերացնել հայ ազգաբնակչութեան գլխին կախուած մահմեղական վտանգը:

Սիւնիքը սեւ հողերի վերածելու նպատակով, թուրքն ու թաթարը քանից ձգտել են անսպասելիորեն երեւալ այս կամ այն ռազմագիտօրեն կարեւոր բարձունքի վրայ եւ նեղը ոնել հայութիւնը: Կռուի միեւնոյն ռազմափորձային ձեւերին դիմել ենք եւ մենք՝ օգտագործելով լեռներն ու բարձունքները, որպէս յամառ կէտեր, որպէս տիրապետող դիրքեր, եւ – ամենալաւը – որպէս ռազմագիտական բանալիներ:

Ահա՛ թէ ինչու ինձ պէտք էր՝ հրահրելով ժողովրդի սէրը դեպի իր լեռները, յածախ կրկնել Սիւնեցուն, թէ հայրենի լեռների վրայ է իր փրկութիւնը: Ահա թէ ինչու իմ վարած անհաւասար գոյանարտի օրերին լեռնահայութեան իմ տուած պատուիրաններից մէկն այսպէս կը յորդորէր ժողովրդին.

«Տաճարներիդ մէջ, խաչերիդ կողքին բարձրացուր մի մեծ ժայռ եւ պաշտէ՛ դա, որ աննուազ մնայ սէրդ դեպի հայրենի լեռները»:

* * *

Միայն ռազմագիտական չէ լեռների արժեքը:

Այդ անմահ հսկաները զորացուցիչ ազդեցութիւն ունին իրենց կողքին ապրողներու հոգու վրայ: Սրբազան անտարբերութեամբ երկնքեն երկիր նայող այս հսկաները անխօս կը խրատեն իրենց փէշերի վրայ ապոռող ժողովրդին, թէ ինչպէս պէտք է կուրծք տալ ժամանակի փոթորիկներին:

Գիտե՞ս աւելի հպարտ ու հմայիչ պատկեր, քան լերան կատարը՝ իր վրայ թառած արծիւով:

Արծիւ զինուո՞րը հայրենի բարձունքի վրայ: Դա մի պատկեր է, որին չէ կարելի չվերաբերուել անխառն հիացումով:

Արծիւներն ու արծիւ հոգիներն են սաւառնում լեռներում եւ ոչ ճնճուկը:

Մայրենի լեզուի պաշտամունքը

Օտար նշանագրերի հմայքը որպէս անէծք դարերով կը ծանրանար հայոց աշխարհի վրայ:

Յայ արքունիքին, եկեղեցուն եւ դպրոցին աղէտալիօրէն կը պակասէր իր ժողովրդի խոպան սիրտն ու միտքը մշակելու եւ նուաճելու կարելիութիւնը: Թանձր տգիտութիւնը եւ իր զանազանակերպութիւնները՝ սնուցիչը մեր ցեղի հոգեբանական թերութիւնների՝ կը կրծին, կը մաշէին հայութեան հոգեւոր եւ ֆիզիքական կազմուածքը: Քրիստոնէական վարդապետութիւնը, որ կը քարոզուէր օտար եւ անհասկանալի լեզուներով,- ասորերէն, յունարեն – կը շարունակէր մնալ որպէս արտաքին մեռեալ ծեւ ու ծէս: Երես դարձրած իր հին աստուածներէն՝ հայութիւնը կը մնար եապէս անկրօն, զուրկ նոր աստուածութեան զգացումից: Յայ պետութիւնը կ'ապրէր հոգեւոր անիշխանութիւն, քանզի իրեն կը պակասէր անհատներն իրեն կապող շաղախը, որ մայրենի լեզուն է:

Որպէս հեթանոս՝ գուցէ եւ հնարաւոր լիներ ապրել առանց մայրենի տպագրական լեզուի,- կար հեթանոս կրօնը, կային աստուածները: Քրիստոնէութեան մուտքը, սակայն, աւելի եւս անհրաժեշտ էր դարձրել մաշտոցեան գիւտը: Յայ պետութեան ժակատագիրը վարողներն այլեւս ընթռնել էին ժամանակի գերագոյն պահանջը: Պէտք էին հայերէն նշանագրեր, եւ ահա-

օգնութեան է հասնում տարօնցի կրօնաւորի ստեղծագործ հանձարը: Եւ ահա ձեւակերպում են հայ տառերը, որոնց գործադրութիւնը հնարաւոր պիտի դարձնէր կրօնական արմատական յեղաշրջումը՝ քրիստոնէութեան վերջնական յաղթանակը Հայաստանում:

Վաղարշապատից դուրս, Ռահ գետի մօտ, թագաւոր եւ ժողովուրդ ցնծութեան աղաղակներով կը դիմաւորէին հայ լուսակրին, որ Սամոսատում իր միսթիկ յափշտակութիւնների եւ հսկումների մէջ յաջողել էր կորզել «երկնքեն» հայ տառերի ձեւերը, եւ միասնական յոյսերով կը փութար հայրենիք:

Հասկանալի եւ արդար էր հայ ժողովրդի ուրախութիւնն այդ օրը, քանզի իրեն կը տրուէր «պրոմէթեան կրակը», որ պիտի հալածէր ցուրտն ու խաւարը հայ ցեղի կեանքէն, քանզի նա կ'ունենար մի եւ անբաժան հոգեւոր կազմուածք դառնալու կարելիութիւնը. քանզի այդ օրը հայոց աշխարհում իրար կը հանդիպէին հայ գրիչը, խաչն ու հայ սուրը, կը հանդիպէին, կը համրութէին:

Այլեւս կար տպագրական մայրենի լեզուն՝ գէնքերի հրաշագործ գէնքը, որով մեր ցեղը պիտի կարողանար դիմագրաւել աշխարհակալ ցեղերի հայասպան փորձերը:

* * *

Մեսրոպեան գիւտը, սակայն, որի անդրանիկ գործը եղաւ փառահեղ Աւարայրը, իր մեծ փառքի հետ ուներ եւ իր խոր ողբերգականութիւնը: Այն է, նա շատ ուշ էր դառնում հայ ժողովրդի սեփականութիւնը: Այլեւս երեւութական էր դառել հայոց թագաւորութիւնը, որ կը տառապէր հոգեւոր եւ քաղաքական հիւծախսով:

Հայութիւնը՝ կորցրած ազգային միութեան եւ միաբանութեան բնագդն ու գիտակցութիւնը՝ կորցնելու վրայ էր իր քաղաքական անկախութիւնը: Մեր երկրի բանալիները վաղուց էին յանձնուած օտար դռնապաններին: Դա մի ժամանակաշրջան էր, երբ նախանձի դեւով բռնուած հայ նախարարները, չնչին բացառութեամբ, ծառայութիւնն օտարին աւելի տանելի կը համարէին, քան իրար ենթարկուելը: Թշնամիների բարբարոս հարկահաւաքութեան դիմացող հայն այլեւս չէր հանդուրժեր իր եղբօր մի հատիկ դառը խօսքին: Ոչ ոք կը ճանաչէր իրենից աւելի

ձեռնիասը, արժանաւորը, մեծը: Քիչերը կ'ուզէին հասկանալ, թէ հարազատ հայրենիքում եղօր աջակցութիւնը, որքան էլ որ համեստ լինի, աւելի արժէ քան արտաքին օգնութիւնը, որը չէ տրւում ձրիաբար:

Կար երկպառակութեան մաշող ախտը, որը կը մղէր Սահակ Մեծին իր դառնութեան ժամերից մէկում զարկելու հայութեան երեսին՝ «Քահանայանալ ի վերայ տիրանենգ, եւ տիրասպան, եւ մատնիչ ժողովրդոց ոչ կարեն»:

Կար ներքին իրարակերութիւնը, որ հայ կաթողիկոսին արդար ցասումով ասել կուտար - «Ի տանէ առաւել քան յօտարաց բուսաւ մարտ դառնութեան: Յովիաննես»:

Կար ներքին «դժոխքը», որ կը թելադրէր հայ պատմագրին - «ազգս հայոց, որք մատաճք եւ կամօքն իրեանց կուրացուցին զաշս իրեանց. զի ինքեանք կործանեցին զբագաւորութիւն իրեանց: Առաքել»:

Իրերի այդ անմիշիթար դրութեան մէջ ահա՛ հայութեան տրուեց նոր հոգեւոր զէնքը, որից աւա՞ղ, այլեւս նա չպիտի կարողանար օգտուել ցանկալի չափով:

Զգալիորէն կրծատուած էին «ծայլք հայ խօսից»: Օտար ոտից կոխսան էր եւ հայոց միջնաշխարհը, ուր անվերջ արշաւանքներ կը սփրէին արտաքին թշնամիները, յաճախ իրենց նուաճողական նպատակներին ծառայեցնելով եւ ներազնեայ, ներքին թշնամիներն:

Կը պակասէր խաղաղութիւնը՝ մայրը պետական շինարարութեան ու հոգեւոր մշակոյթի: Յայ նշանագրերէն անհրաժեշտ չափով օգտուելու կարելիութիւն չկար այլեւս եւ հենց դրանում էր մայրենի այբուբենի դրութեան ողբերգականութիւնը:

* * *

Յայ լեզուն այսօր ազգային հոգեւոր ինքնապաշտպանութեան գրեթէ միակ զէնքն է, մասնաւորապէս տարագիր հայութեան համար:

Ազգային ինքնաճանաչութիւնը պարապ խօսք է – սին՝ առանց մայրենի լեզուի:

Վաղուց ենք գիտակցել, թէ լեզուի մահը դառնում է ժողովուրդների հոգեւոր եւ քաղաքական մահը: Արդարացիօրէն

կը դատապարտենք օտարախօսներին, քանզի «նրանց հոգիները կը նմանին պղնձի, որից հրեան զատել է արծաթը»:

Կ'ընդունինք, թէ լեզուն միակ ուսկէ կամուլցն է, որ ձգուած կը մնայ անցեալի եւ ներկայի միջեւ:

Պարզ է այդ ամենը, ֆիզիքական ցաւ պատճառելու աստիճան, բայց եւ այնպէս չգիտենք, չենք ուզում իմաստնօրէն օգտուել մայրենի լեզուից: Թէեւ յաճախ կը խոստովանինք, որ եթէ հայութիւնը ինքզինքը չկրծէր դարերով՝ բարբարոսների սուրը անկարող պիտի լիներ մաշելու մեր ազգի մարմինը: Բայց եւ այնպէս ոչինչ կը խնայենք հայութիւնը պահելու ներքուստ պառակտւած վիճակի մէջ՝ պատրաստի որս գիշատիչ հարեւանների համար:

Կարծէք ճակատագիրը լեզուների խառնակութեան նոր պատիժ է տւել մեզ՝ իրար չհասկանալ:

Զարհուրելի է օրուայ հայ խօսքը.-

«Անոնց բերանը բաց գերեզման է»:

Ներքին ստեղծագործ համերաշխութիւն

Երբ հանրային գործիչների փոխարաբերութիւնները կը պաղին, ժողովուրդն առնուազն կ'անբարոյականանայ:

Պատմական իրողութիւն է, որ հայ ժողովուրդը դարերի իր քաղաքական տնանկութիւնը կը պարտի աւելի իր պետական կամ ազգային գործիչների փոխարաբերութեանց այլանդակութեան, քան երկրի աշխարհագրական դիրքին եւ արտաքին թշնամիների նուաճողական ախորժակներին: Այլ պիտի լիներ հայութեան ճակատագիրը, եթէ նրա ղեկավարները՝ ներքին իրերակերութեանը զբաղուելու փոխարէն, կոիւ յայտարարած լինէին իրենց թերութիւնների դէմ:

* * *

Ոչինչ այնքան կրթիչ, ազնուացուցիչ է անհատի եւ զանգուածների համար որքան ղեկավարների յարաբերութեանց վեհութիւնը: Իսկ գործիչները, որոնց յարաբերութիւնների մէջ տեղ չունի ազնուութիւնը՝ լոելեայն կը նուիրագործեն եւ կը խրա-

խուսեն իրենց շուրջը կատարուող բոլոր տեսակի վատութիւնները:

Երբ մի ժողովրդի գործիչները եսապաշտ են, անհաշտ, ոչընկերական, այլեւս կարիք չկայ աւելի մեծ դժբախտութիւններ ցանկանալու նրան:

Եւ միշտ էլ ժողովուրդն է, որ կը քաւէ իր ղեկավարմերի մեղքը:

Հայութիւնը դարեր տեւող ստրկութեամբ, անպատում տառապանքով ու անհաշիւ զոհերով է քաւել եւ դեռ կը քաւէ իր անհամերաշխ գործիչների փոխյարաբերութեանց այլանդակութիւնը:

* * *

Մեր ժողովրդի համար անէծք է եւ իր օրուայ գործիչների յարաբերութիւնները, որ խունկ չեն հոտիր:

Շա՞տ են հայ մարդիկ, որոնք բարոյական արիութիւն ունենամ՝ հաճոյքով խօսելու իրենց հակառակորդների եւ նրանց յաջողութիւնների մասին:

Ես մի գերեզման գիտեմ Սիւնեաց աշխարհում, որի վրայ տասնութերորդ դարի հայ ձեռքը խորհրդանշօրէն յաւերժացրել է մեր ժողովրդի եւ իր անձնուէր պաշտպանների գոյութեան ողբերգութիւնը: Գերեզմանաքարերի վրայ քանդակուած աղուէսը խեղուում է առիւծին: Դա ասել է՝ խորամանկութիւնը սպանում է քաջութիւնը, խորամանկը յաղթում է քաջին: Առաջինը՝ Մելիք Ֆրանգիւլն է, ծանօթ դաւաճանը, երկրորդը՝ Թորոս իշխանը՝ քաջ հայրենապաշտը:

Ի՞նչ, ընթերցո՞ղ, դժուա՞ր է եւ այսօր մեր կեանքում տեսնել, թէ ինչպէս յաճախ աղուէսը «խեղուում է» առիւծին: Ինչպէ՞ս, աղուէսը յաղթակա՞ն եւ առիւծը պարտւա՞ծ...

Ահա՝ թէ ինչու մղուում եմ ասելու, թէ ապագան բազում խաչեր ունի պահած ցեղի համար:

ԿԵԱՆՔԻ ՕՐԵՆՔԸ

Անկախ թափանց ծիգերէն դու չպիտի հասնես նպատակիդ, եթէ սխալ է ընտրածդ ճամբան, եթէ ճամբան, որով կ'առաջանաս, չի տանիր դէպի նպատակ:

Յերիք չէ նպատակ դնել միայն, պէտք է իմաստութեամբ նաեւ ընտրել կարողանալ դէպի նպատակը տանող ճամբան: Որքան բնական ու հեշտ է այս կամ այն նպատակի ընտրութիւնը, այնքան դժուար է այդ նպատակի իրականացնան համար անհրաժեշտ միջոցների անսխալ ընտրութիւնը:

Ժողովուրդներ ու անհատներ կան, որոնք Մետերլինկեան կոյրերի⁸ պէս մոլորուած տգիտութեան անտառում՝ կը շարունակեն խարխափել մթութեան եւ անստուգութեան մէջ, մոլար ճամբաների վրայ:

Մոլորանք ու խարխափում,- ահա՛ թէ երբ է ծնունդ առնում տառապանքը եւ հսկայական սեւ թռչունի պէս իր ցուրտ թեւերը տարածում իրենց նպատակի ճամբին մոլորուած, ճամբից դուրս ընկած, ճամբան կորցրածների հոգու վրայ:

Այո՛, ժողովուրդները տառապել են եւ կը տառապեն իրենց առաջնորդների անհմաստութեան եւ հոգեւոր անզօրութեան երեսից: Իսկ իմաստուն չեն այն բոլորը՝ ժողովուրդ թէ անհատ, որոնք չգիտեն թէ ի՞նչ է եւ ինչո՞ւմն է կայանում կեանքի օրէնքը:

Դա բնութեան մեծ եւ անողոք օրէնքն է, անփոփոխ օրէնքը անհատի եւ ցեղերի զարգացնան, որի նպատակն է՝ թոյլ չտալ ցեղերին կանգ առնելու, քարանալու մի որոշ կէտի վրայ, այլ երթալու առաջ մինչեւ որ պայքարողները կը հասնեն մարդկային իդեալ վիճակի, երբ պատերազմը սպանած կը լինի պատերազմը, երբ կը դադարի պայքարը, տեղի տալով կատարելագործուած եւ հաւասարապէս յարգուած ժողովուրդների եղբայրութեան առջեւ:

Եղի՛ր այնպէս, որ արհամարհելու փոխարէն կարողանամ յարգել քեզ,- այս իմաստով պէտք է թարգմանել յարձակուողի հոգեբանութիւնը:

Անվերջ ինքնակատարելագործում

Ղժբախտ է այն ժողովուրդը, որի ղեկավարները չեն ճգնում լրացնելու բնութեան թերին, չեն աշխատում կատարելագործել իրենց հոգեւոր եռթիւնը:

Աւելի քան ղժբախտ է նա, երբ իր ղեկավարները չեն տառապում իրենց անկատարելութեան գիտակցութիւնից: Անձնական անկատարելութեան գիտակցութիւնը երկունքն է վաղուայ կատարեալ ղեկավարի:

Ով չի կարող իր կրքերը ենթարկել կամ ծառայեցնել իր կամքին, իր բանականութեան, չի կարող նաեւ արդիւնաւոր կերպով ծառայել իր ազգին:

Սէր, յարգանք, պաշտամունք պարտադրել՝ կը նշանակէ իշխանութիւն ունենալ հոգիների վրայ:

Երբ կը սիրենք, կը յարգենք, կը պաշտենք, կը նշանակէ կը ճանաչենք ուրիշի իշխանութիւնը եւ որոշ բարոյական տուրք կը տանք նրան:

Այլ խօսքով՝ ուրիշների մէջ մենք սիրում ենք այն, ինչ որ որոշ չափով կայ եւ մեր մէջ: Յայրենասէրը ջերմ սէր ունի դէպի հայրենապաշտը: Արին սիրում է արիութիւնը անգամ իր հակառակորդի մէջ: Մենք սիրում ենք մեր ննանին եւ առնուազը անտարբեր ենք դէպի այն բոլորը, որոնք հոգեբանօրէն օտար են մեզ:

Դու՝ հայրենանուեր՝ հոգով խորթ ես այն բոլորին, որոնք հայրենիք սիրելու, նրան զինուրելու քաղցրութիւնը չեն ունեցել որոշ չափով՝ եւ թշնամի այն բոլորին, որոնք չեն ճանաչում քո աստուածները:

Սէկը քո անձի մէջ տեսնում է մի քան իր հոգուց, իրենն է համարում քո յաջողութիւնները եւ լիուլի բերում իր պաշտամունքի տուրքը: Մի ուրիշը, քո մէջ չի տեսնում մի քան իրենից եւ դրա համար էլ չի հանդուրժում քո հոգեւոր լուծը, դրա համար էլ զլանում է իր հոգեւոր տուրքը:

Ահա՛ թէ ո՞ւր է շոշապատիդ որոշ տարրերի անտարբերութեան, երբեմն էլ թշնամանքի գաղտնիքը:

* * *

Բարձր չես թշնամիներից, եթէ վախենում ես նրանց չարախօսութիւններից: Մաքուր խղճի չափ ուժեղ չէ եւ ոչ մի վահան:

Իր խղճի պաշտպանութիւնը վայելողը կարիք չի ունենայ ուրիշների պաշտպանութեան:

Գիտցի՛ր ներել: Մեծ իմաստութիւն է դա: Ներել բոլորին, բոլորին, միայն ոչ քեզ, միայն ոչ քո թերութիւնները:

Ներիր ապացուցանելու համար գերազանցութիւնդ անձնական հակառակորդներիդ նկատմամբ:

Չափազանց ծանր թեռ է յիշաչարութիւնը, դուն ներիր եւ անցիր: Ների՛ր, քանզի յանցանքներ կան, որոնց մեծագոյն պատիժը ներումն է:

Եւ եթէ մի օր քեզ հարցրին, թէ ի՞նչ է ներումը՝ պատասխանիր ծանօթ հեքեաթի կոյր աղջկայ խօսքերով՝ «Դա անուշահոտութիւնն է, որ արձակում է մեզ համար ծաղիկը, երբ տրորում ենք այն»:

* * *

Անվերջ ինքնակատարելագործում,- ահա՛ թէ ինչ պէտք է լինի հանրային գործիչի կեանքը: Նա պէտք է նախ մշակէ իրեն համար մտապատկերը կատարեալ առաջնորդի եւ ապա նրա հետ ամէն օր բաղդատութեան դնէ իր անձը:

Քաղաքական գերագոյն իմաստութիւնը

Ժամանակն իր լեզուն ունի, որը միայն մեր ժողովուրդը չէ հասկանում:

«Ես ե՛ւ չար եմ, ե՛ւ բարի», - ասում է իինը փոխարինելու փութացող նոր ժամը, օրը, տարին:

«Ես յաղթութիւն եւ սպեղանի եմ թերում նրանց, որոնք կը հասկանան իմ լռութիւնը, կը մեկնեն իմ գաղտնիքները: Ընդհակառակը, նոր պարտութիւն ու վերքեր ունեմ պահած նրանց համար, որոնք չեն հասկանայ ինձ, որոնք կը լքեն պայքարի դաշտը, որոնք չեն պատրաստուի նոր ճակատամարտների համար»:

«Այնպիսի ձեւով մը կնքուած է Լօզանի դաշնագիրը, որ իբր թէ հայերը գոյութիւն չունենային», - ասում է Յ.Յ. Պատուիրակութիւնը Ազգերի Դաշնակցութեան ուղղած իր մի գոյութեան մէջ:

Այո՛, «ընդունելի չէ - ասենք Կրաֆտ Բոնարի հետ - որ գոչի մէկ հարուածով ժողովուրդ մը ջնջուի»:

Ո՞րն է այն բառը, որով կարելի լիներ որակել այն հարուածը, ինչ որ հասցրին մեր ցեղին:

Վիրաւորա՞նք, անարգա՞նք, նւաստութի՞ւն: Մաշուած խօսքեր, որոնք ճշնարիտ հայ հոգու ամօթանքի եւ դառնութեան մի հարիւրերորդ մասն իսկ չպիտի կարողանան արտայայտել:

Արեւի տակ դեռ չեր տեսնուել, որ մէկը կարողանայ խրոխտալ.- «Ես չեմ ուզում, որ այս ինչ ազգի նոյնիսկ անունը յիշատակէք». մէկը, որ այս ձեւով արտայայտէր իր կամքը եւ դա պարտադրել տար ողջ աշխարհին: Բայց գտնուեց այդ մէկը՝ երեկուայ այնքան ոտնահարուած ու նուաստ թրքութիւնը:

Նա սպանեց մեր ժողովուրդը եւ քողեց, որ ապրի:

Եւ մի օր Յ.Յ. Պատուիրակութիւնը, Ազգերի Դաշնակցութեան ուղղած իր գոյութեան մէջ աւելացրեց հետեւեալը.

«Լօզանի դաշնագիրը դատելու գործը պատմութեան կը թողնենք»:

Վա՞յ հայութեան, եթէ մեր սերունդը չընդունէ, թէ իրեն է ձգուած սրբելու Լօզանի արատը:

Վա՞յ նրա ապագային, եթէ մեր սերունդը չկարողացաւ վաղն ասել թրքութեան - «Ճնշեց դատաստանի ժամը»:

* * *

Մեղաւոր է մարդկութիւնը մեր հանդեպ, սակայն, անմեղ չենք եւ մենք: Սերն է մեղքի մեծ բաժինը, քանզի մեր ձեռքն է բանալին այն բոլոր դրութիւնների, որոնց մէջ կ'ուզէինք եւ կարող էինք լինել, քանզի մենք ենք մեր ճակատագրի ճարտարապետը:

Օտա՞րն է մեղաւոր մեր տոհմիկ թերութիւնների համար, որոնք միշտ էլ դիւրացրել են թշնամու գործը:

Օտա՞րն է մեղաւոր, որ հայն իր ձեռքով իր գլխին փլցրեց իր թագաւորութիւնը, որպէսզի այնուհետեւ նստէր ու վայէր իր անկախութեան փլատակների վրայ:

Օտա՞րն է մեղաւոր, որ դեռ երեկ Կարսի պատերի տակ հայ զօրավարն ու զինուորը պատուաւոր ու յաղթական մահեն թրքական անարդ գերութիւնը գերադասեցին:

Օտա՞րն է մեղաւոր, որ դեռ այսօր էլ պատերազմի գործին ծառայող զիտութիւնների մեջ մեր սերունդն էլ դեռ ճանաչում է մշակոյթի միայն կանացի կողմնը:

* * *

Ամէնեն զարհութելին պարտութիւնը չէ, այլ պարտուողականութիւնը, որով բռնուած ժողովուրդը լրացնում է, կատարեալ դարձնում իր թշնամու յաղթանակը:

Դասկանանք այդ: Ժողովուրդները վերջանականապէս չեն պարտում, չեն մեռնում իրենց երկրամասի կէսն իսկ կորցնելով: Եականը եւ աղէտալին մեզ համար Կարսի կորուստը չէ, այլ պարտուողականութիւնը – մայրը նորանոր պարտութիւնների, որի գիրկը Կարսի գրաւումով մեզ նետեց թշնամին:

Պարտուողականութիւնը արձագանգն է թշնամու յաղթակի ու սարսափի, որ շարունակում է ապրել պարտեալի հոգում, անվերջ տրորելով եւ ուժաբափելով այդ վերջինը:

Պարտուողականութիւնը հոգեւոր իհիծախս է, ինքն իրեն կրծելու խելագարութիւն, ինքնանուաստացումի ցաւ՝ աստիճանական անձնասպանութիւն:

Այդ զարհութելի ախտով տառապող ժողովորդի մեջ իր ամենալաւ ոյժերը մնում են թնրած վիճակում, եթէ չմեռան: Թուրքը գիտէ, իսկ մենք չենք ուզում հասկանալ, որ ցաւի ամէն մի արտայայտութիւն, հառաչանքի ամէն մի պոռթկում, արցունքի ամէն մի կաթիլ ուժաբափում է մեր ցեղի ֆիզիքական եւ հոգեւոր կազմուածքը՝ տկարացնելով մարդն ու մարտիկը հայու մեջ:

Թուրքն ուզում է, իսկ հայ պարտուողականը աշխատում, որ խորտակուի մեր ցեղի եւ բարոյական ողնաշարը, որ մեր պարտութիւնը լինի վերջնական:

Նայում ենք բաց աչքով, բայց չենք տեսնում, թէ ի՞նչ է դառնում մեր շուրջը: Պարտուած ենք ու պարտուողական,- եւ ահա՝ ազգերը սկսել են արհամարհանքի աչքով դիտել մեզ: Նրանք սկսել են աւելի թերութիւններ տեսնել մեր ժողովորդի վրայ,

քան որ ունի նա: Նրանք փորձում են մեր ուսին բեռցնել համբաւներէն կատթարագոյնը:

Այսօր մեռեալ սիրոյ աչքով են դիտում մեզ եւ մեր օտարազգի սակաւաթիւ բարեկամները: Նրանք – հիմք ունին այսպէս մտածելու – մի օր պիտի լքեն հայ դատը, եթէ հայութիւնը չկարողանայ արդարացնել նրանց բարեկամութիւնը:

- Թուրքն սկսել է իր սեփական թեւերով թռչելու փորձեր կատարել, իսկ դո՞ւք,- վերջերս ասում եր ինձ մի օտարազգի հայատը,- դուք պիտի կարողանա՞ք յաղթական վստահութեամբ ասել նրան՝ «թէկուզ արծուի պէս բարձրանաս եւ քո բոյնդ աստղերուն մէջ դնես, քեզ անկէ պիտի իջեցնեմ»:

- Այո՛,- եղաւ իմ պատասխանը:

- Երաշխի՞քք:

- Ցեղային բարոյականը, որով այսուհետեւ ապրելու եւ առաջնորդութելու ուխտն ունի նոր հայը:

Եղի՛ր ահաբեկիչ

Վա՞յ այն երկրին, որի որդիները պայքարի են մտնում հայրերից թռղնւած գէնքերով: Պարտութիւնն է նրանց բաժինը:

Ապրում ենք Արեւելքում, շրջապատուած հայակեր բարբարոսներով, որոնց աւերիչ թեւն ու թափք տկարացնելու համար, նրանց վառ երեւակայութիւնը ահաբեկել պէտք է կարողանանք:

Ի՞նչ է այդ ահաբեկիչ ուժը:

Սարսափը՝ գէնքերից մեծագոյնը, որ մեր ձեռքը պէտք է տայ նորագոյն գիտութիւնը:

Ի՞նչ կը լինէր, եթէ մեր ժողովուրդն իր ինքնապաշտապնութեան գործին լծած լինէր գիտութիւնը, եթէ հարիւր հայ մտաւորականներից մէկը լինէր հրարուեստագէտ կամ զինուրական քինհագործ:

Մեր ազատագրական պայքարը մեզնից խլած պիտի լինէր հարիւր անգամ պակաս զոհեր եւ մեր պատմութեան վերջին էջերը կը լինէին նուազ չափով անօթալի եւ սեւ:

Թրքութիւնը մեծ եւ անպարտելի է թում հային, որովհետեւ հայ մարդը զոհ է ստրկական վախի: Սակայն, թող հայը փորձի ոտքի կանգնել, թող ճգնի իր հայրենապաշտութեան միացնել

զինուրական հրարուեստագիտութեան եւ քիմիայի ահաւոր ոյժը, այն ժամանակ ահաբեկուած հայը կը դառնայ ահաբեկիչ:

Եղից ահաբեկիչ, - ահա՝ մի ուրիշը ցեղային բարոյականի պահանջներից:

Նոր գլուխք

Թրքութիւնը պատմելու մի հատիկ միջոց գիտեմ ես՝ նրան, հակառակ իր կամքին, դարձնել մեր փրկիչը: Այդ միջոցը ուրիշ բան չէ, բայց եթէ գերազանցել նրան ռազմարուեստագիտաբար եւ հոգեբանօրէն: Այսպիսով մենք ապահոված կը լինենք երկու բան, - առաջինը՝ մեր փրկութիւնը, երկրորդը՝ թրքութեան պատիժը:

Այո՛, այս ճամբով, այլապէս պիտի շարունակենք մեզ մահ սպառնացող թշնամու ոտքն ու ձեռքը սարդոստայնով կաշկանդելու միամիտ փորձեր կատարել:

Կայ զլխովին կորչելու վտանգը եւ հայութիւնը հրամայողաբար պէտք է դառնայ ինքնապաշտպանունակ: Իսկ դրա համար նա խորապէս պէտք է գիտակցի, թէ անբարոյականութիւն է չձգտել տիրանալու գիտութիւններին, երբ ե՛ւ սուր կարիք, ե՛ւ հնարաւորութիւն կայ:

Իսկ դրա համար պէտք է դադարել պատերազմի գործին ծառայող արուեստներից օգտուելուց այնպէս, ինչպէս կոյրը լոյսից է օգտում:

«Բնութիւնը շանթեր է արձակում մարդու անպաշտպան տնակի դէմ, - եւ մարդը հնարեց շանթարգելը»:

Թրքութիւնը մահուամբ է սպառնում մեր ցեղի մնացորդին, եւ հայութիւնը ցեղային բարոյականից հրահրուած, պէտք է հնարէ իր «շանթարգելը», պէտք է զինուի պատերազմական քիմիայի եւ հրարուեստագիտութեան ահաւոր ոյժերով:

Այլապէս, հայ ժողովուրդ մահուան է դատապարտուած:

* * *

Քիմիական լիակատար սպառագինութիւն,- ահա՛ ազգերի օրուայ կարգախօսը:

Քիմիական ներգործօն պաշտպանողական,- ահա՛ թէ ինչի կարիքը վաղը պիտի զգայ Յայստանը, եւ ինչը, որպէս գիտութիւն եւ արուեստ պէտք է իւրացնի մեր սերունդը:

Վաղը պիտի յաղթի քիմիագիտական եւ ոչ թէ թուական գերազանցութիւն ունեցողը:

Ասել է՝ հայութեան կը մնայ ապացուցել, որ ինքը որպէս իմացականութիւն աւելի զօրաւոր է քան իր թշնամին:

VIII ՆՈՐ ՀԱՅԸ

Կայ արտաքին վտանգը՝ յիշիր պատերազմը. կայ եւ այդ վտանգը զինաթափել կարողանալու, այդ վտանգին յաջողութեամբ դիմագրաւ լինելու խնդիրը. կայ ուրեմն կարող եւ իմաստուն առաջնորդի եւ առաջնորդութեան պահանջը:

Ամէն մի ժողովրդի մէջ կայ առիւծը նիրհած վիճակում՝ ցեղի ոյժը:

Կարող առաջնորդը նա է, որ գիտէ արտաքին վտանգի ժամանակ իր ժողովրդի մէջ արթնցնել այդ առիւծը:

Եթէ ժողովուրդները, մասնաւրապէս մեծ վտանգների ժամանակ կը սպասեն մի իրաշագործ փրկչի՝ ապա իմաստուն ժողովրդավարը, զանգուածների հոգեբանութեան ծանօթ առաջնորդը միշտ էլ հաշուի կ'առնէ ժողովրդի խորհրդապաշտութիւնը եւ ըստ այնմ կը կազմակերպէ նրա փրկութեան գործը:

Ուժեղ իմացականութիւն, մեծ եւ բոլորանուէր ծառայութիւն,- ահա՝ իրական առաջնորդը: Նրա ներկայութիւնը ազնուացնում է հոգիները, թեւաւրում, գօտեպնդում: Նրա շնորհիւ անկարելի համարուածը դառնում է դժուարին միայն, դժուարինը՝ կարելի: Շքեղ երազները դառնում են նպատակ եւ երջանիկ իրականութիւն:

Պիտի գայ, դեռ պիտի յայտնուի նոր հայը որպէս ազգային ղեկավար՝ զինուորականի, պետական մարդու եւ մշակութային գործիչի դերերում: Նա կը գայ, կը յայտնի նոր էութեամբ, զերծ հին թխմորէն, ազատ դարեւոր ստրկութեան ախտերէն՝ որպէս ցեղային նոր բարոյականի մարդ:

Անձնական երջանկութեան վարդապետութիւնը,- ահա՝ թշնամին մեր ցեղի հաւաքական երջանկութեան:

Այդ կարգախօսով նոր հայը ձեռնոց կը նետէ մեր ցեղը մաշող հին բարոյազուրկ հասկացողութիւններին:

Ազգերի մէջ միայն ճապոնացին է ասել. «Եթէ խորապէս գիտակցենք, որ սէրը դէափ հայրենի երկիրն ու ժողովուրդը աւելի մօտ է կանգնած մեծ ու գեղեցիկ արեւին, քան մեր հայրենիքի

ամենաբարձր լեռները, այն ժամանակ մահը մեզ համար թոշունի փետուրից էլ թեթեւ կը թուայ»:

Այսպէս պէտք է լինի վաղուայ հայը, այսպիսի բարոյականով առաջնորդուող հայութիւնը միայն կարող է ապահովել հայ ազգի տեղն արելի տակ:

**«Դայրենիք» օրաթերթ, Բուստոն, 1930թ.,
մայիս, յունիս, թիւ 5472-5478, 5480-5501**

ՈՐՈՉ ԾԱՆՈԹԱԳՐՈՒԹՅՈՒՆՆԵՐ

¹ ճապոնիա (էջ 6):

² Ֆրանսիացի գեներալ, ռազմական գրող (1779-1869) (էջ 10):

³ Պրուսիայի թագավոր 1740-1786թթ. (էջ 13):

⁴ Շվեյչայի թագավոր 1611-1632թթ. (էջ 34):

⁵ Սաղավարտի վրայի զարդ (էջ 53):

⁶ Բազմություն, խումբ (էջ 56):

⁷ ճակատամարտը տեղի է ունեցել Բյուզանդիայի և Արաբական խալիֆաթի բանակների միջև 636թ. Յորդանան գետի վտակ Յարմուկի հովտում (էջ 62):

⁸ Յեղինակը նկատի ունի բելգիացի աշխարհահոչակ գրող Մորիս Մետերլինկի «Կույրերը» պիեսի հերոսներին (էջ 90):

ԲՈՎԱՆԴԱԿՈՒԹՅՈՒՆ

ԵՐԿՈՒ ԽՈՍՔ	3
I. ԿԱՅ ՄԱՐԴ՝ ԿԱՅ ՊԱՏԵՐԱԶՄԸ	5
II. ՉԱՐԱՏՈՒՈՂ ԺՈՂՈՎՈՒՐԴԸ	8
III. ՌԱԶՄԱՌՈՒԵԱԾ (ՅԱԿԱՏԱՄԱՐՏԻ ՀՈԳԵԲԱՆԱԿԱՆ ԿՈՂՄԸ)	12
IV. ՑԵՂԱՅԻՆ ԻՆՔՆԱԲԱՆԱՉՈՂՈՒԹԻՒՆ	42
V. ՑԵՂԱՅԻՆ ԲԱՐՈՅԱԿԱՆԸ	65
VI. ՀԱՅ ԶԵՆքի ԱՆՅԱՋՈՂՈՒԹԵԱՆ ՊԱՏճԱՌՆԵՐԸ	68
VII. ՑԵՂԱՅԻՆ ԲԱՐՈՅԱԿԱՆԻ ՊԱՐԱՆՁՆԵՐԸ	78
VIII. ՆՈՐ ՀԱՅԸ	98